



**KOMMUNALBESTYRELSIP
ILEQQUUSUMIK ATAATSIMINNARA
TALLIMANGORNEQ ULLOQ 30. JUNI 2022 NAL. 09:00**

Peqataasut:	Palle Jerimiassen (AT), borgmesteri Sakio Fleischer (S), borgmesterip tulliaata aappaa Aqqalu Clasen Jerimiassen (A) Knud Kleemann (A) Minik Høegh-Dam (AT) Lena Ravn Davidsen (D) Bendt B. Kristiansen (IA) Niels Davidsen (IA) Jens Ole Nathanielsen (IA), borgmesterip tullia siulleg Anthon Frederiksen (N) sinniisussaa Hartman Heilmann (N) Jens Napâtok' (N) Ane Qujaukitsoq (S) Elisabeth Nielsen (S) Jakob Petersen (S) sinniisussaa Themotheus Petersen (S) Jens Kristian Therkelsen (S) Jørgen Kruse (S) Margrethe Christensen (S) sinniisussaa Nikolaj Jensen (S)
Imaqarniliortoq:	Nick Nielsen, pisortaaneq
Immikkut aggersakkat:	Pisortaqatigiit
Oqalutsit:	
Ataatsimeeriaaseq:	Telefonikkut

KOM	QULEQUTAQ	BILAG
	Iisimatitsissutit	
046	Ilimanami angerlarsimaffimmi paarsisoq	001
047	Atorfimmik pilersitassamik aallartitsiaarneq	002
048	Siunnersuut: Atuarfik Mathias Storchimi kigutileriffiup allamut nuunneqarnissaa, Lena Ravn Davidsen	003
049	Siunnersuut: Qaanaami timersortarfiup nutarternissaanut nutaamillu sanasoqarnissaanik siunnersuutit, Ane Qujaukitsoq aamma Minik Høegh-Dam	004
050	Katersugaasiveqarnermi periusissatut siunnersuut	005
051	Missingersuutinik nikisitsinissamik qinnuteqaat	006
052	App-i UNESCO-mut	007
053	Innarluutillit pillugit politikki 2023-2026	008
054	Missingersuutit 2024-imut sinakkutissaa	009
055	Alannukasiup Qaavata aamma Kuunnguarsuup Qaavata eqqaanni inuussutissarsiorfinnut periusissiamut tunngatillugu politikikkut apeqqutilliissut, Aqqalu Jerimiassen (A)	010
056	Umiarsualivinnik kommunip tigusaqarnissaanut tunngatillugu politikikkut apeqqutilliissut, Palle Jerimiassen (AT)	011
057	Itisuarsummi namminersortutut suliaqartunut tunngatillugu politikikkut apeqqutilliissut, Minik Høegh-Dam (AT)	012
058	Upernaviup umiarsualiviata iluarsaannissaanut tunngasutut politikikkut apeqqutilliissut, Knud Kleemann (A)	013
059	Tapiliutitut aningaasaliissutit, Upernavimmi eqqaavissuup salinnera	014
060	Sanaartornermi aningaasaliissutinik nikisiterineq	015

061	Avannaata kommuniata eqqagassalerinermut pilersaarutaanut siunnersuut	016
062	Eqqakkanik ikuallanneqarsinnaasunik umiarsuarmik nassiussisarnissaq pillugu kiffartuussinissamik isumaqatigiissusiornerup aningaasatigut ersarissarneqarnera	017
063	Igalaaminernik, saviminernik ulorianartunillu igitassanik innuttaasut immikkoortiterisarnissaat	018
064	Ilulissani aqquuserngit taagutaannut nutaanut isumassarsianik unammisitsinermik nalilersuineq	019
065	Umiarsuarni takornarianik angallassisuni ilaasut akileraarutaannik atuutilersitseqqinnissamik tusarniut	020
066	Aningaasanik nuussinissamut qinnuteqaat	021
067	Ilinniarfinnik pilersitsisinnaaneq pillugu tusarniummut akissut	022
068	Aningaasanut atuinermi killiffimmik nalunaarut 2. kvartal	023
069	Oqaluuserisassatut siunnersuutit	024
070	Immikkoortortami A12.2-mi, Ummannami sanaartofissagissaanerup nanginneqarnissaa	025
071	Kommunimut pilersaarummut tapiliussassatut siunnersuut Marralinnguami akunnittarfik, Nunaminertaq 1200-C02, Ilulissat	026

Aaliangiineq:

Oqaluuserisassat akuerineqarput, punkt 058 peerneqarpoq (ataatsimiititaliamut susassaqartumut utertinneqarpoq).

Ilisimatitsissutit:**Suliffeqarfimmi sulisut akornanni nalilersuineq, taaneqartartoq APV**

Kommuni suliffeqarferujussuuvoq, malitassat naapertorlungit sulisut akornanni missussuinerit ingerlanneqartartussaapput, taannalu taaneqartarpoq APV-mik. Kommunimi sulisunut suliaqartunut immikkoortortaqaarfiup suliassaq aallartissavaa ukiap ingerlanerani, suliassaq piareersarlungu aallartinneqareerpoq.


Kommunalbestyrelsimi ilaasortap Aqqalu C. Jerimiassen (A) siunnersuutingaa kommunimi APV-mik suliaqartoqassasoq, suliaq ingerlareerpoq naammassineqassallunilu.

Bilag ORI-01 Aqqalu C. Jerimiassen (A) siunnersuutaa

Aaliangiineq:

Ilisimatitsissut tusaatissatut tinguneqarpoq.

Ilisimatitsissutit avataatingut taaneqarput kommunit suleqatingiiffianut attuumasoq, imingassallersinnaanermut attuumasoq, pingasut sinnerlungit qinnuteqartoq.

Sag nr.	Sammasaq	Bilag. nr.	001
KOM 046	Ilimanami angerlarsimaffimmi paarsisoq	Journal nr.	

Uteqqiineq:

Ilimanami angerlarsimaffimmi paarsisup missingersuutai 2023-imut missingersuusiordermi sipaarutigineqarput. Sipaarutissat siunnersuutigineqarmata pissutaavoq, Ilimanami angerlarsimaffimmi paarsisoq paarsaqanngimmat aamma utaqqisut allattorsimaffianni allassimasoqanngimmat. Maanna Ilimanami utaqqisut allattorsimaffianni allassimasoqalerpoq, angerlarsimaffimilu paarsisoq ujjartorneqalerluni. Ilimanami angerlarsimaffimmi paarsisoq aallarteqqissanersoq uani aalajangerneqassooq.

Suliap saqqummiunna:

Kommunalbestyrelsi 25. november 2022, missingersuutit 2023-imut aappassaaneerlugit oqaluuserinerani, Inerisaanermut ingerlatsiviup sipaarutissat siunnersuusiorderatigut akuerineqarpoq Ilimanami angerlarsimaffimmi paarsisup missingersuutai sipaarutigineqassasut. Piffissami tassani sipaarutissat siunnersuutigineqarmata tunngavilersuutaavoq, angerlarsimaffimmi paarsisoq meeqqanik paarsaqanngimmat aamma utaqqisut allattorsimaffianni allassimasoqanngimmat. Maanna Ilimanamiit apersuutigineqartalerpoq, Ilimanami angerlarsimaffimmi paarsisoq aallarteqqissinnaanersoq. Angajoqqaat suliniaraluarlutik paarsisussaaleqisut Ilimanami massakkut ujjartuisalerput, tamannalu Ingerlatsivimmut arlaleriarluni noqqaassutigineqarpoq.

Iluarsiinissamut siunnersuut – sammisamut tunngatillugu nalilersuineq

Iluarsiinissamut siunnersuutaavoq, Ilimanami angerlarsimaffimmi paarsisoq aallarteqqissasoq. Ullumikkut utaqqisut allattorsimaffianni meeraq ataaseq allaqqavoq, 2014-imilu aalajangersakkami allaqqasoqarpoq, minnerpaamik meeqqat marluk utaqqisut allattorsimaffianni allaqqasut marluussasut, angerlarsimaffimmi paarsisoq aallartinneqassappat. Inerisaanermut ingerlatsiviup iluarsissutissat siunnersuutigaa, aalajangersagaq atorunnaarsinneqassasoq. Taamaalilluni utaqqisut allattorsimaffianni allaqqasut minnerpaaffeqarnerat atorunnaarluni.

Ingerlariaqqinnissaq

Aalajangerneq malillungu Inerisaanermut ingerlatsivimmiit suliap ingerlanneqassooq. Ilimanami angerlarsimaffimmi paarsisumik pissarsiorneq ingerlanneqassooq, nassaartoqarpallu meeqqanik paarsineq aallartinneqassooq.

Aningaasaqarnermi kingunerisinnaasat:

Aningaasaqarnermi kingunerisinnaasat tassaapput, angerlarsimaffimmi paarsisup aningaasarsiasai. Aningaasarsiat ukiumut annertussuseqarput kr. 341.000,- Ilimanami angerlarsimaffimmi paarsisoq junimiit aallartissappat taava aningaasat kr. 199.000,- ukiup sinneranut atorneqassapput.

Inatsisitigut tunngavigisat allagaatillu toqqammavissiisut:

- Meeqqanut suli atualinngitsunut perorsaaniikkut inerikkiartuutaasunik ulluunerani neqeroorutit pillugit Inatsisartut inatsisaat nr. 16, 3. december 2012-imeersoq

Suliamik isumaginnineq:

Inerisaanermut Ataatsimiititaliaq
Aningaasaqarnermut Ataatsimiititaliaq
Kommunalbestyrelsi

Inerisaanermi Ataatsimiititaliami aaliangerneq:

*Allattoqarfiup siunnersuutigaa Inerisaanermut Ataatsimiititaliap:
Ilimanami angerlarsimaffimmi paarsisoq aallartinnissaanut akuersissutigineqassasoq, taamaaliornikkut
2014-imeersoq aalajangersagaq KASA 14-08-05 atorunnaarsinneqarluni immikkullu angerlarsimaffimmi
paarsisup aningaasarsiassai kr. 199.000,- tapiissutitut akuerineqassasut*

Aaliangerneq:
Inassuteqaat akuerineqarpoq.

Aningaasaqarnermi Ataatsimiititaliami aaliangerneq:

*Inerisaanermi Ataatsimiititaliap Aningaasaqarnermut Ataatsimiititaliamut inassutingaa:
Inerisaanermi Ataatsimiititaliami aaliangerneq ilalerneqassasoq*

Aaliangerneq:
Inassuteqaat akuerineqanngilaq, siunertarli akuerineqarpoq aningaasallu ingerlatsivimmi nammineq
nanineqassapput.

Inassuteqaat:

Aningaasaqarnermut Ataatsimiititaliap kommunalbestyrelsimut inassutingaa

Aningaasaqarnermut Ataatsimiititaliap aaliangenera ilalerneqassasoq

Ilangussat:

Bilag 001-01: Ilimanamiit saaffiginnissut
Bilag 001-02: Angerlarsimaffimmi paaqqinnittarfiit meerartaasa ikinnerpaaffilerneqarnerannik
aalajangersagaq
Bilag 001-03: Beslutning om mindste antal børn for oprettelse af dagplejerordning
Bilag 001-04: Ilimanami utaqquisut allattorsimaffianni allaqqasoq ataaseq
Bilag 001-05: Aningaasatigut kinguneqaatit

Aaliangiineq:

Inassuteqaat akuerineqarpoq.

Sag nr.	Sammissaq	Bilag. nr.	002
KOM 047	Atorfimmik pilersitassamik aallartitsiaarneq	Journal nr.	

Uteqqiineq:

Avannaata Kommunia aamma Kalaallit Nunaanni Timersoqatigiit Kattuffiat suleqatigiinnissamut isumaqatigiisummik atsiogatigiinnikuupput, suleqatigiinneq tigussaasumik aallartissooq 2024 aallartippat. Isumaqatigiissutaavoq sulisunik ataatsimik ilassusiinissaq, aningaasarsiaalu suleqatigiinneq avinneqarlutik akilersorneqassasut. Maanna peqqinnerulernissaq anguniarlugu Avannaata Kommuniiani suliniutit amerlasuut ingerlanneqarput, sulisunik ataatsimik ilassusiinissaq pisariaqartinneqarluni. Uani aalajangerneqassooq sulisunik ataatsimik ilassusiinissaq aallartissanersoq, 2023-llu naanissaanut Avannaata Kommuniata aningaasartuutissat kisimi akilersorlugit.

Suliap saqqummiunnera:

Avannaata Kommunia Kalaallit Nunaanni Timersoqatigiit Kattuffiallu suleqatigiissamut isumaqatigiisummik atsiogatigiinnikuupput. Suleqatigiit innuttaasut peqqinnartumik avatangiiseqartinneqarnissaat, taavalu inuunerissaarnissaq anguniangarissuaat. Suleqatigiinneq timitalerlugu aallartinneqassooq 2024 aallartippat, massakut piareersarnerit ingerlanneqarput. Massakut Avannaata Kommuniiani peqqinnerulernissamut suliniutit ingerlareersut amerliartorput, taamaalilluni suliarineqartut amerliartorput. Amerliartornerannut kinguneqaataavoq ullumikkut sulisooreersut angummappiarsinnaanatik sulinerat. Tamannalu suliffigissaanermut tulluanngimmat aaqqiissuteqarnissaq pisariaqalerpoq.

Iluarsiinissamut siunnersuut – sammisamut tunngatillugu nalilersuineq

Aaqqiissutissatut siunnersuutaavoq, suleqatigiinnissamut isumaqatigiisummi ilaatigut aaqqiissutissaq, tassalu sulisunik ataatsimik ilassusiinissaq aallartinneqarsinnaassasooq. Isumaqatigiissutaavoq sulilertussap aningaasarsiassai Avannaata Kommuniata aamma Kalaallit Nunaanni Timersoqatigiit Kattuffiallu 2024-imiit avittassagaat. Aningaasarsiassat tamakkiisut Avannaata Kommuniata 2023 naanissaanut tamakkiisumik akilersussagai iluarsiissutitut siunnersuutigineqarpoq.

Ingerlariaqqinnissaq

Sulisunik ataatsimik ilassusiinissaq akuerineqassappat, taava Peqqik Sunngiffiullu ataanut inissinneqassooq. Tassanngaanniillu sulisussarsiornissaq aallartinneqarsinnaanngussooq, sulisoqarnermut immikkoortortaqaarfik suleqatingalugu.

Aningaasaqarnermi kingunerisinnaasat:

Naatsorsuutaavoq sulisunik ataatsimik ilassusiinermi aningaasaqarnikkut kinguneqaateqassasooq ukiumut kr. 450.000,- Taakkulu Avannaata Kommuniata Kalaallit Nunaanni Timersoqatigiiffiit Kattuffiatalu avillugit akilersussuaat, ukiumut kr. 225.000,- naleqassalluni 2024-imiit. Assersuutitut 1. september 2023 aallarnerfingalugu sulisunik ataatsimik ilassusiineq akuerineqarpat, atorfinitsineq pissappat taava aningaasatigut kinguneqaatit kr. 160.000,- naleqassappat. Taakkulu immikkut tapiissutitut qinnutigineqassasut siunnersuutaavoq.

Inatsisitigut tunngavigisat allagaatillu toqqammavissiisut:

- Timersorneq timigissarnerlu pillugit Inatsisartut inatsisaat nr. 15, 6. juni 2016-imeersoq

Suliamik isumaginnineq:

Inerisaanermut Ataatsimiititaliaq
Aningaasaqarnermut Ataatsimiititaliaq
Kommunalbestyrelsi

Inerisaanermi Ataatsimiititaliami aaliangerneq:

*Allattoqarfiup siunnersuutigaa Inerisaanermut Ataatsimiititaliap:
Sulisunik ataatsimik ilassusiinissaq aamma immikkut tapiissutitut qinnuteqaatit kr. 160.000,-
akuerineqassasut*

Aaliangerneq:
Inassuteqaat akuerineqarpoq.

Aningaasaqarnermi Ataatsimiititaliami aaliangerneq:

*Inerisaanermi Ataatsimiititaliap Aningaasaqarnermut Ataatsimiititaliamut inassutingaa:
Inerisaanermi Ataatsimiititaliami aaliangerneq ilalerneqassasoq*

Aaliangerneq:
Inassuteqaat akuerineqanngilaq, siunertarli akuerineqarpoq aningaasallu ingerlatsivimmi nammineq
nanineqassapput.

Inassuteqaat:

Aningaasaqarnermut Ataatsimiititaliap kommunalbestyrelsimut inassutingaa
Aningaasaqarnermut Ataatsimiititaliap aaliangernera ilalerneqassasoq

Ilannugssaq:

Bilag 002-01: Suleqatigiinnissamut isumaqatigiissut

Aaliangiineq:

Inassuteqaat akuerineqarpoq.

Sag nr.	Sammissaq	Bilag. nr.	003
KOM 048	Siunnersuut: Atuarfik Mathias Storchimi kigutileriffiup allamut nuunneqarnissaa, Lena Ravn Davidsen	Journal nr.	

Uteqqiineq:

Kommunalbestyrelsimut ilaasortaq Lena Ravn Davidsen (D) siunnersuuteqarpoq, Atuarfik Mathias Storchimiit kigutileriffik allamut nuunneqartariaqartoq. Taamatut siunnersuuteqarnermi ersarissarneqarpoq, Atuarfik Mathias Storch tattoqilliorfiusoq. Init atuartitsiviusut tamarluinnarmik atorput, allaat pequusivittut init atorussat atuartitsivittut atorneqarlutik. Uani aalajangerneqassooq kigutileriffik Atuarfik Mathias Storchimiitqoq allamut nuunnissaanut, Peqqinnissaqarfik piumaffigineqassanersoq.

Suliap saqqummiunna:

Atuarfik Mathias Storchimi inissaaleqisarneq takornartaanngilaq, taamaammallu ininik atorluaaneq annertuumik ingerlanneqartarluni. Kommunalbestyrelsimi ilaasortaq Lena Ravn Davidsen (D) siunnersuuteqarpoq, Atuarfik Mathias Storchimi kigutileriffik allamut nuunneqartariaqartoq. Taamaaliornikkut kigutileriffittut atorneqartoq atuartitsivissatut allatulluunniit atuarfimmuut attuumassuteqartunik iluarsartuunneqaruni inissaaleqineq pakkersimaarneqarsinnaasoq. Siunnersuutaasumi ersarissarneqarpoq, atuarfik nutarsarneqarmat millilerneqarsimasoq. Milliliinermi 2 spor skolemiit, 1½ spor skolemut atuarfik sananeqarsimasoq.

Iluarsiinissamut siunnersuut – sammisamut tunngatillugu nalilersuineq

Ullumikkut kigutileriffik Atuarfik Mathias Storchimi inissamik annertuumik tigusivoq. Taamaammatt Mathias Storchimi atuartut sulisullu inissakilliorneq qaangissangaluarpaat, kigutileriffik allamut nuunneqarsinnaappat.

Ingerlariaqqinnissaaq

Kommunalbestyrelsimiit kigutileriffiup allamut nuunneqarnissaanut piumasarineqassappat, taava Peqqinnissaqarfik Inerisaanermut ingerlatsivimmiit attavingineqassooq aalajangerneq ilisimatitsissutingalugu.

Aningaasaqarnermi kingunerisinnaasat:

Kigutileriffik nuunneqassappat, Teknikkimut Ingerlatsivik suleqatingalugu iluarsartugassaqaqassappat ingerlanneqassappat. Maannangaq sulisullu naatsorsorneqanngillat misissorneqaratillu iluarsartuussinermi aningaasartuutaajumaartussat.

Inatsisitigut tunngavigisat allagaatillu toqqammavissiisut:

- Atuarfik pillugu Inatsisartut inatsisaat nr. 15, 3. december 2012-imeersoq

Suliamik isumaginninneq:

Inerisaanermut Ataatsimiititaliaq
Aningaasaqarnermut Ataatsimiititaliaq
Kommunalbestyrelsi

Inerisaanermi Ataatsimiititaliami aaliangerneq:

*Allattoqarfiup siunnersuutigaa Inerisaanermut Ataatsimiititaliap:
Kigutileriffik Atuarfik Mathias Storchimiit allamut nuunneqarnissaanut Peqqinnissaqarfik
piumaffigineqassasoq*

Aaliangerneq:
Inassuteqaat akuerineqarpoq.

Aningaasaqarnermi Ataatsimiititaliami aaliangerneq:

*Inerisaanermi Ataatsimiititaliap Aningaasaqarnermut Ataatsimiititaliamut inassutingaa:
Inerisaanermi Ataatsimiititaliami aaliangerneq ilalerneqassasoq*

Aaliangerneq:
Inassuteqaat akuerineqarpoq.

Inassuteqaat:

Aningaasaqarnermut Ataatsimiititaliap kommunalbestyrelsimut inassutingaa


Aningaasaqarnermut Ataatsimiititaliap aaliangenera ilalerneqassasoq

Ilanngussaq:

Bilag 003-01: Siunnersuut

Aaliangiineq:

Inassuteqaat akuerineqarpoq.

Sag nr.	Sammissaq	Bilag. nr.	004
KOM 049	Siunnersuut: Qaanaami timersortarfiup nutarternissaanut nutaamillu sanasoqarnissaanik siunnersuutit, Ane Qujaukitsoq aamma Minik Høegh-Dam	Journal nr.	

Uteqqiineq:

Qaanaami timersortarfimmik sanaartortoqarnissaa, kommunalbestyrelsimut ilaasortaq Ane Qujaukitsoq (S) siunnersuuteqarpoq, aamma kommunalbestyrelsimut ilaasortaq Minik Høegh-Dam siunnersuuteqarpoq Qaanaami timersortarfik nutarterneqartariaqartoq. Timersortarfiup nillertarnera ukiorpasuarini ajornartorsiutaasimasooq iluarsineqarpoq. Taamaattorli illorsuup ukiut ingerlanerini iluarsartuunneqartarsimanninnerata kingunerivaa, illorsuaq pisoqalimmat. August 2020-imi Teknikkimut Ingerlatsivik nalunaarsiorpoq, Qaanaami timersortarfik iluarsartuunneqartariaqartoq, akigititassatullu naatsorsuutigineqarlutik kr. 1,7 mio. Uani aalajangerneqassooq Qaanaami timersortarfik pillugu Teknikkimut Ataatsimititaliap suliaqassasooq, nutarterinissaq siunertaralungu.

Suliap saqqummiunnera:

Avannaata Kommuniani Kommunalbestyrelsi ileqquusumik 12. maj 2023 ataatsimiinnermi aalajangerpoq, Kommunalbestyrelsimi ilaasortap Ane Qujaukitsup (S) siunnersuutaa, Qaanaami timersortarfimmik nutaanik sanasoqarnissaa ataatsimititaliamut utertinneqassasooq. Utertitsineri pissutaavoq, Kommunalbestyrelsimi ilaasortaq Minik Høegh-Dam (AT) aamma Qaanaami timersortarfik pillugu siunnersuutaa ilanngunneqarnissaa kissaatingineqarmat.

Kommunalbestyrelsimi ilaasortaq Ane Qujaukitsoq (S) siunnersuuteqarpoq Qaanaami timersortarfik nutaaq sanaartorneqassasooq. Sanaartortoqarnissaanut tunngavilersuutigineqartut ilaatigut ima allaqqapput: *“Ukiullu ingerlanerani timersortarfik aserfallattorujussuulluni, ajoqutaasa suliarineqarnissaat anguniarneqartuaraluarpoq iluatsinngisaannartumik, suliariumannittunik nalunaartoqarneq ajormat, tamannalu timersortartunut soorunami aamma innuttaasunut attartuisoqartillugu isersimasartunut, peqqinnannigilaq tassami suliarineqartanninnermini inersuup timersortarfiusup ukiukkut nillertuinnaviusarnera”*.

Kommunalbestyrelsimi ilaasortaq Minik Høegh-Dam siunnersuuteqarpoq Qaanaami timersortarfik nutarterneqassasooq. Siunnersuummi tunngavilersuutigineqarpoq Qaanaami timersortarfiup nillerpallaarnera timersortartunut peqqinnannigittoq. Nunatsinni Avannaata Kommunianilu anguniagaavoq peqqinnerunissaq, siunnersuuteqartumiillu ersarissarneqarluni, anguniakkanut Qaanaap timersortarfia naleqqukkunnaarsimasooq.

Iluarsiinissamut siunnersuut – sammisamut tunngatillugu nalilersuineq

Qaanaami timersortarfik nutarternissaanut Naalakkersuisut timersortarfinnut iluarsatuussinnermut tapiissutigisartagaat Inerisaanermut ingerlatsivimmiit pissarsiarinaluarpagut, Teknikkeqarfik suleqatingalugu suliariumannigittussarsiuussinerit ingerlanneqarmata iluatsinngittumik. Ukioq manna aamma timersortarfiup nillertarnera iluarsineqarpoq, illorsuup ilua kissalaarninngorluni. August 2020-imi teknikkimut ingerlatsivik Qaanaami timersortarfimmi nalunaarsuisimavoq. Nalunaarsuinerup takutippaa timersortarfimmi iluarsartuussinissaq pisariqartoq.

Ingerlariaqqinnissaq

Massakut Qaanaami timersortarfik iluarsartuunneqarnissaanut, Teknikkimut Ingerlatsiviup nalunaarsorsimasaa malinneqassappat aningaasartuutit kr. 2 mio. missaaniissapput.

Aningaasaqarnermi kingunerisinnaasat:

Iluarsartuussinissamut aningaasartuutissatut teknikkimut ingerlatsiviup nalilersimavaa kr. 1,8 mio. atorneqassasut. Akilli 2020-imiit nikissimasinnaaneri piareersimaffigineqarnissaat pisariaqarpoq.

Inatsisitigut tunngavigisat allagaatillu toqqammavissiisut:

- Timersorneq timigissarnerlu pillugit Inatsisartut inatsisaat nr. 15, 6. Juni 2016-imeersoq

Suliamik isumaginnineq:

Inerisaanermut Ataatsimiititaliaq
Aningaasaqarnermut Ataatsimiititaliaq
Kommunalbestyrelsi

Inerisaanermi Ataatsimiititaliami aaliangerneq:

*Allattoqarfiup siunnersuutigaa Inerisaanermut Ataatsimiititaliap:
Teknikkimut Ataatsimiititaliaq suliaqassasoq Qaanaami timersortarfiup nutarternissaa siunertaralungu*

Aaliangerneq:

Inassuteqaat akuerineqarpoq.

Oqaluuserisassaq Aningaasaqarnermut Ataatsimiititaliamut ingerlateqqinneqarnissaa isumaqatigiissutaavoq.
Siumumiit Ane Qujaukitsup siunnersuutaa taparserneqarpoq.

Aningaasaqarnermi Ataatsimiititaliami aaliangerneq:

*Inerisaanermi Ataatsimiititaliap Aningaasaqarnermut Ataatsimiititaliamut inassutingaa:
Inerisaanermi Ataatsimiititaliami aaliangerneq ilalerneqassasoq*

Aaliangerneq:

Inassuteqaat akuerineqarpoq.

Inassuteqaat:

Aningaasaqarnermut Ataatsimiititaliap kommunalbestyrelsimut inassutingaa


Aningaasaqarnermut Ataatsimiititaliap aaliangenera ilalerneqassasoq

Ilanngussat:

Bilag 004-01: Siunnersuut, Minik Høegh-Dam
Bilag 004-01: Siunnersuut, Ane Qujaukitsoq
Bilag 004-03: Registrering af kommunalebygninger i Qaanaaq, B-336 Hallen

Aaliangiineq:

Partiit borgmesteriutitaqartut amerlanerussuteqarlutik Aningaasaqarnermi Ataatsimiititaliami aaliangerneq ilaleraapat. Illuatungiliuttut akerliullutik taasipput Ane-p Miniullu siunnersuutaa taperserlungit.

Sag nr.	Sammasaq	Bilag. nr.	005
KOM 050	Katersugaasiveqarnermi periusissatut siunnersuut	Journal nr.	

Uteqqiineq:

Katersugaasiveqarnermut ataatsimiittaliap Avannaata Kommunia isornartorsioreeraalu, Ilulissani Katersugaasivik aamma Ilulissani Eqqumiitsuliornikkut Katersugaasivik piffissami 2023-2027 Katersugaasiveqarnermi periusissatut siunnersuuteqarput. Periusissiatut siunnersuummi anguniagassat assingiinnigittut taakkartorneqarput, ilaatigut uninngasuutinik nalunaarsuinissaq Avannaata Kommunia tamakkerlugu nalunaarsuinissaq anguniagaalluni. Uani periusissiaq akuerineqassanersoq aalajangerneqassooq.

Suliap saqqummiunnera:

Avannaata Kommunia katersugaasiveqarnikkut unaminartunik inissisimaffeqarpoq. Juni 2022-mi Katersugaasiveqarnermut ataatsimiittaliap Avannaata Kommunianut allakkanik nassiussivoq, iluarsisassat taakkartorlugit. Tamatuma siornatigut aamma Inerisaanermut ingerlatsivimmi pisortap Katersugaasiveqarnermut ataatsimiittaliap naapippaa, eqqartueqatingalugit Avannaata Kommuniani katersugaasivinni iluarsisassat pillugit. Katersugaasiveqarnermut ataatsimiittaliap innersuussutai malillugit Avannaata Kommuniani sulineq ingerlaqqippoq. Maanna Ilulissani Katersugaasik aamma Ilulissani Eqqumiitsuliornikkut Katersugaasiviit anguniagaqarlutik piffissami 2023-2027 Katersugaasiveqarnermi periusissatut siunnersuut saqqummiuppaat.

Iluarsiinissamut siunnersuut – sammisamut tunngatillugu nalilersuineq

Periusissatut siunnersuummi Avannaata Kommuniani katersugaasivinnik patajaallisaaneq suliniutissatut taakkartorneqarpoq. Assersuutitut anguniagassatut ilaapput, Ilulissani Katersugaasivimmi siulersuisut Avannaata Kommuniani Katersugaasivinni tamani siulersuisutut ingerlalnissaannut anguniagassaq. Ilaatigut aamma anguniakkatut ilaavoq, Avannaata Kommuniani katersugaatit nalunaarsorneqanngitsut uninngaannartullu nalunaarsorneqarnissaanut sulisunik ataatsimik ilassusiinissamik anguniagaqarneq. Nalunaarsuisussatut sulisussaq Avannaata Kommuniani Katersugaasivini tamani nalunaarsuisussatut siunnersuutigineqarpoq.

Ingerlariaqqinnissaq

Periusissatut siunnersuut akuerineqassappat, taava Ilulissani Katersugaasivimmi pisortaq suleqatingalugu periusissiaq qanoq piviusunngussanersoq aqqissuunneqassooq.

Aningaasaqarnermi kingunerisinnaasat:

Massakkuungallartoq aningaasatigut kinguneqaateqassanngilaq. Siunissami suliniutit aallartippata aningaasatigut kinguneqaatit malunnarsisalissapput. Assersuutitut nalunaarsuisussatut atorfinitsitsinermi aningaasartuutit ilanngutissapput.

Inatsisitigut tunngavigisat allagaatillu toqqammavissiisut:

- Katersugaasiveqarneq pillugu Inatsisartut inatsisaat nr. 8, 3. juni 2015-imeersoq

Suliamik isumaginnineq:

Inerisaanermut Ataatsimiittaliap
Aningaasaqarnermut Ataatsimiittaliap
Kommunalbestyrelsi

Inerisaanermi Ataatsimiititaliami aaliangerneq:

*Allattoqarfiup siunnersuutigaa Inerisaanermut Ataatsimiititaliap:
Piffissami 2023-2027 Katersugaasiveqarnermi periusissatut siunnersuut akuerineqassasoq*

Aaliangerneq:
Inassuteqaat akuerineqarpoq.

Aningaasaqarnermi Ataatsimiititaliami aaliangerneq:

*Inerisaanermi Ataatsimiititaliap Aningaasaqarnermut Ataatsimiititaliamut inassutingaa:
Inerisaanermi Ataatsimiititaliami aaliangerneq ilalerneqassasoq*

Aaliangerneq:
Inassuteqaat akuerineqarpoq.

Inassuteqaat:

Aningaasaqarnermut Ataatsimiititaliap kommunalbestyrelsimut inassutingaa


Aningaasaqarnermut Ataatsimiititaliap aaliangenera ilalerneqassasoq

Ilanngussat:

Bilag 005-01: Piffissami 2023-2027 Katersugaasiveqarnermi periusissatut siunnersuut
Bilag 005-02: Forslag til museumsstrategi 2023-2027
Bilag 005-03: Katersugaasiveqarnermut ataatsimiititaliamiit allakkat
Bilag 005-04: Brev fra Grønlands Museumsnævn

Aaliangiineq:

Inassuteqaat akuerineqarpoq.

Sag nr.	Sammissaq	Bilag. nr.	006
KOM 051	Missingersuutiniq nikisitsinissamik qinnuteqaat	Journal nr.	

Uteqqiineq:

Uummannami imminut toqunnissamat soorasaarineq, imminut toqoriarneq aamma imminut toqunneq upernaq manna annertuvoq. Tamannalu akiorniarlugu Uummannami inulerisutut sulisut pikkorissartinneqarnissaat pisariaqartinneqarpoq. Pikkorissaanermut ingerlatsisussat Uummannamut tikisinneqarnissaat siunertaralungu, missingersuutiniit nikisitsinissaq qinnuteqaatigineqarpoq. Uani qinnuteqaat akuerineqassanersoq aalajangerneqassooq.

Suliap saqqummiunna:

Piffissami kingullermi ajoraluartumik Uummannami imminut toqoriarneq soorasaarisarnerlu nalaanneqaqattaarpoq. Januar 2023-miit 31. januar 2023 tikillungu politiit nalunaarutigivaat imminut toqunniarlutik soorasaarisut 38-iusimasut, imminut toqoriarluartut 6-iusimallutik kiisalu ataaseq imminut toqussimasoq. Avannaata Kommuniani imminut toquttarneq annertuumik akiorniarlugu paasisitsiniaanerillu ingerlanneqartarput. Upernaq manna Uummannami kisitsisit qaffasinneri pakkersimaarniarlugit, Uummannamut tikisitsinissaq pisariaqarpoq. Tikisitsinissamullu missingersuutiniit nikisitsinissaq qinnuteqarnikkut pisariaqartinneqarpoq.

Iluarsiinissamat siunnersuut – sammisamat tunngatillugu nalilersuineq

Iluarsiisutitut siunnersuutigineqarpoq, Uummannami inulinerimik suliqaartut imminut toquttarneq akiorniarlugu kiisalu sulisunut pikkorissaanermi sulisut sulinerminnik innuttaasut akornanni siusinaarluni imminut toquttarneq akiorniarlugu pikkorissaanissaq pisariaqartinneqarpoq.

Ingerlariaqqinnissaq

Missingersuutiniq nikisitsinissamat qinnuteqaat akuerineqarpat, taava Uummannami pikkorissaasussat Upervimminngaanneersut tikisinneqassapput. Upervimmi sulisut arlaleriarlutik pikkorissarneqareerput, maannalu misilittagaat atorlugit Uummannami pikkorissaaneq ingerlanneqarsinnaalluni. Inuit marluk pikkorissaasussat Upervimmiit Uummannamut angalatinneqassapput.

Aningaasaqarnermi kingunerisinnaasat:

Aningaasatigut kinguneqaatissat katillugit kr. 80.000,- naatsorsorneqarput. Aallerfigineqartussat siunnersuutigineqartut ima agguataarneqarput:

- Ilulissani Illorsuaq Sermermiut kr. 50.000,- “Anskaffelse af inventar”
- Ilulissat Ungdomsklub kr. 20.000,- “Anskaffelse af inventar”
- Ilulissat Ungdomsklub kr. 5.000,- “Øvrige varekøb”
- Ilulissat Ungdomsklub kr. 5.000,- “Material, udstyr og inventar”

Inatsisitigut tunngavigisat allagaatillu toqqammavissiiisut:

- Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaat nr. 26, 28. november 2016-imeersoq

Suliamik isumaginnineq:

Inerisaanermut Ataatsimiititaliaq
Aningaasaqarnermut Ataatsimiititaliaq
Kommunalbestyrelsi

Inerisaanermi Ataatsimiititaliami aaliangerneq:

*Allattoqarfiup siunnersuutigaa Inerisaanermut Ataatsimiititaliap:
Missingersuutininik nikisitsinissamut qinnuteqaat akuerineqassasoq*

Aaliangerneq:
Inassuteqaat akuerineqarpoq.

Aningaasaqarnermi Ataatsimiititaliami aaliangerneq:

*Inerisaanermi Ataatsimiititaliap Aningaasaqarnermut Ataatsimiititaliamut inassutingaa:
Inerisaanermi Ataatsimiititaliami aaliangerneq ilalerneqassasoq*

Aaliangerneq:
Inassuteqaat akuerineqarpoq.
Uummannami pinaveersaartitsimermi sulineq innuttaasunut ersarinnerusariaqartoq ataatsimiititaliaq piunasaqarpoq.

Inassuteqaat:

Aningaasaqarnermut Ataatsimiititaliap kommunalbestyrelsimut inassutingaa


Aningaasaqarnermut Ataatsimiititaliap aaliangenera ilalerneqassasoq

Ilanngussat:

Bilag 006-01: Omplaceringsansøgningsskema
Bilag 006-02: Mail fra Politiassistent

Aaliangiineq:

Inassuteqaat akuerineqarpoq, kisianni aningaasat allamiit tinguneqarnissaat inassutaavoq aaqqiinnissamut borgmesteri pisinnaatinneqarpoq suliaqassasoq, aaqqiissut borgmesterip akuerissavaa.

Sag nr.	Sammissaq	Bilag. nr.	007
KOM 052	App-i UNESCO-mut	Journal nr.	

Uteqqiineq:

UNESCO-p nunataanut tikeraat pulaarnerminni akiliiffissaqartariaqarput. Allattoqarfik matumuuna siunnersuuteqarpoq, piumassutsiminnik akitsuummik 10-20 dollars-inik akiliiumasunut akiliisoqarsinnaasariaqartoq. Akiliuteqarnermi Audio Guide-mut isertoqarsinnaassaaq, taamaalillunilu inuttut pitsaasumik Sermermiut aamma Ilulissat Kangerluat pillugu nassuiaanneqartoqarsinnaassalluni.

Suliamik saqqummiineq:

Sivitsortumik politikikkut kissaatigineqarnikuvoq UNESCO-p nunataanik atuisunut akiliuteqartitsinnaalernissaq. Akitsuusiisoqarsinnaanersoq assigiinngitsutigut misissuisoqarnikuvoq, tamannalu periarfissaavoq. Ajornartorsiut uaniippoq asimi akiliisitsisarfissamik peqannginnera.

Iluarsiiissutissatut siunnersuut – suliamik misissuineq

Kangiata Illorsuata allaffianit periarfissaq aaqqiissutaasinnaasoq mississorneqarsimavoq, taamaalillunilu piumassutsiminnik akiliisoqarsinnaanera taamalu nassuiaanneqarsinnaanermik periarfissaq isumassarsiarineqarsimalluni. Atortorissaarut *Your Audio Tour* atorlugu takornariaq 20 dollar-imik akiliilluni, tusartaatit iluaqutigalugit saqqummiivigineqarsinnaassaaq. Akiliutip angissusia nalileqqinneqarumaarpoq misilittakkat tunngavigalugit.

<https://www.youraudiotour.com/tours/5040>

(Eqqaamagiuk Safari atorlugu pulaarfigineqarsimasut nunguteqqaarlugit audio guide aatsaat aaneqarsinnaammat).

Atortorissaarut taanna link-imi piareersimasooq qarasaasiamit namminermit atuffassissutaavoq. Taanna taarserneqassaaq nipimik maani Ilulissaninngaaneersumit. Nipi inuppalaarnerullunilu maangaaneerpalunnerusoq. Pilersaarutaavoq atuffassissutsip oqaatsinut arlalinnut periarfissaalernissaa (kalaallisut, qallunaatut, tuluttut aamma noorlertut).

Audio guide aanissaanut 20 dollar-inik akiliuteqarnerup saniatigut aamma tikeraaq aningaasanik tunissuteqarsinnaatinneqassaaq Kangiata Illorsuani UNESCO-p nunataani suliniuteqarnermut tapersersuinertut.

Tikeraat amerlanerit maanga pisarput mobil-dataqaratik (internet-imut attaveqaat piginagu). Taamaattumik WiFi periarfissaalertariaqarpoq taanna aqqutigalugu guide aasinnaaniassammassuk. Tamanna suliaassavoq takornarialerinnermut allaffik, akunnittarfiit, Kangiata Illorsuata il.il. suleqatigiinnerisigut.

Audio guide-p saniatigut paasisitsiniaanermi atortussanik sanasoqartariaqarpoq, tikeraat maaniinnerminni periarfissaannik imalimmik.

Ingerlariaqqinnissaq

Audio guide-mik ineriartortitseqqinneq Kangiata Illorsuanit isumagineqassaaq.

Aningaasatigut kingunerisinnaasai:

Suliassaq Kangiata Illorsuata missingersuutaani pioreersunit kivinneqarsinnaavoq.

Inatsisitigut toqqammavigisat:

- Inatsisartutlov nr. 29 af 17. november 2017 om den kommunale styrelse

Suliamik suliarinnineq:

Aningaasaqarnermut Ataatsimiititaliaq
Kommunalbestyrelsi

Aningaasaqarnermi Ataatsimiititaliami aaliangerneq:

*Allattoqarfiup Aningaasaqarnermut Ataatsimiititaliamut inassutingaa:
Ataatsimiititaliamit akuerineqassasoq, tikeraat akitsuummik akiliuteqarlutik audio guide aasinnaassagaat,
kiisalu takornariat aamma UNESCO-mi kommunip suliniuteqarneranut tapiissuteqarsinnaassasut*

Aaliangerneq:
Inassuteqaat akuerineqarpoq.

Inassuteqaat:

Aningaasaqarnermut Ataatsimiititaliap kommunalbestyrelsimut inassutingaa


Aningaasaqarnermut Ataatsimiititaliap aaliangenera ilalernerqassasoq

Ilanngussaq:

Soqanngilaq.

Aaliangiineq:

Inassuteqaat akuerineqarpoq.

Sag nr.	Sammissaq	Bilag. nr.	008
KOM 053	Innarluutillit pillugit politikki 2023-2026	Journal nr.	

Uteqqiineq:

Innarluutillit inatsisaat malillugu kommuni politikkeqartussaavoq taannalu hjemmesidemut tamanut saqqummiullugu takusinnaangorlugu ilineqartussaalluni. Avannaata Kommuniata innarluutillit pillugit politikikkissamut siunnersutaa Ilaqutareeqarnermut Ataatsimiitsitaliamut tusarniutissat saqqummiunneqarnikuuvoq, maannalu tusarniutaareerluni kommunalbestyrelsimut isummerfigisassangorlugu saqqummiuteqqinneqarluni.

Suliap saqqummiunnera:

Innarluutilinnut politikki inatsisit tunngaviusut malillugit ukiut sisamakkaarlugit nutarteqartussaavoq. Innarluutilinnut politikkiusimasoq 2018-2022 atuussimavoq, taannalu ukiup naanerani atuukkunnaarpoq, nutaamillu 2023-2026 atuuttussamik pilersitsinissaq piffissanngorsimalluni. Innarluutilinnut politikkkissamut siunnersuut siullermeerluni Ilaqutareeqarnermut Ataatsimiititaliameereerluni innuttaasunut suliamalla atuusassuteqartunut tusarniutaavoq. Tusarniutaanerani oqaaseqaatit Tilioq-miit, Naalakkersuisoqarfimmiit kiisalu Ilulissani Katersungaasivimmiit pissarsiarineqarput. Innuttaasuniit oqaaseqaatinik apuussisoqangilaq.

Iluarsiinissamut siunnersuut – sammisanut tunngatillugu nalilersuineq

Oqaaseqaatit qulaani taakkartorneqartuninngaanniit tiguneqarsimasut, politikkkissamut ilanngunneqarput ilassutigineqartut siunnersuutit qaavatigut qalipaaserlugit.

Ingerlariaqqinneq

Innarluutilinnut politikkimut oqaaseqaatit kalaallisut nutserneranut ikkunneqassapput taavalu Avannaata Kommuniata nittartagaanut, tamanut takusassianngorlugu saqqummiunneqassalluni. Sullissinermi siunnerfiusut allattoqarfimmiit timitalerlugit anguniarneqassapput.

Aningaasaqarnermi kingunerisinnaasat:

Soqanngilaq.

Inatsisitigut tunngavigisat aamma toqqammavissiisutut allagaatit:

- Inuit innarluutillit tapersorneqarnissaannut Inatsisartut inatsisaat nr. 13, 12. juni 2019-imeersoq

Suliamik isumaginnineq:

Ilaqutareeqarnermut Ataatsimiititaliaq
Aningaasaqarnermut Ataatsimiitsitaliaq
Kommunalbestyrelse

Ilaqutareeqarnermut Ataatsimiititaliami aaliangerneq:

*Ilaqutareeqarnermut Ingerlatsiviup Ataatsimiititaliamut inassutingaa
Innarluutilinnut politikkkissamut siunnersuut taamatut isikkoqartillugu Aningaasaqarnermut
Ataatsimiititaliamut ingerlateqqinneqassasoq*

Aaliangerneq:

Ilinniartitsisut, atuarfeqarfiit, meeqquerivimmi meeqqamut avatangiisaasinnaasut tamaasa eqqarsaatingalugit, sulisut toqqaannartumik tusarniaaffigineqarsinnaannginnersut ataatsimiinnissap tullissaanimut akissummik ilaqutareeqarnermut ataatsimiititaliamut saqqummiunneqassaaq.

Aningaasaqarnermi Ataatsimiititaliami aaliangerneq:

*Ilaqutareeqarnermut Ataatsimiititaliap Aningaasaqarnermut Ataatsimiititaliamut inassutingaa:
Ilaqutareeqarnermut Ataatsimiititaliami aaliangerneq ilalerneqassasoq*

Aaliangerneq:
Inassuteqaat akuerineqarpoq.

Inassuteqaat:

Aningaasaqarnermut Ataatsimiititaliap kommunalbestyrelsimut inassutingaa


Aningaasaqarnermut Ataatsimiititaliap aaliangernera ilalerneqassasoq

Ilanngussat:

Bilag 008-01:	Handicappolitik 2023-2026 med høringssvar
Bilag 008-02:	Tilioqs høringssvar
Bilag 008-03:	Høringssvar fra museum
Bilag 008-04:	Høringssvar fra departementet
Bilag 008-05:	Handicap politik 1. udkast
Bilag 008-06:	Innarluutillit pillugit politikki 1. udkast

Aaliangiineq:

Inassuteqaat akuerineqarpoq.

Sag nr.	Sammisag	Bilag nr.	009
KOM 054	Missingersuutit 2024-imut sinakkutissaa	Journal nr.	

Uteqqiineq:

Avannaata Kommuniani ineriartorneq annertuumik ingerlavoq, tamatuma kinguneranik suliassaqarpoq annertuumik assersuutingalungi inissialionerit, nunangisaanerit il. il. Suliassat annertuut kommunip karsianit imaaliinnaq akilernerqarsinnaanngillat, taamaattumik kommunalbestyrelsi aaliangerpoq aningaasanik attartortoqassasoq. Ataatsimiinnermi kingullermi akiittuninnissamut aningaasalersuinissamullu periusissiaq akuersissutingineqarpoq, periusissiaq akiittunittoqassappat pisussaaffiliivoq.

Uani suliame kommunalbestyrelsip aaliangiiffingissavaa, ingerlatsinermi aningaasartuutiniit akiittunut ernianullu akilersuutitut matussutissanik tingusisoqassanersoq, qulakkeerumallungu attartornissaq.

Suliap saqqummiunnera:

Kommunalbestyrelsi kingullermik ataatsimiikkami akiittuninnissamut aningaasalersuinissamullu periusissiaq akuersissutingaa. Sulinermi alloriaatissap tullerivaa aningaasanut attartukkanut ernianullu (afdrag + rente) akilersuutissap annertussusissaata sinaakkusissallugu. Periusissiami aaliangerneqarpoq ingerlatsinermi aningaasartuutiniit akiittunut ernianullu akilersuutissaq tinguneqassasoq, ataani takuneqarsinnaavoq periarfissat pingasut saqqummiunneqartut, saqqummiunneqartut sisamaat allattoqarfimmiit inassutaavoq. Malunginiraanni sanaartornermi aamma tingusisoqassasoq inassutaavoq, tamanna peqquteqarpoq sanaartornermi aningaasat tamakkerlungit atorineqanngittoortarneri. Kommunitisinni annertuumik sanaartortoqarpoq, tamatumalu kingunerisaanik tamatingut sanaartukkat pilersaarutaasut ingerlanneqarsinnaanngillat.

Konto	R-2022	B-2023	1,0%	2,0%	3,0%	Forslag	B-2024
Administrations område	181.045	169.714	1.697	3.394	5.091	2.500	167.214
Teknisk område	59.259	49.474	495	989	1.484	3.500	45.974
Erhvervs område	21.204	26.619	266	532	799	799	25.820
Familie område	354.532	326.178	3.262	6.524	9.785	3.000	323.178
Udviklings område	304.105	313.154	3.132	6.263	9.395	9.000	304.154
Forsyningsvirksomhed	19.129	15.174	152	303	455	455	14.719
Driftsomkostninger	939.274	900.313	9.003	18.006	27.009	19.245	881.068
Anlægsområdet	116.446	80.747	807	1.615	2.422	10.283	70.465
Drift og anlægsudgifter	1.055.720	981.060	9.811	19.621	29.432	29.527	951.533
Indtægter	-1.032.360	-996.928					
Resultat før status	23.360	-15.868					
Statusområdet	-21.462	7.172					
Årsresultat	1.898	-8.696					
Primo kassebeholdning	23.277	21.379					
Ultimo kassebeholdning	21.379	30.075					

Allattoqarfimmiit sinaakkutissat saqqummiunneqartoq akuerineqarpat ataatsimiititaliat ataavartut suliakkinneqassapput, ingerlatsinermi annikillisaatissat taaneqartut sunniutissaat suunersut saqqummiutissangaat. Ataatsimiititalianut ataavartunut erseqqissaatingineqassooq innuttaasunut sullissinermut pisussaaffiit minnerpaamik eqqorneqarnissaat malittarineqassasoq.

Ingerlariaqqinnissaq

Kommunalbestyrelsip ataatsimiinnissaanut ulloq 29. septemperi 2023 qulaani suliakkiussaqaq ataatsimiititalianit ataavartunit saqqumminneqassooq, tassuunakkut ukioq kingulleq aaliangiunneqartoq missingersuutini nikisitsinnaaneq suliarineqassamat.

Kommunalbestyrelsi aningaasanik attartussanguni avaqqussinnaangilaa missingersuutininik annikilliliinissaq, tassangaanniit akiittorilerumaangassanut akilersuutissaq tinguneqartussaammat.

Ingerlatsinermut aningaasartuutiniik missingersuutininik annikilliliisinnaanguni attartornissap piviusunngortinneqarsinnaanera qulakkeerneqariartussoq, allattoqarfimmiit paaseqquneqarpoq una suliaq Aningaasaqarnermut Naalakkersuisoqarfik qanimut suleqatingalungu ingerlanneqassammat.

Ukiut kingulliit kommunalbestyrelsip missingersuutit akueringaangingit kommunitta karsia sanngiittumik inissittarpaa, tamanna aamma kommunip kukkunerisuiisunit tikkuarneqartarpoq. Allattoqarfiup inassutingeqqissavaa ukiut siuliinitulli karsitta nukittuumik inissisimanissaanut sulinissaq salliutinneqassasoq, tamatumalu kingorna attartornissamut apeqqutit qaqqinneqassasut.

Aningaasaqarnermi kingunerisinnaasat:

Aningaasaqarnikkut kingunerisinnaasaa ataatsimiititaliat ataavartut, kommunalbestyrelsi 29. september 2023 ataatsimiippat ersersissavaat, tassuunakkut aamma qanoq innuttaasunut sullissinermut kinguneqarsinnaanersut ersersissarneqassammat.

Allattoqarfimmiit karsitta inissisimanera kingullermik ataatsimiinnermi naatsorsuutit 2022-imut inernerungallartoq saqqumminneqarmat isumakulunnartoqartoq iliuseqartoqartariaqartorlu ilisimaqqarput, taamatuttaaq kommunip kukkunerisuiisui ukiut siuliinitulli nalunaaruteqarput.

Missingersuutininik nikisitsisinnaasut aningaasartuutit inatsisitingut pituttuiffiusut takkuttarput, soorlu tamanna takungippat Ilaqutareeqarnermut Ingerlatsivimmi meeqqat angerlatsimaffianut inissinneqartut amerleriarnersingut. Taamaattut aningaasartuutit takkuteriasaarsinnaasut karsitta sillimaffinginngilaat, taamaattumillu karsi nukittunerusumik inissisimasariaqarpoq. Periarfissarlu uaniippoq, kommunalbestyrelsip iliuseqartariaqarpoq missingersuutit, aningaasallu tingoriaannaasut pitsanngorsarumallungit.

Inatsisitingut sinaakkutatingullu toqqammaviit

- Inatsisartut inatsisaat nr. 26, 28. november 2016-meersoq missingersuutilerisarnermi naatsorsuuserisarnermilu
- Nalunaarussiaq nr. 3, 3. februar 2012-meersoq missingersuutilerisarnermi naatsorsuuserisarnermilu
- Inatsisartut inatsisaat nr. 13. 1. december 2021-meersoq Kommunit Namminersorlutillu Oqartussat missingersuutaat naatsorsuutaallu aammalu naatsorsueriaatsimik allannugataat
- Inatsisartut inatsisaat nr. 29 af 17. november 2017 Kommunit aqunneqarnerat pillugu Inatsisartut inatsisaat

Suliamik isumaginnineq:

Aningaasaqarnermut Ataatsimiitsitaliaq
Kommunalbestyrelse

Aningaasaqarnermi Ataatsimiititaliami aaliangerneq:

Allattoqarfiup Aningaasaqarnermut Ataatsimiititaliamut inassutingaa:

Ingerlatsinermut aningaasartuutiniit aningaasanik tingusisoqassasoq ataatsimiititaliap akuerissangaa, taakkualu aningaasanut atorniarnissamut akilersuutinut erniallu matussusiinissamut atorneqassapput

Aningaasat tinguneqartussat sinaakkutissaa ataatsimiititaliap aaliangissangaa

Ataatsimiititaliat ataavartut qulaani sinaakkusiunneqartoq naapertorlungu missingersuutininik nikisitsinissamut kommunalbestyrelsi septemberimi ataatsimiinnissaanut suliaqassasut

Aaliangerneq:

Siunertaq ataatsimiititaliap akuerivaa.

Allattoqarfimmiit siunnersuut toqqammaviussasoq ataatsimiititaliap aaliangerpoq.

Attartorluni ingerlasoqassanguni kommunip karsi patajaattumik inissisimassasoq paaseqatingiittoqarpoq.

Inassuteqaat:

Aningaasaqarnermut Ataatsimiititaliap kommunalbestyrelsimut inassutingaa

Aningaasaqarnermut Ataatsimiititaliap aaliangenera ilalernerqassasoq


Ilanngussat:

Bilag 009-01: Kukkunersiuisut nalunaatutaat

Bilag 009-02: Bankimiit allakkat

Aaliangiineq:

Inassuteqaat akuerineqarpoq, kisianni karsip nukittorsarnissaanut aningaasat tinguneqartussat atorineqassapput, tamatuma kingorna atorniarnissamut sulineq ingerlanneqassooq. Sanaartukkanut aningaasaliissutit atorineqanngittut ukiup ingerlanerani naliliiffinguarnissaat ingerlasariaqarpoq.

Sag nr.	Sammissaq	Bilag. nr.	010
KOM 055	Alanngukasiup Qaavata aamma Kuunnguarsuup Qaavata eqqaanni inuussutissarsiorfinnut periusissiamut tunngatillugu politikikkut apeqqutilliissut, Aqqalu Jerimiassen (A)	Journal nr.	

Uteqqiineq:

Politikkip tungaanit, Aqqalu Jerimiassenimit (A) Ilulissani Alanngukasiup Qaavata aamma Kuunnguarsuup Qaavata eqqaanni inuussutissarsiorfittut sumiiffigisat nuunnissaannut periusissiaq siunnersuutaasimavoq. Ataani akissutigisamut kommunalbestyrelsi isummeqquneqarpoq.

Suliap saqqummiunnera:

Illoqarfiup avataani inissiiffissamut allamut Alanngukasiup Qaavata aamma Kuunnguarsuup Qaavata eqqaanni inuussutissarsiorfiit takussunartut nuunnissaannut periusissiaq pillugu Aqqalu Jerimiasseni siunnersuuteqarsimavoq. Inuussutissarsiorfinnut sumiiffiusoq tassaavoq Konrad Chemnitzip Aqq. atuarlugu inuussutissarsiorfigisat ilaat, taaguuteqartoq B-07. Siunnersuutip inuussutissarsiorfinnik tunuartitsiniarnermik tunngasuunnginnera siunnersuummi erseqqissaavigineqarpoq, pineqarporli illoqarfiup kusanarnerup, aamma takornariartitsinermik inuussutissarsiorfimmik tapersersuisup pilersitsinissaa.

Iluarsiissummik siunnersuut– suliamik naliliineq

Aqqalu Jerimiassenip kissaatigisaatut pissutsinik tamakkuninnga tapersersuisunik sularisat arlallit, kiisalu politikikkut aalajangiussinerit aallartisarneqareerput. Ulloq 8. septembri 2019-imi kommunalbestyrelsip aalajangiuppaa ukiuni 2024 tassaassasoq ukioq kingulleq Alanngukasiup Qaavata aamma Kuunnguarsuup Qaavata eqqarisaata inuussutissarsiorfinnut sumiiffigisap (B07-ip) allinissaanut periarfissaasoq.

Taamatuttaaq Alanngukasiup Qaavata aamma Kuunnguarsuup Qaavata inissisimaffigisaanut inuussutissarsiorfittut sumiiffigisap B07-ip ilaanut kommunip pilersaarutaata tapiata nutaap sularinissaa Teknikkimut Ataatsimiititaliap akuersissutigisimavaa. Imm. ilaani immikkoortorta q taanna kommunip pilersaarutaata tapiata taassuma sumiiffittut inuussutissarsiorfittut illoqarfiup qeqqani sumiiffingortillugu allangortippaa (C30-nngortussamut). Tamatuma nassataralugu sumiiffiup inuussutissarsiorfinnut oqimaatsunik ingerlatsisunut pinnagu inissianut, pisiniarfinnut, akunnittarfinnut assingusunullu siunertaqalernissaa Tamatumali nassatarinngilaa inuussutissarsiorfiit tamaaneereersut matuneqassasut, imaluunniit erniinnaartumik nuunneqassasut, sumiiffilli arriitsumik allangoriartussasoq, atuuffiit nutaat aningaasaliinissamut periarfissanik nutaanik tunisissammata. Sumiiffimmi inuussutissarsiuutinik ingerlatallit arlallit aamma siunnersuummut iluarinninnerminnik oqaatiginnereersimapput.

Tamakku saniatigut 2022-mi Ilulissat Avannaanut Ineriartortitsinissamut Pilersaarut kommunalbestyrelsip akuerivaa, taassumalu eqqaavissuup qanitaani inuussutissarsiorfinnut sumiiffiit nutaat toqqartorpai. Tamatuma nassatarissavaa siunissami inuussutissarsiorfiit illoqarfiup qeqqata avataani inissinneqarnissaat. Taamaalisukkut sumiiffimmut tassunga, (B04-mut), kommunip pilersaarutaata tapiata tusarniaassutaasinnaannissaa Teknikkimut Ataatsimiititaliap akuersissutigisimavaa. Sumiiffik inuussutissarsiorfittut sumiiffittut kommunip pilersaarutaata tapiata aalajangerpaa, tamannalu akuersissutigineqassappat tassaalissaaq kommunip pilersaarutaata ilaa. Saniatigullu ukiormanna siunissami inuussutissarsiorfittut sumiiffigisap sanaartorfingissarnissaanut kommunalbestyrelse koruuninik 2 mio.-inik immikkoortitsisimavoq.

Qulaani pineqartut arlalinnik akuersissutaasunik allagaatinillu peqarfiupput, taakkulu allagaammut ataatsimut kattullugit allanneqarsimangillat.

Ingerlariaqqinnissaq

Konrad Chemnitzip Aqq.-nut (B07-imut) kommunip pilersaarutaata tapianut siunnersuut, tusarniaassutaanissaa siunertaralugu, Teknikkimut Ataatsimiititaliamut saqqummiunneqarpoq. Tamanna akuersissutigineqassappat periusissiami apequtigineqartumi alloriarnerussaq pingaarutilik. Taamatullu aamma issaaq eqqaavissuup eqqaani inuussutissarsiorfinnut sumiiffimmut B04-imut, tusarniaassutigisassatut nassiuunneqalertussamut tunngasumut.

Aningaasatigut kingunerisinnaasai:

Periusissialikkatut suliarisat toqqaannartumik aningaasaqarnermi kingunerisinnaasaqanngillat. Taamaattorli inuussutissarsiorfinnut sumiiffinni nutaani aningaasanik aningaasaliinissaq kingusinnerusukkat pisariaqartinneqarumaarpoq. 2023-mi inuussutissarsiorfinnut sumiiffinnut nutaanut ingerlatassamut siullermut sanaartorfigissaanissamut koruunit 2 mio.-it immikkoortinneqarput.

Inatsisitigut tunngavigisaq:

- Kommunit aqunneqarnerat pillugu Inatsisartut inatsisaat nr. 22, 18. november 2010-meersaq

Suliamik isumaginnineq:

Teknikkimut Ataatsimiititaliaq
Aningaasaqarnermut Ataatsimiititaliaq
Kommunalbestyrelse

Teknikkimi Ataatsimiititaliami aaliangerneq:

*Teknikkimut Ataatsimiititaliamut Aqutsisoqarfiup inassutigaa
Aningaasaqarnermut Ataatsimiititaliami aamma kommunalbestyrelsimi suliareqqitassanngorlugu akissut
akuerineqassasoq*

Aaliangiineq:
Akuerineqarpoq.

Aningaasaqarnermi Ataatsimiititaliami aaliangerneq:

*Teknikkimi Ataatsimiititaliap Aningaasaqarnermut Ataatsimiititaliamut inassutingaa
Teknikkimi Ataatsimiititaliap inassutaa ilalernerqassasoq*

Aaliangerneq:
Inassuteqaat akuerineqarpoq.

Inassuteqaat:


Aningaasaqarnermut Ataatsimiititaliap kommunalbestyrelsimut inassutingaa

Aningaasaqarnermut Ataatsimiititaliap aaliangernera ilalernerqassasoq

Ilangussat:

- Bilag 010-01: Aqqalu Jerimiassenip (A) siunnersuutaa
Bilag 010-02: Ataatsimut isiginniffik. Periusissialikkatut pilersaarutit suliarisallu
Bilag 010-03: Kommunalbestyrelsip ataatsimiinneranit 8. sep. 2019-imeersumit imaqarniliaq

Aaliangiineq:**Inassuteqaat akuerineqarpoq.**

Sag nr.	Pineqartog	Bilag. nr.	011
KOM 056	Umiarsualivinnik kommunip tigusaqarnissaanut tunngatillugu politikikkut apeqqutilliissut, Palle Jerimiassen (AT)	Journal nr.	

Uteqqiineq:

Namminersorlutik Oqartussat pisinnaasaannut naleqqiullugu kommune ingerlatsinermik iluarinarnerusumik isumaginnissinnaanerani isumaqarami kommunimi umiarsualivinnik Namminersorlutik Oqartussanit kommunip tigusaqarnissaa pillugu borgmesterip Palle Jerimiassenip siunnersuutigisimavaa. Apeqqummut, nangitatullu politikikkut oqaluuserisaqarnissamat kommunalbestyrelsi isummeqquneqarpoq.

Suliap saqqummiunera:

Namminersorlutik Oqartussat pisinnaasaannut naleqqiullugu kommune ingerlatsinermik iluarinarnerusumik isumaginnissinnaanerani isumaqarami kommunimi umiarsualivinnik Namminersorlutik Oqartussanit kommunip tigusaqarnissaa pillugu borgmesterip Palle Jerimiassenip siunnersuutigisimavaa.

Iluarsiisummik siunnersuut– suliamik naliliineq

Umiarsualiviit sanaartornerinik, allinerinik aamma ingerlatarinerinik isumaginnissamat imaluunniit peqataaqataanissamat kommunimut periarfissaasoq piffissami matumani umiarsualivinnut inatsimmi nassuiarneqareersimavoq. Tamanna assersuutigalugu aktianik piginneqatigiiffiit aqutigalugit umiarsualivinnut ingerlatseqatigiiffitsigut pisinnaavoq. Taakkununga ilaatillugu umiarsualiviit kommunip kisimi ingerlatarisinnaavai, imaluunniit namminersortut, imaluunniit pisortani suliqartut allat peqatigalugit suleqatigiinnerit ilusaat assigiinngitsut aqutigalugit. Tassunga ilaavoq atuisartut akiliuteqaaqqusarnissaat, tassalu tamanna Namminersorlutik Oqartussanit akuerineqarsimassappat.

Umiarsualivinnik anginerusunik ingerlataqarnermik Avannaata Kommunian toqqaannartunik misilittagaqanngilaq, pissusissamisussaarlup pissutsit arlallit qulaajartariaqarnissaat, tamatumuunakkut pissutsit piviusut kingunerisinnaasallu qaammarsaavigisinnaaniarlugit. Ilaassapput taamatut tigusaqarnermi naatsorsuutigineqarsinnaasutut ingerlatsinermut aningaasartuutit isertitassallu suunerat.

Qeqqata Kommunianit, assingusunik suliarsanik suliagarfiusimasumit misilittakkat atorneqarsinnaapput, tamaanili kommunimi umiarsualiviit tamaasa pineqanngillat. Tassunga ilaapput nunanit sanilerisanit assersuutit arlallit, ilaatigut Islandimit, kommunimi umiarsualivinnik ingerlatseqatigiiffiit umiarsuarnit takornariartaatinit akigitat aqutigalugit iluanaarnartumik kaaviiartitsinermik pisinnaatitsisimasut. Ilaliullugu ajornanngippat umiarsualivinnik ingerlatseqatigiiffinnik katiterinissamat katiterussutsit sorliit kommunimut iluanaarnerpaassanerat misissortariaqarpoq.

Ingerlariaqqinnissaq

Apeqqutigisaa kommunalbestyrelsimi nangillugu oqaluuserineqassaaq. Kommunalbestyrelsimi amerlanerussutillit kissaatigissappassuk ajornanngippat suleqatigiinnik, apeqqummik immikkuualuttut ilanngussorlugit misissuisussanik pilersitsisoqarsinnaavoq.

Aningaasaqarnermi kingunerisinnaasat:

Aningaasaqarnermi kingunerisinnaasanik paasiniaanertut isertitaasinnaasut ingerlatsinermullu aningaasartuutit nassuiarneqartariaqarput. Aammattaaq umiarsualivinni tamaaneereersuni tamakkunani aserfallatsaaliuinerinik kinguartoorutaasoqassasoq naatsorsuutigineqartariaqarpoq, taakkulu qulaajaavineqartariaqarput, isumaliutaasunullu tamakkiisunut tamakkununga ilanngunneqartariaqarlutik.

Kingunerisinnaasat:

Namminersorlutik Oqartussanit umiarsualivinnik tigusaqarnermi toqqaannartumik kingunerisinnaasat erseqqinnerusumik nassuiarneqartariaqarput. Ilaassapput pineqarnerisut umiarsualiviit tamarmiusut, kiisalu siunissami takkuttussat oqaluuserineqartariaqarneri. Aamma kommunip siunissami umiarsualivinni suliniutinik anginerusunik suliarinninnera isumaliutigisariaqarpoq, soorlu Taserasani umiarsualivimmik suliniut, Ilulissat Avannaanut ineriartortitsinermik pilersaarummut ilanngunneqarsimasoq.

Inatsisitigut tunngavigisat:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Umiarsualiviit pillugit Inatsisartut inatsisaat nr. 9, 3. juni 2015-imeersoq

Suliamik isumaginnineq:

Teknikkimut Ataatsimiititaliaq
Aningaasaqarnermut Ataatsimiititaliaq
Kommunalbestyrelse

Teknikkimi Ataatsimiititaliami aaliangerneq:

*Teknikkimut Ataatsimiititaliamut Aqutsisoqarfiup inassutigaa
Akissut aningaasaqarnermut ataatsimiititaliami aamma kommunalbestyrelsimi nangitatut
oqaluuserineqarnissaa akuersissutigissagaa*

Aaliangiineq:
Akuerineqarpoq.

Aningaasaqarnermi Ataatsimiititaliami aaliangerneq:

*Teknikkimi Ataatsimiititaliap Aningaasaqarnermut Ataatsimiititaliamut inassutingaa
Teknikkimi Ataatsimiititaliap inassutaa ilalernerqassasoq*

Aaliangerneq:
Inassuteqaat akuerineqarpoq, kisianni misissuisoqarluassasoq innuttaasullu peqataatinnissat ataatsimiititaliamit piumasarineqarpoq. Paaseqatingiittoqarnissaa pillungu borgmesteri Namminersorlutik Oqartussanut qulequtaq pillungu oqaloqateqassooq kommunalbestyrelsimullu suliaq pillungu ilisimatitsilluni.

Inassuteqaat:


Aningaasaqarnermut Ataatsimiititaliap kommunalbestyrelsimut inassutingaa

Aningaasaqarnermut Ataatsimiititaliap aaliangernera ilalernerqassasoq

Ilangussat:

Bilag 011-01: Borgmesteri Palle Jerimiassenimit siunnersuut
Bilag 011-02: Umiarsualiviit pillugit Inatsisartut inatsisaat nr. 9, 3. juni 2015-imeersoq

Aaliangiineq:**Inassuteqaat akuerineqarpoq.**

Sag nr.	Pineqartog	Bilag. nr.	012
KOM 057	Itisuarsummi namminersortut suliaqartunut tunngatillugu politikikkut apeqqutilliissut, Minik Høegh-Dam (AT)	Journal nr.	

Uteqqiineq:

Inuussutissarsiorfittut umiarsualivittut Itisuarsuup namminersortut inuussutissarsiutinik ingerlatallit atuisinnaanissaannut periarfissiisoqassasoq pillugu Minik Høegh-Dam siunnersuummik saqqummiussaqaarsimavoq. Apeqqummut, nangitatullu politikikkut oqaluuserinissaanut kommunalbestyrelsi isummeqquneqarpoq.

Suliap saqqummiunnera:

Itisuarsummi namminersorlutik inuussutissarsiutillit inuussutissarsiorfittut umiarsualivimmik pissarsisinnaanissaannut periarfissiisoqarnissaq pillugu Minik Høegh-Dam siunnersuummik saqqummiussaqaarsimavoq. Apeqqutilliinermini siorna suliaassanngortinneqartog Disko Linep qinnuteqaataa Minik Høegh-Damip eqqaavaa. Taamaattumillu Itisuarsuup immikkoortuisa ilai allat namminersortut inuussutissarsiortunut, taakkulu umiarsualivimmi suliarisaannut atorpeqarsinnaaneri soqutigisarai.

Iluarsiissummik siunnersuut– suliamik naliliineq

Umiarsualiviit pillugit inatsimmi nassuiarneqartut umiarsualivimmik sanaartorlunilu ingerlataqarnissamut namminersortut inuussutissarsiortunut maannakkut periarfissaqaareerpoq. Tamanna aamma kommunimut atuuppoq, imaluunniit kommunip aamma namminersortut inuussutissarsiortut akornanni ajornangippat suleqatigiinnermi. Tamatumunnga qinnuteqaatinik Namminersorlutik Oqartussat tassaapput nalilersuullutillu suliamik isumaginninnissamik oqartussaassusillit. Suliniutinullu taakkununga pilersaarusionermut tunngavigisassamik suliaqarlunilu akuersissuteqarnissaq kommunimiippoq.

Disko Linep qinnuteqaataatigut mittarfinngortussamut pisarialimmik immami annaassiniartarfimmik Kalaallit Airports suliniummumut aamma ilaalerpoq. Taamaalillutik umiarsualivinngortussamut, kiisalu tassunga atasutut attaveqaasersuutinik sanaartornermut aningaasaliinerit illuatungerit taakku marluk akornisa iluini aamma agguataarneqartussaassapput. Taamaattumillu taamatut itumik suliffeqarfiit allat qinnuteqarsinnaassapput, taamaalisukkullu suliniutip ilaanik ingerlatassaminnik sanaartornissamut aningaasatigut pigisaqassallutik, imaluunniit tamanna pillugu ajornangippat suleqatigiinnermi ilaasinnaassallutik. Taamaattorli timmisartornermi isumannaallisaanissamik sianiginninneq pissutigalugu sumiiffimmi aalisarnermut imaluunniit piniarnermut attuumassutilittut suliaqarnerit pisinnaangillat, taamaalillunilu suliffeqarfiit aalajangersimasut ingalassimatitaassapput.

Namminersorlutik Oqartussanit piumasaqaataasimagaluartut sumiiffimmut Disko Line umiarsualivimmumut oqartussaaffimmik peqarnissaanik kissaateqannginnerminik kommunalbestyrelse aalajangiussisimavoq. Umiarsualivimmumut oqartussaaffik pillugu aalajangiussineq tassaammat Namminersorlutik Oqartussanit isumagisassaq aalajangiussineq taanna taakkununga ingerlateqqinneqarpoq. Taamaattumik siunissami umiarsualivimmumut ingerlatap nangeqqinnissaanut naleqqiullugu pissutsit sulii paasisaqarfiunngillat, taamaalillutillu sumiiffimmut kommunip pilersaarutaata tapianut takkuttussamut aamma taamatuttaaq tunngasut ilaapput.

Ingerlariaqqinnissaq

Apeqqutigisaq kommunalbestyrelsimi nangitatut oqaluuserineqassaaq. Kommunalbestyrelsimi amerlanerussutillit siunnersuut tapersersussappassuk Namminersorlutik Oqartussat ingerlatap nanginnerani ilanngunneqassapput. Taamaattorli aningaasaqarnermi ilaasunut tamakkununga naleqqiullugit, aammali qinnuteqarsinnaasunut soqutiginnittunut naleqqiullugit Namminersorlutik Oqartussanit peqateqarluni ingerlariaqqinnissaq paasisaqarfiusariaqassaaq. Taamaalisukkat maannakkut ingerlatamut, aammalu sumiiffimmut nutaanik kissaatigisinnaasunut naleqqiulluni Disko Line sumi inissisimaffeqaarnersoq paasineqartariaqarpoq.

Aningaasaqarnermi kingunerisinnaasat:

Qinnuteqartumit umiarsualiviup, tassungalu atasutut attaveqaasersuutit tamakkiisumik aningaasaliiffiginissaat Namminersorlutik Oqartussanut piumasaqaataasimavoq. Taamaattumik suliniummut aningaasaleeqataanissaq qinnuteqartut nutaanut naatsorsuutaasariaqarpoq. Taamaattumik kommunip aningaasaqarnikkut aningaasartuuteqaqqusaanissaa naatsorsuutigineqanngilaq.

Kingunerisinnaasat:

Piffissami matumani pineqartoq politikikkut apeqqutilliissutaammat tamatumunnga atasunik toqqaannartunik kingunerisassaqaanngilaq. Kissaatigisap nangitatut ingerlatarinissaa pissappat qinnuteqartunut aningaasaqarnermi kingunerisinnaasat, kiisalu qinnuteqaataareersumut attuumassuteqarneq paasineqassapput. Tamakku saniatigut aamma pissutsit Namminersorlutik Oqartussallu paasineqartussat pineqarput, taakkuami umiarsualiveqarfinni suliassaqaarfik tigummivaat.

Inatsisitigut tunngavigisat:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Umiarsualiviit pillugit Inatsisartut inatsisaat nr. 9, 3. juni 2015-imeersoq

Suliamik isumaginnineq:

Teknikkimut Ataatsimiititaliaq
Aningaasaqarnermut Ataatsimiititaliaq
Kommunalbestyrelse

Teknikkimi Ataatsimiititaliami aaliangerneq:

*Teknikkimut Ataatsimiititaliamut Aqutsisoqarfiup inassutigaa
Aningaasaqarnermut ataatsimiititaliami aamma kommunalbestyrelsimi nangitatut oqaluuserisassanngorlugu akisutigisaa akuerissagaa*

Aaliangiineq:
Akuerineqarpoq.

Aningaasaqarnermi Ataatsimiititaliami aaliangerneq:

*Teknikkimi Ataatsimiititaliap Aningaasaqarnermut Ataatsimiititaliamut inassutingaa
Teknikkimi Ataatsimiititaliap inassutaa ilalerneqassasoq*

Aaliangerneq:
Aningaasaqarnermut Ataatsimiititaliaq ima isummerpoq:
Disko Linep qinnuteqaataa akuerineqassasoq inassutaavoq, talittarfissarlu tallillungu innuttaasunut tamanut atorneqarsinnaasumik suliffeqaarfik aqqutsissiussissasoq piumaffingineqarpoq. Uani Disko Linep qinnuteqaataa Itisuarsuup kangiatungaanut kisimi attuumavoq, sinnera allanit suliffeqaarfinit qinnutingineqarsinnaasooq.

Inassuteqaat:


Aningaasaqarnermut Ataatsimiititaliap kommunalbestyrelsimut inassutingaa

Aningaasaqarnermut Ataatsimiititaliap aaliangernera ilalerneqassasoq

Ilangussat:

Bilag 012-01: Minik Høegh-Damimit siunnersuut
Bilag 012-02: Umiarsualiviit pillugit Inatsisartut inatsisaat nr. 9, 3. juni 2015-imeersoq

Aaliangiineq:**Inassuteqaat akuerineqarpoq.**

Sag nr.	Pineqartog	Bilag. nr.	013
KOM 058	Upernaviup umiarsualiviata iluarsaannissaanut tunngasutut politikikkut apeqququtilliissut, Knud Kleemann (A)	Journal nr.	

Uteqqiineq:

Upernavimmi umiarsualiviup sanaartorfiginissaa pillugu Knud Kleemann (A) siunnersuummik saqqummiussaqaarsimavoq. Apeqqummut, nangitatullu politikikkut oqaluuserinissaanut kommunalbestyrelsi isummeqquneqarpoq.

Suliap saqqummiunnera:

Upernavimmi umiarsualiviup sanaartorfiginissaa pillugu Knud Kleemann (A) siunnersuummik saqqummiussaqaarsimavoq. Siunnersuummiippoq umiarsualiviup eqqaani qeqertaasap qaartiternissaa, aammalu piviusumik nunniukkamik sanaartornissaq. Tamamma atuisartunut umiarsualivimmi pissutsinik iluarsissaq. Apeqqummut, nangitatullu politikikkut oqaluuserinissaanut Ataatsimiititaliaq isummeqquneqarpoq.

Iluarsiiissummik siunnersuut– suliamik naliliineq

Umiarsualiviup nunniukkamik iluarsiiuginissaa qangalili Upernavimmi kissaataasimavoq. Taamaattorli Upernavimmi umiarsualivik, aammalu kommunimi sumiiffiit allat Namminersorlutik Oqartussanit isumagineqartartuupput. Taamaattumik umiarsualiviup aserfallatsaaliornissaa sanaartorfiginissaa taakkua akisussaaffigaat, taamaattumillu suliniut taamatut ittoq Namminersorlutik Oqartussat aningaasaqarnerannik pingaarnersiugarisaannillu aalajangerneqartarpoq. Kommunimi umiarsualivinnik anginerusutut iluarsiiinerit kingullit Qaanaami pipput, tamaani nunniugaq nutaaq sananeqarluni, kiisalu Uummannami, ilaatigut talittarfik, aamma oqquiffissatut nunniugaq sanaartugaallutik. Ukiut tulliini qaninnerpaat iluini pisussatut pilersaarutaasimasunik Avannaata Kommuniani iluarsaassinissamik suliniutinik anginerusunik allanik ingerlatsivik ilisimasaqanngilaq.

Namminersorlutik Oqartussanut kommunip umiarsualivinnik sanaartuiffigisaanik kommunimit assersuutinik ilisimasaqartoqanngilaq. Taamaattorli kommunip umiarsualivinnik tigusaqarnissaanut umiarsualiviit pillugit inatsisikkut periarfissaqassaaq, tamatumunnga ingerlatsineq, sanaartorneq ilaalu ilanngullugit isumagisinnaassallugit. Tamannali Namminersorlutik Oqartussanit akuerineqartussaavoq. Tamanna aamma umiarsualiviup immikkoortuisa ilaanut atuussinnaassanersoq ilisimaneqanngilaq. Taamaattorli nunniukkap kissaatigisatut sananeqarnissaa pillugu Namminersorlutik Oqartussanut qinnuteqaammik nassiusaqarnissamut periarfissaqartuassaaq.

Upernaviup illoqarfianut ineriartortitsinermik pilersaarummi takkuttussami umiarsualivimmut kissaatigisaaq tassaavoq pissutsit ilaanni taakkunanani ilaassutut isumaliutigisaaq.

Ingerlariaqqinnissaaq

Apeqququtilliissutaasoq kommunalbestyrelsimi nangillugu oqaluuserineqassaaq. Taamatuttaaq Avannaata Kommuniani siunissami umiarsualivinni suliniutinut pilersaaruteqarnissamut Namminersorlutik Oqartussanut saaffiginnittoqarsimavoq. Taakkunanit akissuteqartoqarpat tamanna pillugu kommunalbestyrelse ilisimatinneqassaaq.

Aningaasaqarnermi kingunerisinnaasat:

Piffissami matumani aningaasaqarnermi kingunerisassaqaanngilaq, umiarsualivik, aserfallatsaaliuineq aamma sanaartorneq Namminersorlutik Oqartussaniimmat.

Kingunerisinnaasat:

Piffissami matumani pineqartoq tassaammat politikkikkut apeqqutilliissut, tassunga atasutut toqqaannartunik kingunerisinnaasaqanngilaq.

Inatsisitigut tunngavigisat:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Umiarsualiviit pillugit Inatsisartut inatsisaat nr. 9, 3. juni 2015-imeersoq

Suliamik isumaginnineq:

Teknikkimut Ataatsimiititaliaq
Aningaasaqarnermut Ataatsimiititaliaq
Kommunalbestyrelse

Teknikkimi Ataatsimiititaliami aaliangerneq:

*Teknikkimut Ataatsimiititaliamut Aqutsisoqarfiup inassutigaa
Aningaasaqarnermut ataatsimiititaliami aamma kommunalbestyrelsimi nangitatur oqaluuserisassanngorlugu
akissutigisaa akuerissagaa*

Aaliangiineq:
Akuerineqarpoq.

Aningaasaqarnermi Ataatsimiititaliami aaliangerneq:

*Teknikkimi Ataatsimiititaliap Aningaasaqarnermut Ataatsimiititaliamut inassutingaa
Teknikkimi Ataatsimiititaliap inassutaa ilalerneqassasoq*

Aaliangerneq:
Inassuteqaat akuerineqarpoq, suliaq pillungu Namminersorlutik Oqartussanut paasiniarneqassooq suliassani tulleriissaarinnermut sumut killera paasiumallungu. Tamatuma kingorna kommunalbestyrelsi ilisimatinneqassooq.

Inassuteqaat:

Aningaasaqarnermut Ataatsimiititaliap kommunalbestyrelsimut inassutingaa

Aningaasaqarnermut Ataatsimiititaliap aaliangenera ilalerneqassasoq

Ilangussat:

Bilag 013-01: Knud Kleemannimit siunnersuut
Bilag 013-02: Umiarsualiviit pillugit Inatsisartut inatsisaat nr. 9, 3. juni 2015-imeersoq

Aaliangiineq:

Sag nr.	Sammisag	Bilag. nr.	014
KOM 059	Tapiliutitut aningaasaliissutit, Upernavimmi eqqaavissuup salinnera	Journal nr.	18.01.02

Uteqqiineq:

Upernavimmi eqqaavissuarmi pisoqarfiusoq pissutigalugu eqqaavissuup salillugulu eqqakkanik umiarsuakkut assartuussinissamat tapiliutitut aningaasaliisoqassasoq qinnuiginnissutaavoq. Taamaattumik qinnuiginnissummik tassanga tapersersuinissaq kissaatiginerlugu kommunalbestyrelsi isummeqquneqarpoq.

Suliap saqqummiunnera:

Ukiuni arlalinni eqqakkat amerlassusaannik tigusartakkanik tamakkuninnga suliaqarnissamat, taamalu sularinnittussat isumalluutaasunut naleqqiullugit Upernavimmi eqqaavissuup assorsuup ilungersuutissaqarsimavoq. Tamanna ilaatigut tamaaneereersumi ikuallaasarfimmi piginaasaqassutsimik, aamma eqqaavissuup angissusaanik pissuteqarpoq. Aamma qangarsuunngitsumiilli eqqakkat amerlassusaat amerleriasimapput. Silami ikuallaanissamat immikkut akuersissummik tunniussaqaannginnissaq pillugu Namminersorlutik Oqartussat aalajangiussinerisigut ukiormanna pisoqarfik suli ajorteriaannarsimavoq. Tamatumalu eqqaavissuup eqqakkanik assorsuup amerlasuunik imalik kinguneraa.

Iluarsiissummik siunnersuut– suliamik naliliineq

Namminersorlutik Oqartussat inssitaattut toqqammavissat taakku malittarineqarsinnaassappata maannakkut eqqaaveqarnermi pisoqarfimmik iluarsiinaraanni eqqakkat illoqarfimmit peerutsinnissat pisariaqarpoq. Tamatuma saniatigut pisariaqartoq tassaavoq aqqissuussiffigisinnaaniarlugu eqqaavissuup salinnissaa, taamaalilluni eqqakkat sinneruttut poortornissaannik, umiarsuakkullu assartortinneqartuarnissaannik kiffartuussinissamat isumaqatigiissutip atsiornissaa periarfissanngorsinnaassamat.

Eqqaavissuup eqqakkanik saviminikunillu salinnissaa iluarsiissutissat siunnersuutigineqarpoq. Tamanna eqqakkat saviminikullu umiarsuakkut Danmarkimut assartortinnerisigut pisinnaavoq. Tamatumunnga ESANI neqeroorummik saqqummiussaqqarpoq, suliassamillu aasarmanna isumagininnissinaavoq. Kommune maskiinanik pisarialinnik peqaanngimmat suliassamik iluarsiiniarluni suliffeqarfiutillup maskiinai, kiisalu inuttassat attartortariaqassapput. Danmarkimut umiarsuakkut assartuinerup kr. 1,55 mio.-inik akeqarnissaa naatsorsuutigineqarpoq, nunamili sularisat kr. 0,5 mio.-iussanerat naatsorsuutigineqarlutik.

Suliassaq pinasuartussaavoq, maannakkut aasaanerata ingerlanerani suliassaq isumagitinniassagaanni pilersaaruserneq naammassineqartussaammat.

Ingerlariaqqinnissaq

Ataatsimiititaliaq suliassamik tapersersuissappat suliassaq pillugu isumaqatigiissummik atsiuisoqassaaq. Aasap ingerlanerani suliassap iluarsiiviginissaa naatsorsuutigineqarpoq. Tamatuma ullut 14-it missaasa ingerlaneranni pissanera naatsorsuutigineqarluni.

Kingunerisinnaasat:

Tapiliutitut aningaasaliissutit kingunerissavai eqqaavissuarmik saliisoqarsinnaanera, aammalu eqqaavissuarmik aqqissuussinissamat periarfissaqalenera, kiisalu tamakku kingornatigut eqqakkanik poortuisarnerup aallartisarneqarsinnaanera.

Aningaasaqarnermi kingunerisinnaasat:

Danmarkimut eqqakkanik umiarsuakkut assartuussineq kr. 1,5 mio.-inik akeqassaaq, nunamili sulineq, aamma maskiinanik attartorneq kr. 0,5 mio.-inik akeqassasoq naatsorsuutigineqarluni. Tamakku kattullugit tapiliutitut aningaasaliissutit kr. 2,05 mio.-it qinnutigineqarput.

Inatsisitigut tunngavigisat:

- Pilersaaruserneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersoq
- Tapiliutit ilanngullugit 2018-2030-mut Avannaata Kommunianut kommunip pilersaarutaa

Suliamik isumaginnineq:

Teknikkimut Ataatsimiititaliaq
Aningaasaqarnermut Ataatsimiititaliaq
Kommunalbestyrelse

Teknikkimi Ataatsimiititaliami aaliangerneq:

*Teknikkimut Ataatsimiititaliamut Aqutsisoqarfiup inassutigaa:
Tapiliutit aningaasaliissutit pillugit qinnutiginninnermik Ataatsimiititaliaq akuersissasoq, inassuteqaallu
Aningaasaqarnermut Ataatsimiititaliamut ingerlateqqillugu nassiunneqassasoq*

Aaliangiineq:
Akuerineqarpoq.

Aningaasaqarnermi Ataatsimiititaliami aaliangerneq:

*Teknikkimi Ataatsimiititaliap Aningaasaqarnermut Ataatsimiititaliamut inassutingaa
Teknikkimi Ataatsimiititaliap inassutaa ilalerneqassasoq*

Aaliangerneq:
Inassuteqaat akuerineqarpoq, ingerlatsiviup iluani aningaasat atorneqassapput, immikkut karsimiit aningaasaliissutaanngillat.

Inassuteqaat:

Aningaasaqarnermut Ataatsimiititaliap kommunalbestyrelsimut inassutingaa


Aningaasaqarnermut Ataatsimiititaliap aaliangernera ilalerneqassasoq

Ilanngussaq:

Bilag 014-01: Ansøgningskema til tillægsbevilling

Aaliangiineq:

Inassuteqaat akuerineqarpoq.

Suliaq nr.	Sammissaq	Bilag nr.	015
KOM 060	Sanaartornermi aningaasaliissutininik nikisiterineq	Journal nr.	

Uteqqiineq:

Sanaartornermi aningaasat 2022-imi atorineqanngitsoortut kommunip qitiusumik karsianut utertinneqarnissaannik Kommunalbestyrelsip aalajangiinerata kingunerisaanik 2023-imi sanaartugassatut pilersaarutit arlallit naammassineqarnissaminnut aningaasaliissutininik amingaateqalernikuupput. Taamaattumik kommunalbestyrelsi suliami matumani isummerfigissavaa siunnersuutigineqartutut sanaartugassanut aningaasaliissutininik nikisiterisoqassanersoq.

Suliamik saqqummiineq:

Aningaasaqarnermut ataatsimiititaliami Kommunalbestyrelsimilu 18/25. november 2022 aalajangerneqarpoq, sanaartugassanut aningaasaliissutit atunngitsoorneqartut kommunip qitiusumik karsianut utertinneqassasut, kommunip aningaasanik tigorianaanagaateqarnissaa nukittorsarniarlugu. Sanaartugassanut aningaasaliissutit utertinneqartut taakku 2023-imumt nuunneqartussaaniikuugaluarput. Tamatuminnga pissuteqartumik sanaartugassanut pilersaarutit arlallit naammassineqarnissaminnut pilersaarutigineqartutulluunniit ingerlateqqinneqarnissaminnut aningaasaliissutininik amingaateqalernikuupput. Suliassat tamakku ilaat 2023-imumt isumaqatigiissusiutaareernikuupput, taamaalillunilu kommuni pisussaaffeqarluni suliassanut taakkununga aningaasaliissuteqarnissaminik.

Suliassat allat Namminersorlutik Oqartussanit aningaasaliiffigineqarnikuusut, aningaasartaallu 2022-imi utertinneqarnikuusut 2024-imi kommunip karsianiit aningaasalersorneqartariaqassapput.

Iluarsiissutissatut siunnersuut – suliamik nalilersuineq

Ukiuni kingullerni sanaartortoqarujussuarnerata malitsigisaanik sanaartornerup iluani kinguaattoornerit amerlasimapput, atorussanik pissarsiniartarnermi kinguaattoortoqartarluni, atorussat akitsorlutik sulisussaaleqisoqarlunilu. Tamanna pissutigalugu sanaartornermut immikkoortortaqrarfiup upernaqaq manna atorsimavaa suliassat misissuataarlugit, soorlu 2023-imi sulisussaaleqineq pissutigalugu kinguaattoorfiusinnaasut, suliariumannittussarsiuussinermi missingersuutit sipporlugit akeqartitsiniarnerit sanaartorfissamiluunniit pilersaarummik amingaateqarnerit pissutaallutik. Taamatullu misissuataarneqarsimavoq suliassat suut aningaasanik aallerfigineqarsinnaanersut, pineqartumut annikinnerpaamik sunniuteqartumik. Tamakku tamaasa tunngavigalugit periarfissaqarpoq aningaasat nassaarissallugit, nikisitsinikkullu suliassanut isumaqatigiissusiutaareersimasunut atorlugit, ilaatigullu sanaartugassat ilaannik kinguartitsineq aqqutigalugu.

Suliassat isumaqatigiissusiutaareersimasut, aningaasartassaqaqngitsut:

• Atuarfik, Ukkusissat, Rambøll pilersaaruserineq, sinneruttoq	100.000 kr.
• Eqqaaviup nuunneqarnera, Aappilattoq, KJ-kontrakt, sinneruttoq	700.000 kr.
• Pisuinnaat aqq., Ilulissat, KJ-kontrakt, sinneruttoq	800.000 kr.
• Atuarfik, Oqaatsut, Qarsoq pilersaaruserineq, sinneruttoq	100.000 kr.
• Utoqqarnut inissiat, Ukkusissat, Lasø-kontrakt, sinneruttoq	1.900.000 kr.
• Inissiat A32, KJ-kontrakt, sinneruttoq	3.000.000 kr.
• Illu sullivik, Upernavik Kujalleq, Qullilerisoq-kontrakt, sinneruttoq	1.000.000 kr.
• Mittarfimmuat aqqusineq, Ilulissat, KJ-kontrakt, sinneruttoq	5.000.000 kr.
Katillugit	12.600.000 kr.

Suliassat aningaasanik aallerfigineqarsinnaasutut siunnersuutigineqartut:

• Sanaartorfissagissaaneq, Uummannaq, Imm. 2 akisooq, kinguartillugu	-1.000.000 kr.
• Utoqqaat illuat, Ilulissat, 2022-mi Namm. Oqartussanit aningaasat	-1.700.000 kr.
• Kuuffiit, Ilimanaq, pilersaaruserneq	- 150.000 kr.
• Sullissivik/qatserutaasivik, Naajaat, Illorput, sipaarut pilersaaruserneq	- 200.000 kr.
• Katersortarfik, Siorapaluk, aserfallatsaaliineq kinguartillugu	- 250.000 kr.
• Tikeraanut unnuisarfik, Savissivik, Illorput, sipaarut pilersaaruserneq	- 250.000 kr.
• Inuusuttut inaat, Oqaatsut, pilersaaruserneq kinguartillugu	- 450.000 kr.
• Utoqqarnut inissiat, Saqqaq + Ilulissat, Illorput, sipaarut pilersaaruserneq	- 450.000 kr.
• Utoqqarnut inissiat, Uummannaq, Illorput, sipaarut pilersaaruserneq	- 450.000 kr.
• Aqq. paarlaffiini qulliit, Ilulissat, pilersaaruserneq kinguartillugu	- 250.000 kr.
• Ilinniartitsisup illussaa, Nuussuaq, Panbo typehus, sipaarneq	- 450.000 kr.
• Puttasut, Upernaviup nunaqarfii, Inussutissarsiuqarfimmi sipaarneq	- 550.000 kr.
• Inissialierneq, Uummannaq, pilersaarusernermi sipaarutit	- 450.000 kr.
• Iliveqarfik, Uummannaq, suliassap ilaata kinguartinnera	- 500.000 kr.
• Iliveqarfik, Upernavik, suliassap ilaata kinguartinnera	- 500.000 kr.
Katillugit	-7.600.000 kr.

Ingerlariaqqinnissaq

Inassuteqaat ataatsimiititaliap akuerissappata Aningaasaqarnermut ataatsimiititaliamut ingerlateqqinneqassaaq, tassanngaaniillu Kommunalbestyrelsimut.

Kingunerisinnaasai:

Akuersissuteqarneq isumaqassaaq suliassat isumaqatigiissusiunneqareersimasut amerlanerpaat missingersuutit siunnersortinut suliassamillu isumaginnittussanut isumaqatigiissutaareersimasut naapertorlugit ingerlanneqarsinnaanissaat. Taamatuttaaq aningaasanik sipaartoqassaaq kiisalu suliassat taaneqartut arlallit 2024-imut kinguartinneqassallutik. Aningaasat ilaat suliassanik pilersaarusernermut atorneqartussatut immikkoortitaammata imaanngilaq kinguartitsinerit tamarmik sivisoorujussuarmik kinguartitsinerussasut. Tamatumunnga pissutaavoq qanorluunniit ikkaluarpat ukiumut tulliuttumut aningaasaliissuteqarnerusoqartussaanaera suliassat aallartivinneqarnissaat eqqarsaatigalugu.

Suliassat sipaarfigineqartussatut siunnersuutigineqartut:

Aqqusernit paarlaffiini qulliit, Ilulissat. Sipaarniarnermi kisinngorutissapput 250.000 kr., taakku siunnersortip Sweco-p aqqusernit paarlaffiini qulliliinissamik pilersaaruserneranut atorneqassapput. Suliassaq piviusunngortinniarlugu 2024-imut aningaasaliinissaq pisariaqassaaq, taamaalilluni suliassaq matumani sipaarniarqarneratigut sunnerneqanngilaq.

Ilinniartitsisup illussaa, Nuussuaq. Sipaartoqareerneratigut kisinngorutissapput 50.000 kr. Taakku Christian Panbo-mut neqeroortitsinerneq titartakkanillu pissarsiniarnerneq atorneqassapput, pilersaarutaasutut 2024-imi aallartissinnaaqullugu, aningaasaleeqqittoqarnissaa naatsorsuutigalugu.

Puttasut, Upernavik. Suliassamut aningaasat Inussutissarsiornerneq ingerlatsivimmiit pissarsiarineqarput, taamaalilluni sanaatornerneq konto-mi sipaartoqarsinnaalerluni.

Inissiat, Uummannaq. Sipaartoqarnerani kisinngorutissapput 150.000 kr. Taakku pilersaarusernerneq atorneqassapput. Tamanna isumaqarpoq ukiumi tulleermi aningaasaliisoqarneratigut sanaartugassaq piaarnerujussuarmik pilersaaruserneqarsinnaallissasoq.

Iliveqarfiit, Uummanaq aamma Upernavik. Sipaartoqarneratigut kisinngorutissapput 500.000 kr. sumiiffinni marluusuni 2023-imi. Tamanna isumaqarpoq suliassat ukioq manna suli aallartineqarsinnaanerat. Aningaasaliissutit sipaarutigineqartut 2024-imi aningaasaliissutaqqissappata suliassat pilersaarutigineqartutut naammassineqarsinnaassapput.

Sullissivik/qatserutaasivik, Naajaat. Sipaarniarneq toqqammaveqarpoq Illorput 2021 type-p atorsinnaaneranut, Namminersorlutik Oqartussanit kommunip akuerineqarneranut. Suliassap immikkoortua siulleq ingerlatsivimmi isumagineqassaaq, ilaallutik illut sumi sananeqarnissaat kiisalu Illorput 2021-imit tunngatillugu pilersaarusiornermut aaqqiissutissat. Tamanna aningaasatigut piffissamillu sipaarutaassaaq, ukiumi tullermut aningaasaliisoqaqqinneratigut suliassaq pilersaarusiornarlugulu suliariumannittussarsiuunneqarsinnaammat. Taamaalilluni sipaarniuteqarnerup matuma suliassamut tunngatillugu piffissaq naatsorsuutigineqareersoq kalluassanngilaa.

Utoqqarnut inissiat, Saqqaq + Ilulissat. Sipaarniarneq toqqammaveqarpoq Illorput 2021 type-p atorsinnaaneranut. Takuuk qulaani oqaasertaliussaq.

Utoqqarnut inissiat, Uummanaq. Sipaarniarneq toqqammaveqarpoq Illorput 2021 type-p atorsinnaaneranut. Takuuk qulaani oqaasertaliussaq.

Tikeraanut unnuisarfik, Savissivik. Sipaarniarneq toqqammaveqarpoq Illorput 2021 type-p atorsinnaaneranut. Takuuk qulaani oqaasertaliussaq.

Kuuffiit, Ilimanaq. Sipaarniartoqarneratigut kisinngorutissapput 50.000 kr. nunaqarfimmi annanut kuuffilersuinissap pilersaarusiorneqarnissaanut atugassat. Taamaalilluni aningaasaliissutaasimasut sinneri sanaartugassanut allanut pisariaqartunut nuunneqassapput.

Sanaartorfissagissaaneq, Uummanaq. Sanaartorfissagissaanerup immikkoortuata aappaa, ilaalluni annanut imermullu kuuffinnut atassusersuineq missingersuutigineqartumit akisunerujussuusimavoq. Immikkoortup aappaata 2024-imit kinguartinneqarneratigut kisinngorutissapput 1.000.000 kr. taakkulu atorneqassallutik immikkoortumut siullermut 2023-imi pilersaarutaasutut suliassanut.

Katersortarfik, Siorapaluk. Paasinarsisimavoq katersortarfiup aserfallatsaaliorneqarnissaanut suliassap aallartineqarnissaa qanoq ajornartigisoq nunaqarfiit avannarlarsaanni, sanaartornermi sulisussanik amingaateqarneq pissutigalugu. Suliassap aappaagumut kinguartinneqarneratigut aningaasat tassunga naatsorsuunneqaraluartut suliassanut allanut isumaqatigiissutaareersimasunut atorneqassapput.

Inuusuttunut inissiat, Oqaatsut. Inuusuttunut inissiat type Namm. Oqartussanit illoqarfinni sanaartorneqartut kommunimit atorusullugit qinnutigineqarsimapput. Tamannali akuerineqarsimanngilaaq, taamaalilluni pilersaarut una 2024-imit kinguartinneqartariaqarluni, aningaasallu matumani immikkoortitat allanut atorneqassapput.

Utoqqaat illuat, Ilulissat. Utoqqaat illuata allilernerqarneranut aningaasartuutit affaat Namminersorlutik Oqartussanit akilernerqartussaapput. 2022-imi akiliutissaaq 2023-imi aatsaat tiguneqarnikuuvoq, taamaalilluni 1.700.000 kr. suliassanut allanut isumaqatigiissusiutaareersimasunut nuunneqarsinnaallutik.

Aningaasatigut kingunerisinnaasai:

Nikisiterinerit pingaluarpataluunniit suli kr. 5 mio.-it miss. amingaatigineqassapput 2023-imi Mittarfiup tungaanut aqquserniornissamik pilersaarummi. Amingaatigineqartulli sanaartugassanut kontomi nassaarineqarsinnaanissaat ilimagineqarpoq, suliassanik suli sipaarniartoqarneratigut/kinguartiterinikkut.

Taamaaliornissamili sanaartornermi pilersaarutit aasap ingerlanerani ingerlanneqartorpassuit pillugit ilisimasaqarnerulertariaqarpoq, assersuutigalugu suliassat ilaasa kinguaattoorfioratarsimasinnaaneri eqqarsaatigalugit.

Nikisiterinerup periarfississavaa sanaartornermi kontomit 2022-ip naanerani aningaasanik tigoraaannarnik atugassiisimanerup matuneqarsinnaanissaa. Allatut iliussagaanni taava periarfissaasinnaavoq 2023-imi suliassat pilersaarutaareersut pilersaarutaaqqaartutut ingerlanneqarsinnaanissaat kontonit allanit ilassutitut aningaasaliisoqarneratigut.

Nikisiterineq aamma isumaqarpoq, 2024-imi suliassanik kinguartitsinerup kingunerisaanik sanaartornermut missingersuutit siumut isigaluni suli pituttorneqarnerulernerannik.

Inatsisitigut toqqammavissat:

- Pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersoq
- Avannaata Kommuniani kommunimut pilersaarut 2018-2030, tapiliussat ilanngullugit
- Aningaasaqarnermut ataatsimiititaliap ataatsimiinnera nr. 09/22, 18. november 2022
- Kommunalbestyrelsip ataatsimiinnera nr. 07/22, 25. november 2022

Suliamik suliarinnineq:

Teknikkimut Ataatsimiititaliap
Aningaasaqarnermut Ataatsimiititaliap
Kommunalbestyrelsi

Teknikkimi Ataatsimiititaliami aaliangerneq:

*Ingerlatsivimmiit Teknikkimut ataatsimiititaliamut inassutigineqarpoq:
Sanaartugassanut aningaasaliissutinik siunnersuutigineqartutut nikisiterinissaq ataatsimiititaliap akuerissagaa*

Aaliangiineq:

Akuerineqanngilaq, kommunalbestyrelsemiit inoqqortussutsit malillugit agguataarineq akuerineqareermat. Fondep pilersinneqapallannissaa innersuussutigineqarpoq. Suliaq politikikkut ingerlateqqinneqarpoq.

Aningaasaqarnermi Ataatsimiititaliami aaliangerneq:

*Teknikkimi Ataatsimiititaliap Aningaasaqarnermut Ataatsimiititaliamut inassutingaa
Teknikkimi Ataatsimiititaliap inassutaa ilalerneqassasoq*

Aaliangerneq:

Teknikkimi Ataatsimiititaliap inassutaa akuerineqarpoq.

Inassuteqaat:

Aningaasaqarnermut Ataatsimiititaliap kommunalbestyrelsimut inassutingaa

Aningaasaqarnermut Ataatsimiititaliap aaliangernera ilalerneqassasoq

Ilangussaq:

Bilag 015-01: Ilassutitut aningaasaliisoqarnerani skema

Aaliangiineq:

Inassuteqaat akuerineqarpoq.

Sag nr.	Sammasaq	Bilag. nr.	016
OKØ 061	Avannaata kommuniata eqqagassalerinermut pilersaarutaanut siunnersuut	Journal nr.	

Uteqqiineq:

Kommunip eqqaaveqarneq pillugu pilersaarussiaa Teknikkimut Ataatsimiititaliamit isummerfigineqassooq. Aalajangersakkat tunngavingalugit kommuni eqqaaveqarnermut pilersaaruteqartussaavoq. Pilersaarut inatsisit tunngavingalugit suliarineqartussaavoq. Eqqagassalerinermut pilersaarummi periusissatut siunnerfiit arlallit taakkartorneqarput qanoq iliuseqarnissamat tikkuussisunik, tassa anguniakkat naapertorlugit eqqakkat qanoq iliuseqarfineqartarnissaat siunnerfiligaallutik. Suliaq kommunalbestyrelsimut suliaassanngorlungu ingerlateqqinneqarpoq.

Suliap saqqummiunnera:

Kommuni 25-nik inoqarfeqarpoq, illoqarfiit sisamat nunaqarfiillu 21-it katillugit 10.906 missaannik inoqartunik. Kommunimi ukiumut eqqakkat katillugit 9.288 tonsinik isumagineqartarput. Ajornartorsiutaasut annersaraat eqqaavissuarni eqqakkat qaleriaalerallutuinnaarnerat, eqqakkanut ingerlatitseqqiinnissaq amigaataasooq pissutigalugu. Nuna tamakkerlugu eqqakkanut pilersaarut Namminersorlutik Oqartussat suliaat piumasaqaateqarpoq kalaallit nunaanni eqqakkanut ikuallaavii tamarmik EU-p mingummik aniatitsinermut minnerpaaffissaanik piumasaqaataat 1.1.2024 aallarnerfingalugu atuutisilissasoq. Tamanna isumaqarpoq kommunip ikuallaavii arfineq-marluk massakut ingerlasut pilersaarut malillugu 1.1.2024 atorunnaassasut. Ukiopassuannngortuni illuniit eqqakkat silaannarmi ikuallanneqartarput. Februarimi 2023-mi kommunip silaannarmi ikuallaasinnaanermut immikkut ittumik akuersissummut qinnuteqaataa Namminersorlutik oqartussat itigartippaat. Kommunip eqqagassat pillugit atuuttumik siunissamat ungasinnerusumut isigaluni pilersaaruteqannginnera itigartitsinermut peqqutaavoq. Ingerlatsivik taamaalilluni nutaamik pilersaarusiortuluni aallartissimavoq. Eqqagassalerinermut pingaarnertut isigalugu iluarsissutissatut siunnersuuteqarpoq, ukiuni tulluuttuni piviusunngortinneqarsinnaasunik.

Kommuni taamaammatt eqqagassalerineq pillugu pilersaarusiortussaavoq, pilersaarummilu eqqagassalerinermi ineriartortitsineq ukiut 12-it anngullugit imarisussaallugu. Pilersaarutip nuna tamakkerlugu eqqakkanut pilersaarut tapersertussaavaa. Nuna tamakkerlugu pilersaarutip siunertaraa eqqakkat tamarmik akisussaassusilimmik isumagineqassasut, tassa imaappoq sapinngisamik affaldshierarki malillugu eqqakkat isumagineqassasut. Inoqarfiit minnerusut poortuisinnaanissaminnut periarfissaqassapput, taamaalillugit eqqakkat angallanneqarsinnaapput illoqarfinnut akisussaassusilimmik eqqagassalerinermut periarfissalinnut.

Pilersaarut inoqarfinni tamani ukkatarisassiaqassaaq aningaasaliinissamullu pilersaaruteqassalluni. Ingerlatsiviup taamaalilluni 2027 tikillugu aningaasaliinissamat pilersaarusiorsimavoq eqqagassanut pilersaarummi ilaasumik. Inoqarfinni tamani eqqagassanik ajornartorsiutaasartut atortorissaarutitigut aqqiivigineqarnissaat qulakkeerniarlugu aningaasaliinissamat pilersaarussiaavoq.

Iluarsissutissamik siunnersuut – suliamik nalilersuineq

Ingerlatsivik eqqagassalerineq pillugu pilersaarummik siunnersuummik suliaqarpoq, kommunip pilersaarutit periusissiaa 2020-meersoq tunngavingalugu. Siornatigut avannaata kommuniata eqqagassalerinermut pilersaarutaa nutarterniarlugu pilersaarusiortoqarpoq. Aammattaaq aasaanerani 2023-mi ikuallaaniarnissamat immikkut ikuallaasinnaanermut qinnuteqaammut eqqakkanut pilersaarut ilanngutissaaq.

Pilersaarut ukunanga suliniuteqarpoq:

- Avannaata kommuniani inoqarfinniit tamaniit immikkoortukkuutaartumik eqqakkanik umiarsuakkoortitsineq
- Nunaqarfinnut amerlanernut assaateeqqanik gummiged-iaqqanillu ukiuni arlalinni pisineq
- Illoqarfinni nunaqarfinnilu amerlanerni sulisunut illuaraq aamma eqqakkanik tigooraasarfinnik pilersitsineq
- Siunissaq ungasinnerusq eqqarsaatigalugu ikuallaaveeqqanik atorsinnaasunik misissuineq

Pilersaarut taamaalilluni isumaqarpoq eqqagassanik assartuineq inoqarfinniit tamaniit ingerlannersinnaalissasoq 2027-miit. Aqcutinut maskinanullu ukiuni arlalinni pisiortorneq. Tamanna kommunimut aningaasartuutaassooq, kisianni kommunip atortuutai piffinni amerlasuuni ajoreermata aningaasaliinissat qanorluunnit pisariaqartinneqarpoq. Eqqakkanut tigooraavinnik sulisunullu illuaqqanik suliaqarneq aallartereerikuuvoq, ingerlaannassallunilu pilersaarummi anguniakkat anguniarlugit. Kommuni massakkumut inoqarfinnut ikuallaaveeqqanik misissuinikuuvoq. Teknologi taanna sulii ima inerisilluartigineqanngilaq akuerineqarsinnaalluni piumasaqaatinut naapertuulluni. Tamanna isumaqarpoq ineriartortinneqarneranut ingerlatsivik malinnaassooq, periarfissaalersinnaasut malinnaaffingalugit.

Ingerlariaqqinnissaq

Ataatsimiititaliap pilersaarutip imarisaanut isumaqataalluni akuersiguni, suliaq aningaasaqarnermut ataatsimiititaliamut kommunalbestyrelsemullu ingerlateqqinneqassaaq. Kommunalbestyrelsip suliaq akuerissappagu Nunalerinermut, Imminut Pilersornermut, Nukissiutinut Avatangiisinullu Naalakkersuisoqarfimmi ingerlatinneqassaaq suliarineqarluni.

Aningaasatigut kingunerisinnaasai:

Eqqagassaqarnermut pilersaarut inaarutaasumik akuerineqarpat, siunissaq eqqarsaatigalugu eqqaavilerinermut pilersaarut kommunalbestyrelsimit pisussaaffigalugu malittariaqassaaq, tamatumalu kingunerissavaa, kommunimi avatangiisinut tunngatillugu pitsanngorsaanissaannut kommuni ukiut tamaasa aningaasaliisariaqartassalluni, tamatumalu kingunerissavaa taama suliniuteqarnermi kommunimi avatangiisit pitsanngorsaavigineqarnissaat. Suliniutit ilai 2023-meersut aningaasalerneqareerput, Upernavimmi eqqaavissuup imaarneqarnissaa minillugu, taannalu massakut politikikkut suliarineqarpoq. Taakku saniatigut suliniutit arlallit aamma miljøfonde-minngaaniit taparserneqarlutik aningaasalerneqarnikuupput, kommunimullu ukiuni aggersuni iluaqutaassallutik.

Kingunerisinnaasat:

Pilersaarummi nassuiarneqartoq malillugu, inoqarfiit ilai ataavartumik iluarsiisoqarnissaata tungaanut silaannarmi ikuallaasinnaanissaannut immikkut akuersissummik kommunip qinnuteqarsinnaaneranik Pilersaarut periarfissiiuvoq. Taassuma saniatigut pilersaarut eqqagassaqarnerup iluani susoqassanersoq ataatsimoorussamik tikkuussivoq, taannalu pingaaruteqarpoq siunissami aningaasaliinissamut, kommunillu ataatsimut ataqatigiissumik suliaqarnissaanut. Pilersaarut atuutisooq akuerineqarnermiit kommunalbestyrelsip iluarsartuuteqqinnissaanut aalajangernerata tungaanut.

Inatsisitigut tunngavigisat:

- Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersaq
- Eqqakkat pillugit Namminersorlutik Oqartussat nalunaarutaat nr. 3, 7. januar 2021-meersaq
- Planstrategi 2020

Suliamik isumaginnineq:

Teknikkikkut Ataatsimiititaliaq
Aningaasaqarnermut Ataatsimiititaliaq
Kommunalbestyrelsi

Teknikkimi Ataatsimiititaliami aaliangerneq:

*Ingerlatsiviup ataatsimiititaliamut inassutingaa:
Ataatsimiititaliap eqqaaveqarnermut pilersaarut akuersissutigissagaa*

Aaliangiineq:
Akuerineqarpoq.

Aningaasaqarnermi Ataatsimiititaliami aaliangerneq:

*Teknikkimi Ataatsimiititaliap Aningaasaqarnermut Ataatsimiititaliamut inassutingaa
Teknikkimi Ataatsimiititaliap inassutaa ilalernerqassasoq*

Aaliangerneq:
Inassuteqaat akuerineqarpoq.

Inassuteqaat:

Aningaasaqarnermut Ataatsimiititaliap kommunalbestyrelsimut inassutingaa


Aningaasaqarnermut Ataatsimiititaliap aaliangenera ilalernerqassasoq

Ilannussat:

Bilag 016-01: Eqqaaveqarnermut pilersaarummut siunnersuut
Bilag 016-02: Politikikkut oqaluuserisassatut siunnersuut, Niels Davidsen

Aaliangiineq:

Inassuteqaat akuerineqarpoq.

Sag nr.	Sammissaq	Bilag. nr.	017
OKØ 062	Eqqakkanik ikuallanneqarsinnaasunik umiarsuarmik nassiussisarnissaq pillugu kiffartuussinissamik isumaqatigiissusiornerup aningaasatigut ersarissarneqarnera	Journal nr.	

Uteqqiineq:

Avannaata Kommuni inoqarfinni tamani eqqakkat ikuallanneqarsinnaasut umiarsuarmik aallarussorneqartalermissaannut periarfissat kommunimi misissorneqarput. kommunalbestyrelsi isummequneqarpoq, eqqakkanik ikuallanneqarsinnaasunik umiarsuarmik aallarussuisarnissamik periarfissat nangittumik misissorneqassanersut. Inassuteqaammi matumani saqqummiunneqassapput nunnigussissutinik nammineq pigisaqarneq kiffartuussinissamillu isumaqatigiissummik tapertaqartillugu aningaasartuutissat qanoq isikkoqarnerut. Tamatuma saniatigut kommunalbestyrelsi aamma qinnuigineqarpoq makku isummerfigeqqullugit:

- 1) Umiarsuarmik nassiussisarnerup saniatigut periarfissat allat suunerinik misissuineq.
- 2) Nunaqarfinni eqqakkanik inuussutissarsiornermik ingerlatallit suleqatigalugit illoqarfiliaanneqartarnissaat kiffartuussinissamik isumaqatigiissuteqarfigineqarsimasunut.
- 3) Eqqakkanik umiarsuamik nassiussisarneq inuussutissarsiortunik tamakkiisumik suleqateqarnikkut, kiffartuussinissamik isumaqatigiissutitaqanngitsumik.

Suliamik saqqummiineq:

Eqqakkanik ikuallanneqarsinnaasunik umiarsuarmik aallarussisarnissaq pillugu periarfissanik kommuni misissuivoq. Eqqakkanik ikuallanneqarsinnaasunik tiguisassaaq kiffartuussinissamik isumaqatigiissuteqarfigineqarsimasooq. Nammineq pigisanik nunnigussissuteqarnerup aningaasatigut naatsorsorneqarsimanera tunngaveqarpoq eqqakkat suungaluartulluunniit assartorneqarnissaat. Eqqakkat nunaqarfinnit mikinerusunit tamanit aallarunneqartassapput, inoqarfinnut angineranut tallimanut nunnigussissutit atorlugit. Inoqarfinnit anginerusunit taakkunannga tallimaasunit eqqakkat North Viking-imik kiffartuussinissamik isumaqatigiissuteqarneq tunngavigalugu aallarunneqartassapput.

Ilanngussami 1-mi aamma 2-mi takuneqarsinnaavoq kiffartuussinissamut isumaqatigiissutissamut siunnersuut kommunip tiguisamasaa. Taakku tunngavigalugit ilanngussami 3-mi takuneqarsinnaasutut naatsorsorneqarsimavoq ukiup ataatsip ingerlanerani Avannaata Kommunia tamakkerlugu eqqakkanik umiarsuarmik aallertarneq 4,25-eriarluni pisariaqartoq. Tamanna ukiumut kr. 6.875.000-nik akeqassaaq.

Tamatuma saniatigut nunnigussissutit sisamat pisiarineqartariaqassapput, inoqarfinnit mikinerusunit inoqarfinnut anginerusunut tallimanut eqqakkanik assartuutigineqartussanik. Nunnigussissutissat pisiarinerinut, ingerlatsinermut kiffartuussinissamillu isumaqatigiissuteqarnermut katillugit kr. 8 mio.-it atorneqassapput, kiisalu ukiumut ingerlatsinermut kr. 10,34 mio.-it missaat aningaasartuutigineqartassallutik. Tamanna ilanngussaq 4-mi takuneqarsinnaavoq. Erseqqissaatigineqassaaq nunami aningaasartuutit, soorlu illoqarfiup iluani assartuinerit, maskinat il.il. missingersuummi ilaatinneqanngimmata.

Teknikkeqarnermut ingerlatsivimmi sulii misissorneqarpoq pilersaarummut matumunnga taarsiullugit periarfissat allat marluk.

Iluarsiiissutissatut siunnersuut – suliamik nalilersuineq

Pilersaarutit pingasuusut ingerlatsivimmi suliareqqinneqassapput ataatsimiititaliamut kingusinnerusukkut saqqummiussinissaq siunertaralugu.

Siunnersuut 1: Nunnigussissutit nammineq pigisat saniatigullu kiffartuussinissamik isumaqatigiissuteqarluni:

Nunnigussissutit palammit sisamat, ataaseq kr. 2 mio.-nik akilik, kommunimit pisiarineqassapput. Taakku atorineqassapput eqqakkanik assartuinnermut inoqarfinnit mikinerusuniit inoqarfinnut anginerusunut tallimanut. Tamatuma kingorna Kiffartuussinissamat isumaqatigiissuteqarfigineqartumit aaneqassapput. Eqqakkat allat RAL atorlugu nassiunneqartassapput, imaluunniit kiffartuussinissamik isumaqatigiissuteqarfigineqartup saniatigut isumaqatigiissuteqarfigineqarneratigut. Nunnigussissutit tamarmik marlunnik inuttaqassapput, ukiumut kr. 300.000 sulisumut ataatsimut.

Siunnersuut 2: Inussutissarsiortoq saniatigullu kiffartuussinissamik isumaqatigiissuteqarluni:

Siunnersuummi matumani Avannaata Kommunia nunnigussissutisissaanngilaq. Inuussutissarsiortermilli ingertalinnit soqutiginnittoqarsimavoq. Ingerlatsivimmiit taamatut inuussutissarsiortunik suleqatissaqqissunik aperisaqassaaq neqerooruteqarsinnaaneranguniarlugu. Tamatuminnga pissuteqartumik siunnersuut manna suli aningaasatigut qanoq naleqarsinnaanersoq qulaajarneqanngilaq.

Taamatut isumaqatigiissuteqarluni eqqakkat nunaqarfinniit inoqarfinnut inuttunernut tallimanut assartorneqartassapput. Taakkunangaaniit aallarussuineq siunnersuut 1 naapertorlugu akeqassaaq.

Siunnersuut 3: Namminersortut suleqatigalugit eqqakkanik imaatigut aallarussuineq:

Siunnersuummi matumani Avannaata Kommunia nunnigussissutinik pisissanngilaq kiffartuussinissamilluunniit isumaqatigiissuteqarani. Inuussutissarsiortulli suleqatiginerisigut eqqakkanik aallarussuisarneq ingerlanneqassalluni. Soqutiginnissinnaasut Ingerlatsivimmiit attaveqarfigineqassapput, missingersuutinillu nassiusseqqullugit. Tamatuminnga pissuteqartumik siunnersuut manna suli aningaasatigut qanoq naleqarsinnaanersoq qulaajarneqanngilaq.

Ingerlariaqqinnissaq

Misissuinerit ingerlatsiveqarfimmi nangittumik suliarineqarnissaannik akuersissuteqarnikkut tungavissinneqassaaq pilersaarutit missingersuusiusallugit, aningaasartuutit ersarissisissallugit allat aaqqiinnermut sanilliullugit.

Aningaasatigut kingunerisinnaasai:

Pilersarusiorluni misissuinerup akuerineqarnera toqqaannartumik aningaasatigut kinguneqassanngilaq. 2023-mi namminersorlutik oqartussat ESANI aquttingalugu eqqagassanik umiarsuarmik assartuinnissamat aningaasaliissuteqarsimapput. Tamanna Avannaata kommunianut aamma atuutsinneqarpoq, taamaalilluni Avannaata kommuniani 2023-mi assartuinnermut aningaasartuutit annikinnerupput 2024-mut siunissamullu naleqqiullugu.

Kingunerisinnaasai:

Inassuteqaat ataatsimiitaliap akuerissappagu teknikkimut ingerlatsiviup siunnersuutit pingasut aningaasatigut kingunerisinnaasaanik misissuineq ingerlatiinnassavaa.

Inatsisitigut toqqammavigisat:

- Eqqakkat pillugit Namminersorlutik Oqartussat nalunaarutaat nr. 3, 7. januar 2021-imeersoq
- Eqqagassalerineq pillugu pilersaarut 2020-2031
- Avatangiisit innarlitsaaliorneqarnissaannik Inatsisartut peqqussutaata allanngortinneqarneranik Inatsisartut peqqussutaat nr. 8, 15. november 2007-imeersoq

Suliamik suliarinnineq:

Teknikkimut Ataatsimiititaliaq
Aningaasaqarnermut Ataatsimiititaliaq
Kommunalbestyrelsi

Teknikkimi Ataatsimiititaliami aaliangerneq:

*Ingerlatsiveqarfimmiit Teknikkimut ataatsimiititaliamut inassutigineqarpoq:
Ataatsimiititaliap akuerissagaa eqqakkanik ikuallanneqarsinnaasunik umiarsuarmik nassiussisarneq pillugu
pilersaarummik suliaqarnerup nanginneqarnissaa*

Aaliangiineq:
Akuerineqarpoq.

Aningaasaqarnermi Ataatsimiititaliami aaliangerneq:

*Teknikkimi Ataatsimiititaliap Aningaasaqarnermut Ataatsimiititaliamut inassutingaa
Teknikkimi Ataatsimiititaliap inassutaa ilalerneqassasoq*

Aaliangerneq:
Inassuteqaat akuerineqarpoq, kisianni aningaasartassaata inissinnissaanut missingersuutit iluanni
tingusisoqarnissaa ataatsimiititaliap piumasaraa kommunalbestyrelsillu septemberimi ataatsimiinnissaanut
pilersaarut saqqummiunneqassooq.

Inassuteqaat:

Aningaasaqarnermut Ataatsimiititaliap kommunalbestyrelsimut inassutingaa


Aningaasaqarnermut Ataatsimiititaliap aaliangernera ilalerneqassasoq

Ilanngussat:

Bilag 017-01: Avannaata Kommuniata ESANI A/S-illu akornanni suleqatiginnissamik
isumaqatigiissut
Bilag 017-02: Isumaqatigiissut pillugu itinerusumik nassuiaat
Bilag 017-03: North Viking-ip attartornera, Kiffartuussinissamik isumaqatigiissut
Bilag 017-04: Nunnigussissummik pisineq

Aaliangiineq:

Inassuteqaat akuerineqarpoq.

Suliaq nr.	Sammissaq	Bilag nr.	018
KOM 063	Igalaaminernik, saviminernik ulorianartunillu igitassanik innuttaasut immikkoortiterisarnissaat	Journal nr.	

Uteqqiineq:

Kommunimi eqqagassalerinermut pilersarut, kommunimi ileqqoreqqusat, kiisalu pilersaarummut periusissiaq 2020 naapertorlugit Ingerlatsiviup nalilersimavaa igalaaminernik, saviminernik ulorianartunillu igitassanik innuttaasut immikkoortiterisalnissaat avatangiisinut kommunimullu pitsaaqutitaqarlunilu pisariaqartuusoq. Misiligutigalugu suliniutip, Ilulissani igalaaminernik saviminernillu igitassanik immikkoortiterisarnermik imaqartup Ilulissanilu misiligutigalugu ingerlanneqarsimasup, inoqarfinni anginerusuni tallimani ataavartumik aqqiinerut ingerlanneqalernissaa pillugu kommunalbestyrelsi isummeqquneqarpoq.

Suliamik saqqummiineq:

Avatangiisit pillugit qajassuussinerunissamik Kalaallit Nunaannilu piujuaannartitsineq tunngavigalugu siunissami aningaasarsiornermik pitsaanerusemik pilersitsinissamik politikikkut kissaateqartoqarneranut tulluurtuuvuq, igalaaminernik, saviminernik ulorianartunillu igitassanik allani Avannaata Kommuniani innuttaasut immikkoortiterisarnissaat.

Igalaamineq 100 %-mik atoqqinneqarsinnaavoq, eqqortumillu suliarineqaruni pitsaassutsimik annaasaqarfiunngitsumik nutaatut atoqqinneqarsinnaalluni. Tamannaluunniit pinngikkaluarlugu igalaamineq allarpassuarnut atoqqinneqarsinnaavoq, assersuutigalugu allanut akugitillugu.

Ingalaamerngit savimerngillu Ilulissani innuttaasunit immikkoortiterneqartartut maannakkorpiaq atoqqinneqartanngillat. Taamaakkaluartoq immikkoortiterisarnernup ingerlatiinnarnera immikkoortitanik atoqperiaannangortitsivoq arlaannulluunniit iluaqutitut atoqperiaannangortitsivoq. Saniatigut aamma taakku ikuallaavimmut pisannginnerat eqqakkat ikumasinnaassusaat pittaanerulersillugu.

Eqqakkanik ulorianartunik saviminernillu ikuallaanermi ulorianartut Dioxinit aamma PCB pinngortarput.

Tamakku inunnut ulorianarput, tamakkuninngalu aniatitsisarneq EU-mi killissarititaasut qulaaterujussuarlugit annertussuseqarpoq. Tamakku inuup peqqissusianut ataavartumik ajoqusiinnaapput, taamaammallu aamma Namminersorlutik Oqartussat eqqagassalerineq pillugu 2020-2031 periusissiaani pingaarnersiukkat ilaattut allassimasoqarpoq, dioxinik ulorianartunik aniatitsisarnerup appartinneqarnissaa. Tamanna anguneqarsinnaavoq saviminernik eqqakkanillu ulorianartunik immikkoortiterisarnikkut, innuttaasut peqqissusianik qaffatsitsisumik immikkoortiterisarnermillu innuttaasut qaammaasaqalernerannik.

Kommunimi inoqarfinni inuttuneri tallimani innuttaasut igalaaminernik, saviminernik eqqakkanillu ulorianartunik immikkoortiterisalerneqisigut kommuni tamakkerlugu eqqakkat 85 %-ii immikkoortiterneqartalissapput, tamatumanilu Periusissiatut pilersaarummi 2020-mi anguniagaq atoqqiisarneq pillugu siunniunneqarsimasoq una anguneqassagaluarluni: *“Illoqarfinni tamani immikkoortiterinermik aqqissuussivik ineriartortinniarparput, taamaalilluni eqqagassaatsinni annertunerusoq iluaqutigineqarlunilu atoqqinneqassamat. Plastikki, igalaamineq, sisak/savimineq, aamma pappi/pappiala immikkoortitalissavagut, aammalu eqqagassat navianartut immikkoortinnerunissaat sammissallutigit.”*

Immikkoortiterinermi pitsaaqutissat:

1. Igalaaminermik atoqqiinerup siunissami nutaamik igalaaminiliornissamik pisariaqartitsinerup 95,0%-ia angullugu matusinnaavaa.
2. Igalaamineq qaqugorsuarmut ittujaqqaneqarsinnaavoq avatangiisinut kingunerluutaanngitsumik.
3. Savimineq immikkoortiterneqarsimasoq najukkami atoqqinneqarsinnaavoq, imaluunniit Danmarkimut nassiunneqarsinnaavoq atortukuerniarfinnut atoqqitassanngortitseqqiinissaq siunertarlugu.

4. Ikuallaasarnernit igalaamerngup savimerngullu peerneqarneratigut sukulunnik sinneqarnek annertuumik annikillisissavaa. Eqqiaasarneq annikillisinneqassalluni, suliaasat aningaasartuutillu annikillinerannik malitseqartumik.

5. Savimerngup igalaamerngullu ilanngaatigineqarneratigut ikuallaavinni ikuallaasarnep taamalu kissamik pilersitsineq pitsaanerulersissavaa.

6. Siunissaq eqqarsaatigalugu aningaasat kaaviiarnerat annertunerusoq pilersinneqarsinnaavoq atortussianik avataaniit tikerartitsineq annikillisillugu, nukissarlu najukkani annertunerusoq pissarsiaralugu.

Iluarsiissutissat siunnersuut – suliamik nalilersuineq

Igalaamernit, savimernit aamma igitassat ulorianartut inoqutigiinnit suliffeqarfinniillu immikkoortiterneqartalernissaannik aalajangiinissaq naapertuutissaaq Avatangiisit innarlitsaaliorneqarnissaanik pillugu Inatsisartut inatsisaat pillugu Namminersorlutik Oqartussat nalunaarutaat nr. 4, 17. februar 2022-mersumut.

Ingerlariaqqinnissaq

Siunnersuut ataatsimiititaliamit akuerineqassappat immikkoortiterisarneq inoqarfinnut tallimanut siaruassavarput immikkoortiterinermilu atugassatut containeri igitassanut ulorianartunut atortussiat pisiareriikkagut inississorlugit. Inoqarfinnissaq mikinerusuni immikkoortiterisarnissamut periarfissat suliarineqassappat.

Aningaasatigut kingunerisinnaasai:

Kommuni aningaasartuuteqalaassaaq, igalaaminernut saviminernullu immikkoortiterinermi atorneqartussanik containerinik pisinermut containerillu igitanut ulorianartunut atortussat pisiarineqareersimasut nassiunnerinut. Tamatuma saniatigut ingerlatsinermi suliaasat annikinnerusut ingerlatsinermilu aningaasartuutit annikinnerusut malinnaassappat.

Kingunerisinnaasai:

Ataatsimiititaliap inassuteqaat akuerissappagu, immikkoortiterinissamut puunik (holder) ilisissooq nalunga qarfinni anginerni sisamani. Annikitsumik eqqagassalerisunut ingerlatsinermi suliaqutaassooq aamma avatangiisit eqqarsaatigalugit iluanaaruteqarnerulersitsissalluni.

Inatsisitigut toqqammavigineqartut:

- Avatangiisit innarlitsaaliorneqarnissaanik pillugu Inatsisartut inatsisaat pillugu Namminersorlutik Oqartussat nalunaarutaat nr. 4, 17. februar 2022-mersooq
- Eqqakkat pillugit Namminersorlutik Oqartussat nalunaarutaat nr. 3, 7. januar 2021-imeersoq
- Pilersaarutitut periusissiaq 2020
- Inoqutigiinnut eqqakkanut malittarisassat, Avannaata Kommunia 2019

Suliamik suliarinnineq:

Teknikkimut Ataatsimiititaliaq
Aningaasaqarnermut Ataatsimiititaliaq
Kommunalbestyrelsi

Teknikkimi Ataatsimiititaliami aaliangerneq:

*Ingerlatsiveqarfimmiit ataatsimiititaliamut inassutigineqarpoq:
Igalaamernit, savimernit ulorianartullu allat igitassat immikkoortiterneqartalernissaannut siunnersuut
ataatsimiititaliamit akuerineqassasoq. Siunissarlu eqqarsaatigalugu inoqarfinni mikinerusuni eqqakkanik
immikkoortiterisoqartalernissaanik pilersaarusiortoqassasoq*

Aaliangiineq:
Akuerineqarpoq.

Aningaasaqarnermi Ataatsimiititaliami aaliangerneq:

*Teknikkimi Ataatsimiititaliap Aningaasaqarnermut Ataatsimiititaliamut inassutingaa
Teknikkimi Ataatsimiititaliap inassutaa ilalerneqassasoq*

Aaliangerneq:
Inassuteqaat akuerineqarpoq.

Inassuteqaat:

Aningaasaqarnermut Ataatsimiititaliap kommunalbestyrelsimut inassutingaa

Aningaasaqarnermut Ataatsimiititaliap aaliangernera ilalerneqassasoq

Ilanngussaq:

Soqanngilaq.

Aaliangiineq:

Inassuteqaat akuerineqarpoq.

Sag nr.	Pineqartog	Bilag. nr.	019
KOM 064	Ilulissani aqquserngit taagutaannut nutaanut isumassarsianik unammisitsinermik nalilersuineq	Journal nr.	18. 01.02 ▲

Uteqqiineq:

Ilulissani imm. ilaani 1200-A21-mi aamma 1200-A31-mi aqqusernit takkuttussat marluk taaguuserneqassapput. Siunnersuutit takkuttut akornanni aqqusernut ataasiakkaanut tamanut taaguutissamik ataatsimik kommunalbestyrelsi toqqaqquneqarpoq. (Ataatsimiinnermi 06-23-mi oqaluuserisami 23-026-mi isumassarsianik unammisitsineq akuerineqarsimavoq).

Suliap saqqummiunnera:

Hotel Arcticip akiani inissiaqarfik (1200-A31) qanittukkut najugaqarfiulissammat sumiiffimmi aqqusineq taaguuserneqassaaq. Tamatuma saniatigut Sisorarfiup qanitaani sumiiffimmut (1200-A21) pilersaaruteqarpoq akuerisamik, taannalu siunissami sanaartorfigissarneqassaaq, taamatullu aqquserngup takkuttussap taaguuserneqarnissaa aamma pisariaqartinneqalissaaq. Taakkununga atatillugu aqqusernut takkuttussanut taakkununga marlunnut taaguusersuutissat pillugit unammisitsisoqarsimavoq. Taamaalillutik kommunimi innuttaasut siunnersuutiminnik nassiusaqarnissamut periarfissaqarsimapput, ilaatillugit siunnersuutigisanut tunngavilersuutit.

Iluarsiisummik siunnersuut– suliamik naliliineq

Hotel Arcticip akiani (1200-A31-mi) aqqusineq 1-imut siunnersuutit 20-t takkussimapput. Aqqusineq 1-imut siunnersuutit ilanngussaq 013-02-mi takuneqarsinnaapput. Sisorarfiup (1200-A21-p) qanitaani aqqusineq 2-p sumiiffianut siunnersuutit 16-it takkussimapput. Aqqusineq 2-mut siunnersuutit ilanngussaq 013-03-mi takuneqarsinnaapput.

Ingerlariaqqinnissaq

Tamatuma kingornatigut ingerlatsivimmum makku suliassanngorput:

- Aqquserngit taaguutaasa killeqarfii tamaaneereersut allanngortinneqassapput imaluunniit pinngortinneqassapput.
- Aqqusernit inunnut taaguusiunneqarpata ilaqaataasinnaasut tamatuminnunga akuersissapput.
- Allattaaseq Oqaasileriffimmit ”akuerineqassaaq” (Oqaasiliortut aqit akuerineq ajorpaat; allattaasermulli tunngatillugu siunnersuisarput).
- Akulerusimasunut tamanut taaguutip allanngortinnera pillugu ilisimatitsisoqassaaq: Asiaq (tunngavigisatut nunap assinganut ilanngussassat), Ingerlatsinermut Immikkoortoqarfik (aqquserngit taaguutaannut allagartanik nutaanik suliqaartussaq), Sullissivik (inunnik nalunaarsuisarfimmi aqqusernut kodemik nutaanik ilaqartitsilluni sumiiffiusumi inunnik nalunaarsuiffik nutarterneqassalluni), najugarisami politiit, Teleposti, Nukissiorfiit, upalungaarsimaffik, aamma tamaani napparsimmavik (ikiuiartornerni ilisimasassanut tunngatillugu).
- Sumiiffinni sunniivigineqartuni nunaminertanik atugassiisarnerit aqquserngit taagutaannik nutaanik taakkuninnga nutarsavigineqassapput.
- Isumassarsianik unammisitsinerup inernerisaa kommunalbestyrelsimut saqqummiunneqassaaq.

Aningaasaqarnermi kingunerisinnaasat:

Aqquerngit taaguutaasa allagartaannik pisiortornerni annikinnerusunik aningaasaqarnermi kingunerisassaqaq.

Inatsisitigut tunngavigisat:

- Nunat aqqinik aalajangiisartut pillugit Inatsisartut inatsisaat nr. 4, 1. juni 2017-imeersoq
- Oqaasiliortut pillugit Inatsisartut inatsisaat nr. 5, 1. juni 2017-imeersoq

Suliamik isumaginnineq:

Teknikkimut Ataatsimiititaliaq
Aningaasaqarnermut Ataatsimiititaliaq
Kommunalbestyrelse

Teknikkimi Ataatsimiititaliami aaliangerneq:

*Teknikkimut Ataatsimiititaliamut Aqutsisoqarfiup inassutigaa
Aqqusinernut taaguutissanik toqqaassasoq*

Aaliangiineq:

Aqqusineq A31-mi: Alfred Steenholdt Aqqutaa innersuunneqarpoq.
Aqqusineq A21-mi: Holger Sivertsen Aqqutaa innersuunneqarpoq.
Uummannami aqquserngit atii iluarsartuunnissaata misissorneqarnissaa Sakio mit kissaatigineqarpoq.

Aningaasaqarnermi Ataatsimiititaliami aaliangerneq:

*Teknikkimi Ataatsimiititaliap Aningaasaqarnermut Ataatsimiititaliamut inassutingaa
Teknikkimi Ataatsimiititaliap inassutaa ilalernerqassasoq*

Aaliangerneq:

Inassuteqaat akuerineqarpoq.

Inassuteqaat:

Aningaasaqarnermut Ataatsimiititaliap kommunalbestyrelsimut inassutingaa


Aningaasaqarnermut Ataatsimiititaliap aaliangenera ilalernerqassasoq

Ilannussat:

Bilag 019-01: Imm. ilaannut 1200-A21-mut aamma 1200-A31-mut nunap assingi
Bilag 019-02: Imm. ilaa 1200-A31-mi (aqqusineq 1 nutaaq) aqquserngup taaguutissaanut nutaamut
siunnersuut
Bilag 019-03: Imm. ilaa 1200-A21-mi (aqqusineq 2 nutaaq) aqquserngup taaguutissaanut nutaamut
siunnersuut

Aaliangiineq:

Inassuteqaat akuerineqarpoq.

Sag nr.	Sammisag	Bilag. nr.	020
KOM 065	Umiarsuarni takornarianik angallassisuni ilaasut akileraarutaannik atuutilersitseqqinnissamik tusarniut	Journal nr.	

Uteqqiineq:

2015-mi umiarsuartigut takornarissanut akileraarut Inatsisartut atuukkunnaarsippaat. Maanna Naalakkersuisut tusarniaapput akileraarutit atuutilerseqqinneqarsinnaanerit pillugu. Inuussutissarsiornermut Ataatsimiititaliap marloriarluni paasisassarsiorluni Reykjavik-imut angalasarnermini, 2018-mi aamma 2022-mi, umiarsuarnut ilaallutik takornarissanut akileraarutit atuutsinneqartut paasisaqarfigisarpaa. Island-imi akileraarutininik atuutsitsinermit akileraarutit illoqarfimmut taliffigisap umiarsualivianut akiliutigineqartarput, piffimmilu nammineq ineriartortitsinermit toqqaannartumik atorneqartarlutik. Island-imi umiarsuarnut ilaallutik takornarissanut akileraarutit saniatigut hotel-ini unnuisut tamarmik akileraarummik akiliisinneqartarputtaaq pinngortitamut aserfallattaaliuinermit nakkartinneqartartunik. Taamaalilluni nunap aningaasaqarneranut oqilisaataasumik pinngortitaq avatangiisillu eriagineqarnissaat siunertaralungu aningaasaliissutit avataanit tikittunit aningaasalersueqataaffigineqartarlutik. Naalakkersuisut siunertaraat inatsisissatut tusarniut 1. januar 2025-mi atuutilissaasooq. Uani suliami kommunalbestyrelsip Inuussutissarsiornermut Ataatsimiititaliap oqallissimanera nangillungu ingerlaqqisooq aalianginneqarsimasorlu isummerfingalungu.

Suliap saqqummiunnera:

Inatsisissatut tusarniummi akileraarutit immikkuualuttunut pingasunut aggorneqarsimapput:

1. Umiarsuit oqimaassusaa malillugu akileraarutit (BT)
 - Umiarsuit takornariartaatit ullup unnuallu aallartinneranut kr. 1,1/BT
 - Ilaasartaatit ullup unnuallu aallartinneranut kr. 0,7/BT
 - Aalisariutit Danmarkimi, Savalimmiuni nunaniluunniit allani angerlarsimaffeqartutut nalunaarsorneqarnikut ullup unnuallu aallartinneranut kr. 0,7/BT
 - Umiarsuit nassiussanik assartutit umiarsuillu allat sapaatip akunnerata aallartinneranut kr. 0,7/BT
2. Ilaasunut ataasiakkaanut akileraarutit kr. 50/pax
3. Avatangiisinut aserfallattaaliuinernullu akileraarut kr. 20/pax

Eqqummaariffigisariaqartut ataasiakkaat uku ataatsimiititaliamut maluginiaqquneqarput:

- Akileraarutit pineqartuni 1 aamma 2 nunatta karsianut nakkartartussatut siunertaqarput
- Akileraarutit 3 kommunit karsianut nakkartinneqartussatut.
- Akileraarutit 1-mi umiarsuit tingerlaatillit immikkuullaarittumik inissinneqarsimannginneri.

Tingerlaataannarsortut umiarsuit takornariartaatinit oqinnerullutillu mikinerungaluarlutik takornariaqarnerpaaffimmi talittarfinni talinngasarnermikkut initoorujussuupput, umiarsualiveqarfinnilu tatterliuuffiusuni annertuumik ajornartorsiorititsisarlutik, pingaartumik Ilulissani.

- Akileraarutit 3, avatangiisinut aserfallattaaliuinernullu akileraarut, kommunip akilersinniartartussaavaa.

Umiarsuit takornariartaatit Avannaata Kommunianut aasaq manna tikittussat 80-it sinneqaleqqapput, taakkunanga annermik ilulissanut, avannamullu ataasiakkaat qaanaaq tikillugu pilersaaruteqarlutik, bilag takuuk.

Akilerarutit tusarniutigineqartut malillugit atuutsinneqalissangaluarpata ukioq manna umiarsuit takornariartaatit tikittussat amerlassusaannut missingersoraanni ima isikkoqarsinnaavoq:

	BT-afgift	Pax-afgift		Miljø-afgift	
	1/1	1/1	50,0%	1/1	50,0%
Ilulissat	1.362.460	1.435.300	717.650	574.120	287.060
Ilimanaq	138.600	413.000	206.500	165.200	82.600
Uummannaq	254.100	241.650	120.825	96.660	48.330
Upernavik	137.500	140.400	70.200	56.160	28.080
Qaanaaq	82.500	65.450	32.725	26.180	13.090
I alt:	1.975.160	2.295.800	1.147.900	918.320	459.160

Avannaata Kommunianut umiarsuit takornariartaatit tikittussat nalunaarsornerat, tikiffiit annerit aallaavigalugit.

- Oqimaassuseq malillugu (BT-afgift) akilerarut aalajangersimasuusooq.
- Ilaasunut ataasiakkaanut akilerarut ilaasoqassuseq malillugu annertussuseqartassooq, takussutissiarineqarpullu tamakkiisumik ilaasoqarneq aamma ilaasut affaannaat.
- Avatangiisinut aserfallattaaliuinerimullu akilerarut niusut amerlassusaat malillugu annertussuseqartassooq, takussutissiarineqarpullu tamakkiisumik niusoqassangaluarpat aamma niusut ilaasunit 50%-iinnarmiissangaluarpat.

Eqqoriaruminaappoq umiarsuit takornariartaatit akilerarutininik atuutsitsilernerup kingorna nunatsinnut tikikkusussusaannut apparsaataassanersoq, taamaattoq ilisimavarput nunat sanillersuuffigisinnaasangut ilaatigut umiarsuarsuarnut takornariartaatinut akilerarusersueriaasaat tusarniummi siunnersuutigineqartunit qaffasinnerungaatsiartoqarmat, ass. (nunap aqqa).

Kingunerisassai:

Inatsisissatut siunnersuut taamak isikkoqarluni akuerineqassappat Avannaata Kommunia avatangiisinut aserfallattaaliuinerimullu akilerarutit akilertinniarnanuinnaq sulisumik atorfeqartitsisariaqassooq. Umiarsuarsuarnik akiliisitsiniarluni sulineq naatsorsuutigineqassooq piffissangaatsiamik atuiffiusassasoq, pingaartumik aallarnisarnermi, taamaattumik aasaanerani piffissaq tamaat akiliisitsiniarnermik nakkutillineq ingerlanneqartariaqartarsinnaalluni.

Eqqoriarneqarsinnaavoq akilerarutit ukioq atuutsinneqalerfianni umiarsuit takornariartaatit ikilisinnaanerat, tamannali qularnaattumik eqqoriaruminaappoq. Qularnanngittorli tassaavoq, umiarsuarsuit nunatsinnut tikittartut taamak amerlatiginerinut peqqutaqataasoq ataaseq tassaammat, nunatsinnut tikissinnaanerpup akeqanngingajannera, tamannalu piffissaq qanittumi tusagassiutitigut ersersinneqarpoq.

Ingerlariaqqinnissaq:

Tusarniummut akissuteqarnermi oqaaseqarfigalungillu allannguutissatut siunnersuutigineqarsinnaasut uku ingerlatsivimmit maluginiaqquneqarput:

- Akilerarutit 1-ni umiarsuit takornariartaatit angisoorsuit, umiarsuit immikkut annertunerusumik avatangiisinut mingutsitsisut akilerarummik annerusumik piumsaqarfigineqartariaqartut
- Akilerarutit 1-ni umiarsuit tingerlaasersortut immikkut nalunaarsorneqassasut, taakkulu akilerartinneqartassasut umiarsuit takornariartaatit akilerarutaannit qaffasinnerusumik, ass. kr. 5/BT. Akilerarutit qaffasinnerusariaqarnera peqquteqarpoq aasaq tamangajaat umiarsuit ataasiakkaat umiarsualivinni tattorliuuffioreersuni tattoqisaatsitsinermik annertusaaqataasarmata
- Umiarsuit tingerlaataannarsortut asimi kisaqqasarneri akilerarutit naatsorsornerani ilanngullugit

akileraarusersorneqartariaqarnerat

- Akileraarutit 2, nunatta karsianut nakkartinneqartartussap taamak isikkoqartillugu akuersaarneqannginnissaa, kommuninut nakkartinneqartarnissaanik piunasaqaateqarluni
- Akileraarutit 3, akiliisitsiniarnermi sulisoqarnikkut imminut akilersinnaanngimmat bloktilskud aqputigalungu ukiup affaanut sulisumut nunatta karsia tapiissuteqartassasoq, taggillugu kr. 217.000,-

Umiarsualivimmiinnermi akileraartarnissap saniatigut immikkut maluginiarneqartariaqartut ataasiakkaat makkuupput:

- Akileraarusersuinnermi tusarniummut ilaatinneqanngillat takornarissat pinngortitamik atuilluartartut, sumut tikiffimmini unnuisarfinni najungaqartartut. Taakkuttaaq aamma akileraaruteqartinneqartariaqarneri pingaarpoq, takukkit unnuisarfinni unnuisartut nallunaarsorneqarnerannit tingulaangaq:

				2022
I alt	I alt	Avannaata Kommunianut og Kommune Qeqertalik	Antal gæster	45.118
		Ilulissat (*)	Antal gæster	35.454
Grønland	Grønland	Avannaata Kommunianut og Kommune Qeqertalik	Antal gæster	16.879
		Ilulissat (*)	Antal gæster	11.114

- Avannaata Kommunianut tikillutik unnuisartut Avatangiisinut aserfallattaaliuinnermullu akileraarummik akiliisinneqartalissangaluarpata kr. 20/per., tamanna kr. 500.000,- pallillugit annertussuseqassangaluarpoq
- Aaqqissuussinerit pinngortitarput atorlungu ingerlanneqartartut, assersuutitut arpatsitsinerit assingisaallu. Assersuutitut Ilulissani marathons-imik arpatsitsilluni aaqqissuussisarneq pinngortitamik annertuumik atuisaarpoq, ilaatigut nuna kingornussassiaq UNESCO-mut atasooq qangarsuaaniillu eriangisassat Sermermiuniittut aqqusaarlugit ingerlanneqartartoq
- Backpacker-it nammattangaliinnarlutik pinngortitami angalaartut sumut uniffimmini tupertartut akileraaruserneqartariaqarputtaaq

Taakkartorneqartut pinngortitamik atuisuusarnertik peqputigalungu avatangiisinut aserfallattaaliuinnermullu akileraarummik akiliuteqataasariaqarlunnartuungaluarput.

Aningaasaqarnermi kingunerisinnaasat:

Avannaata Kommunianut aningaasatigut isertitaqarnerulernermik annertunngittumik kinguneqassooq, aammalu akiliisitsiniarnermik suliaqartussamik atorfeqartitsisoqartariaqassooq ukiup affaanut taggineqarsinnaasumik, katillungu kr. 217.000,-.

Aningaasaqarnermi kingunerisinnaasat:

Umiarsuit nunatsinnut tikittartut ikileriarsinnaapput, illuatungaani akileraarutit umiarsuit tikittartut qanoq amerlatiginerat apeqputaalluni Avannaata Kommunianut isertitaqaatigineqalaarsinnaarataannaaput.

Inatsisitigut tunngavigisat:

- Umiarsualivimmiinnermut akileraarutit pillugit Inatsisartut inatsisaata allanngortinnera pillugu Inatsisartut inatsisaat

Suliamik isumaginnineq:

Inuussutissarsiornermut Ataatsimiititaliaq
Aningaasaqarnermut Ataatsimiititaliaq
Kommunalbestyrelse

Inuussutissarsiornermut Ataatsimiititaliami aaliangerneq:

*Ingerlatsivimmit inassutigineqarput ingerlariaqqinnissami nassuiaatit politik-ikkut
isummersorfigineqassasut, tusarniummullu oqaaseqaasiorneq inaarneqassasooq*

Aaliangerneq:

Akileraarutit ataasiakkaat annertussusaat appasippallaartut ataatsimiititaliaq isumaqarpoq, akissummilu qaffasinnerusumut inissinneqarnissaat piumasaralugu.

Umiarsuarsuit anginerit aamma anginerunngikkaluit mingutsitsinerusut annerusummik akileraaruserneqarsinnaanerit ataatsimiititaliap tulluurtutut isingaa, taamatullu tusarniummi oqaaseqarfigiumallugu.

Ataatsimiititaliap pissusissamisoorinngilaa kommuni nammineerluni akiliisitsiniarnissaa. Ingerlariaqqinnissami nassuiaatigineqartut sukaterlugit tusarniummi oqaaseqarfigineqassasut ataatsimiititaliap nalilii voq.

Aningaasaqarnermi Ataatsimiititaliami aaliangerneq:

*Inuussutissarsiornermut Ataatsimiititaliap Aningaasaqarnermut Ataatsimiititaliamut inassutingaa:
Inuussutissarsiornermut Ataatsimiititaliap aaliangenera ilalerneqassasooq*

Aaliangerneq:

Inassuteqaat akuerineqarpoq.

Inassuteqaat:

Aningaasaqarnermut Ataatsimiititaliap kommunalbestyrelsimut inassutingaa


Aningaasaqarnermut Ataatsimiititaliap aaliangenera ilalerneqassasooq

Ilanngussaq:

Soqanngilaq.

Aaliangiineq:

Inassuteqaat akuerineqarpoq.

Sag nr.	Sammissaq	Bilag. nr.	021
KOM 066	Aningaasanik nuussinissamut qinnuteqaat	Journal nr.	

Uteqqiineq:

Kommunalbestyrelse 19. maj 2023-mi ataatsimiikkami akuerivaa nunaqarfinnut isorliunerusunullu aningaasaliissutit ukioq 2022-mi atunngittoorneqarsimasut ukioq 2023-mut atungassatut qinnuteqaatigineqarsinnaasut. Ukioq 2022-mi atunngittuukkat kr. 1.2 mio. missarluinnaaniipput.

Suliap saqqummiunnera:

Inuussutissarsiornermut Ataatsimiititaliap Nunaqarfinnut isorliunerusunullu aningaasaliissutit ukioq 2022-mi atunngittoorneqartut qinnutigisinnaavai Aningaasaqarnermut Ataatsimiititaliakut. Qinnuteqaatigineqartut akuerineqassariarpata siunertamut Nunaqarfinnut Isorliunerusunullu aningaasaliissutitut naammassinninnissamut pingaarnersiutinikkut atorneqarumaarput.

Aningaasaqarnermi kingunerisinnaasat:

Kommunip karsianit kr. 1.2 mio. aaneqassapput.

Inatsisitigut tunngavigisat:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq.

Suliamik isumaginnineq:

Inuussutissarsiornermut Ataatsimiititaliaq
Aningaasaqarnermut Ataatsimiititaliaq
Kommunalbestyrelse

Inuussutissarsiornermut Ataatsimiititaliami aaliangerneq:

Ingerlatsiviup inassutingaa aningaasanik nuussinissamik qinnuteqaat kr. 1,2 mio. akuerineqassasoq, Aningaasaqarnermullu Ataatsimiititaliamut qinnutigineqassasut

Aaliangerneq:
Oqaluuserisaq nr.-qarpoq 23-021.
Inassuteqaat akuerineqarpoq.

Aningaasaqarnermi Ataatsimiititaliami aaliangerneq:

*Inuussutissarsiornermut Ataatsimiititaliap Aningaasaqarnermut Ataatsimiititaliamut inassutingaa:
Inuussutissarsiornermut Ataatsimiititaliap aaliangernera ilalerneqassasoq*

Aaliangerneq:
Inassuteqaat akuerineqarpoq, kisianni sumut atorneqarnissaat pilersaaruserneqassooq qulakkeerneqarlunilu sananeqarsinnaasut. Ukiamut pilersaarut kommunalbestyrelsimut saqqummiunneqassooq.

Inassuteqaat:

Aningaasaqarnermut Ataatsimiititaliap kommunalbestyrelsimut inassutingaa


Aningaasaqarnermut Ataatsimiititaliap aaliangernera ilalerneqassasoq

Ilangussaq:

Soqanngilaq.

Aaliangiineq:

Inassuteqaat akuerineqarpoq.

Sag nr.	Sammissaq	Bilag. nr.	022
KOM 067	Ilinniarfinnik pilersitsisinnaaneq pillugu tusarniummut akissut	Journal nr.	

Uteqqiineq:

Inatsisartut ukiakkut 2021-mi ataatsimiinneranni immikkoortut 95 aamma 107 sammineqarnerini aalajangiunneqarpoq Kommuni Qeqertalimmi Avannaata Kommunianilu ilinniarfinnik assigiinngittunik pilersitsisinnaanermut periarfissanik misissuisoqassasoq.

Alajangererup kinguneranik kommunissorium-imik pilersitsisoqarpoq brancheskole-nit, sulisitsisunit, kommunit pineqartunit ilinniartitaanermullu pisortaqaarfimmit inuttaqartumik. Kommisorium sulivoq kommunini pineqartuni periarfissanik qulaajaalluni, suliallu naammassinerani nalunaarummik Inatsisartunut tunniussaarluni, taanna pisortatingoortumik tusarniutigineqartoq ulloq kingusinnerpaamik 17. maj 2023 akisassamik. Immini tusarniutip akissuteqarfigineqarnissaanut piffissaliussa qullormit ullormut siuarteriataarneqarmat Inuussutissarsiornermut Ataatsimiititaliaq tusarniummut akissuteqaatissamik suliaqarnissaanut periarfissaqartoqanngittoorpoq, maannalu allattoqarfikkut tusarniummut akissutaasimasoq ilisimatitsissutitut saqqummiunneqarpoq.

Suliap saqqummiunnera:

Tusarniummut akissut ima ilusilerlungu nassiunneqarpoq:

Akissuteqartoq: Avannaata Kommunian

Siullermik uparuarparput tusarniaanerup taamak annikitsigisumik piffissalerneqarnerani sukumiisumik akissuteqarnissaq periarfissinneqanngittoormat. Avannaata Kommuniani Inuussutissarsiornermut Ataatsimiititaliaq aamma Inerisaanermut Ataatsimiititaliaq politik-ikkut akissuteqarnissamik pilersaaruteqaraluarlutik akissuteqarnissamut periarfissaarupput.

Avannaata Kommuniata tusarniaanermut oqaaseqaammut innersuussutingai:

- Avannaata Kommuniani sulisussaaleqineq pillugu nalunaarusiaq (Majoriaq Ilulissat (2022), afdækning af behovet for arbejdskraft i Avannaata Kommunia efterår 2022)
- Kalaallit Nunaanni Ilulissat takornariaqarnerpaaffiunera
- Avataanit suliartortut amerliartuinnarnerat
- Ilulissani mittarfissuup nutaap ukiuni tulluuttuni ammarnerata kingunerinut tulluussarnissaq

Avannaata Kommunian Siunnersuisooqatigiit nalunaarusiaata tusarniutigineranut ima oqaaseqaateqarpoq:

Ukiuni kingullerni Avannaata Kommuniani sulisussaaleqineq annertoq piuvoq. Sanaartornermi suliaqartuni, kommunip suliffeqarfiini innuttaasunut sullissiviusuni, takornarialerisuni, neriniartarfinni, unnuisarfinni, angallatini aalisariutini suliffeqarfinnilu sullissiviusuni (servicefage).

Inuusuttut kommunerput qimallugu ilinniariarlutik aallartartut ilinniakkamik naammassisaqarnerup kingorna uteqqittartut annikinnerusarput aallartartunik, taamaalilluni nunaqavissunik ilinniarsimasunik amingaateqarneq annertuvoq. Kingunerivaa avataanik sulisussanik tikerartitsineq annikinngittumik piummat. Sumiiffinni ilinniarfinnik peqartillugu inuusuttut inunngorfimminni ineriartornissamut ilinniangaqarnissamullu periarfissaqartillutik illoqarfimminnik qimatsisarnerat annikinnerusarpoq.

Sumiiffinni arlalinni aalisakkeriviit sulisussaaleqisarnerat aalisartut ataavartumik tunioraasinnaasannginnerannik kinguneqalersarpoq. Tamanna ilaatigut peqquteqarpoq sulisinnaassuseqartut amerlasuut ukiuni kingullerni aalisarnermut akuersissutinik tuniorarneqarnikuunerannik, tamakkulu ilaat tunisassiorfinni piffinnilu innuttaasunik sullissiviusuni, ass. nunaqarfinni kommunip sulliviini, sulisarsimangaluarput.

Servicefag-ini (hoteller, catering, turisme) aammalu sanaartornermi ingerlatsivinni sulisunik amingaateqarnerup kinguneranik avataanit sulisussanik tikisitsisarneq annertuvoq, qularinngilarpullu immikkut iliuuseqanngikkutta mittarfissuup atulernerata kingorna suli annerusumik avataanik tikiorartitsineq ingerlalissamat.

Nunat saniligut imarpik qulaallugu mittarfissuaqalernikut, Island-imi Reykjavik-imi Keflavik, Savalimmiuni Vagar, mittarfissuit ammarnerisa kingorna ineriartorujussuarneq aqqusaaramikku sullissineq aningaasarsiornerlu unittooqunangu avataanit sulisinnaasunik annertuumik tikerartitsimapput. Tamanna aamma Ilulissani mittarfissuup ammarnerata kingorna avaqunneqarsinnaanngittut takuarput. Avannaata Kommuniata avataanit suliartortut tikilluaqqusariaqartussaavai, taamaattoq annikinnerpaaffimmiitinniarneqassasut kissaatigalungu, nunatsinni sulisinnaasut amerlanerpaat sulisinnaanerannik aqutissiuussineq atorneqassasoq kissaatigalungu.

Avannaata Kommunianit taakkartukkangut iliuuseqarfigineqassappata allakkut aqutissaqarsorinngilarput pisariaqartinneqartoq naapertorlugu piffimmi ilinniartinnik pilersitsinikkut.

Suleqatigiisitap ilinniartit pilersinneqarsinnaasutut siunnersuutaat ataani taakkartukkagut tamakkiisumik ilalerpangut:

Inuussutissarsiornermi ilinniarnernut tunngasut:

- Avannaata Kommuniani nutaaliormik ilinniartinnik
- Avannaata Kommuniani misigisassarsiorititsinermik takornariartitsisartunngorniarnissamat piareersaataasumik ilinniartinnik
- Avannaata Kommuniani inuussutissarsiornermik ilinniarnertit pikkorissarnerillu qanoq iliuuseqarfigineqartariaqartut siunnersuuteqarfigineqartut
- Inuussutissarsiornermik ilinniartitsineq Avannaata Kommuniani faginik immikkoortukkuutaartunik toqqaasinnaaffiusoq

Nipilersortartut ilinniartinnik tunngasut:

- Nipilersortartut ilinniartinnik, Ilulissani

GUX inuussutissarsironermillu ilinniarnertuunngorniartinnik:

- Avannaata Kommuniani inuussutissarsiornermik ilinniarnertuunngorniartinnik

Ingerlaqqiffiusumik ilinniarnertit:

- Najugarisaq qimannikkaluarlugu attaveqaatit atorlugit takornarialerinermit ilinniarnertit periarfissaalernissaa
- Ilulissani takornarialerinermit tunngasumik ilisimatuutut misissuiffik
- Ilulissani silap pissusianik ingerlaqqiffiusumik ilinniartinnik
- Nipilersornermik bachelorinngorniartinnik

Inuussutissarsiornermi tunngaviusumik ilinniarnertit:

- Inuusuttut ilinnialernissaannik aqutissiuussinissaq
- Suliffeqareerlutik ilinniagaqanngitsut ilinnialersinnaanissaannik aqutissiuussinissaq

Naggasiullugu ersarissarparput Avannaata Kommuniani politik-ikkut ataatsimiititaliat susassaartut ingerlatsivigullu suliap ingerlariaqqinnissaa eqqarsaatigalungu oqaloqatigiinnissamat ikioqatigiinnissamullu tikilluaqqusingatta, taamaalilluta sulilluarnissassinnik kissaappatsigit.

Ingerlariaqqinnissaq

Maanna nalunaarusiaq Inatsisartunut siammarneqarsimalereerpoq. Inatsisartullu ataasiakkaatut isummerfigissuaat nalunaarusiaq qanoq atussanerlugu, Inatsisartullu ataatsimiinnerinut aggersunut nalunaarusiami taakartorneqartut atorlugit Inatsisartunut oqaluserisassiussanerlutik.

Aningaasaqarnermi kingunerisinnaasat:

Aningaasatigut kingussaqaangilaq.

Inatsisitigut tunngavigisat

Inatsisartut suleriaasaat

Suliamik isumaginnineq:

Inuussutissarsiornermut Ataatsimiititaliaq
Aningaasaqarnermut Ataatsimiititaliaq
Kommunalbestyrelsi

Inuussutissarsiornermut Ataatsimiititaliami aaliangerneq:

Ingerlatsivimmit inassutigineqarpoq tusarniummut akissut tusaatissatut tiguneqassasoq

Aaliangerneq:
Tusaatissatut tinguneqarpoq.

Aningaasaqarnermi Ataatsimiititaliami aaliangerneq:

*Inuussutissarsiornermut Ataatsimiititaliap Aningaasaqarnermut Ataatsimiititaliamut inassutingaa:
Inuussutissarsiornermut Ataatsimiititaliap aaliangernera ilalernerqassasoq*

Aaliangerneq:
Inassuteqaat akuerineqarpoq.

Inassuteqaat:

Aningaasaqarnermut Ataatsimiititaliap kommunalbestyrelsimut inassutingaa

Aningaasaqarnermut Ataatsimiititaliap aaliangernera ilalernerqassasoq

Ilanngussaq:

Soqaangilaq.

Aaliangiineq:

Inassuteqaat akuerineqarpoq.

Suliaq nr.	Sammissaq	Bilag nr.	023
KOM 068	Aningaasanut atuinermi killiffimmik nalunaarut 2. kvartal	Journal nr.	

Uteqqiineq:

Aqutsinermut, missingersuuserisarnermut aammalu naatsorsuuserisarnermut, taamatullu aqutsinermut ileqqoreqqusaq naapertorlugu ataatsimiititaliat ataavartut naatsorsuutit suliarisarpaat. Aningaasaqarnermut Ataatsimiititaliallu kommunalbestyrelsimullu inaarutaasumik inassuteqartarpoq.

Uani ukioq 2023-mi aappassaaneerluta 31. maj 2023 killigalugu aningaasaqarnermik killiffissiuineq, kommunalbestyrelsimullu ingerlateqqillugu.

Suliap saqqummiunnera:

Ukioq 2023-mi 31. maj killigalugu aningaasaqarnikkut killiffik saqqummiunneqarput, ataatsimiititaliani ataavartuni aningaasaqarnikkut akisussaaffiit suliarineqareerlutik killiffiinik nalunaarutit.

Killiffissiuinermi ataatsimiititaliat ataavartut susassaqrifiini nalunaarusiat ataani tullerriaarneqarput. Takussutissiaq tamakkiisoq ataani saqqummiunneqarpoq.

Emne	OPR 2023	TB 2023	KOR 2023	FORBRUG	REST BUDGET	FORBRUG I %
Administrations område	169.714	0	169.714	67.500	102.214	39,8%
Teknisk område	49.474	0	49.474	23.749	25.725	48,0%
Erhvervs område	26.619	0	26.619	4.575	22.067	17,2%
Familie område	326.178	0	326.178	137.721	188.457	42,2%
Udviklings område	311.354	1.800	313.154	115.049	198.105	36,7%
Forsyningsvirksomhed	15.174	0	15.174	8.706	6.468	57,4%
Driftsomkostninger	898.513	1.800	900.313	357.300	543.036	39,7%
Anlægsområdet	79.747	1.000	80.747	28.740	52.007	35,6%
Drift og anlægsudgifter	978.260	2.800	981.060	386.041	595.043	39,3%
Indtægter	-996.928	0	-996.928	-422.856	-574.072	42,4%
Resultat før status	-18.668	2.800	-15.868	-36.815	20.970	
Statusområdet	7.172	0	7.172			
Årsresultat	-11.496	2.800	-8.696			
Primo kassebeholdning	21.379		21.379			
Ultimo kassebeholdning	32.875	-2.800	30.075			

Killiffissiuinermi aningaasaatit -6,8 mio. kr.-iupput ukiup aallartinnerani aningaasaatit 21,4 mio. kr.-iullutik.

Ingerlatsinermi aningaasartuutit ataatsimut isingalugu aningaasaliiffiusuni atuinikiffiuvoq, ilaatigut ingerlatsivinni tamani pilersaarutit aatsaat ingerlanneqalermata, teknikkeqarnermut tunngasuni aammalu sanaartornermi tunngasuni aasaanerani atuneq annertusisarpoq.

Isertitat missingersuutit malillugit ingerlapput, uanilu killiffissiuinermi 31. maj 2023 konto imakinneranut pissutaavoq, ullup ingerlanerani tapiissutit (bloktilskud) aatsaat tunniunneqarmata, taakkualu annertussuseqarput kr. 46,1 mio.

Aningaasaqarnermut Ataatsimiititaliaq:

Økonomiudvalg	OPR 2023	TB 2023	KOR 2023	FORBRUG	REST BUDGET	FORBRUG I %
Folkevalgte	16.328		16.328	5.320	11.008	32,6%
Administration	139.228		139.228	55.109	84.119	39,6%
Tværgående aktiviteter	14.158		14.158	7.072	7.086	50,0%
Indtægter	-996.928		-996.928	-422.856	-574.072	42,4%
Økonomiudvalg	-827.214	0	-827.214	-355.355	-471.859	43,0%

Qinikkanut aningaasartuutit

Qinikkanut aningaasartuutit pissutissamisut ingerlapput. Atuineq tamakkiisumik isingalugu appasinneranut peqqutaavoq qinikkanut angalanermi maannamut aatsaat ingerlanneqarlutik aallartimmata.

Nunaqarfinni aqutsinunut aningaasartuutit malillugit ingerlapput.

Allaffissornermut aningaasartuutit

Akissarsianut aningaasartuutit tamakkiisumik isingalugu aningaasaliissutit malillugit ingerlapput.

Aningaasartuutit soorlu avataani siunnersortinut atuineq missingerneqartuniit appasinnerupput, tamannali pisariaqartitsineq naapertorlugu ingerlasinnaasarpoq ukioq ingerlanerani atuineq qaffakkiartornissaa pisussaassooq.

Angalanermut pikkorissariarnermullu aningaasartuutit ukioq taamaalinerani aamma sulii iluamik ingerlalinngillat ukiullu ingerlanerani qaffakkiartornissaat nakkutingisariaqarpoq.

IT-qarnermut aningaasartuutit

Attaveqaatitigut aningaasaliissutit appasittutut isikkoqarput, tamannalu peqquteqarpoq nutarsaanermi aammalu nutaanik atortunik pisiortorlugu sulii aallartinngimmat, aningaasartuutaajumaartussalli piffissap ingerlanerani aningaasaliissutit iluanni ingerlanneqassasut naatsorsuutigineqarpoq, missingersuutit avataasigut allanik pisoqariasaa ngippat.

Akimorlugu ingerlatsivinni aningaasartuutit

Uani ingerlatsivinni aningaasartuutit qaffisissutut isikkoqarput, tassani pissutaavoq sillimmasiinnermut ukiumut akilertangarput annertummat, kisianni aningaasaliissutit allat soorlu illoqarfinnut nunaqarfinnullu aningaasaliissutit annikinnerusumik massakkumut atuiffiupput, ukiullu ingerlanerani qaffakkiartornissaat naatsorsuutaassooq.

Iseritat

Iseritat missingersuutit malillugit ingerlapput, uanili ersarissassooq inummut akileraarutitigut iseritat nalunaarsorneqartarert kingumoorluvoq, qaammat ataatsimik kingulliullutik tunniunneqartaramik, juni-imut tunngasoq kr. 37,0 mio.-inik nalilik aatsaat juli-imi tunniunneqassooq.

Suliffeqarfiit akileraarutaat aatsaat ukiup pineqartup naareernerani Akileraartarnermut pisortaqaqfimmik naammassineqareeraangasa nalunaarutiginneqartarpoq tunniunneqarlunilu.

Tapiissutit qaammatikkaartumik missingersuutit malillugit ingerlapput, taakkua qaammat sioqqullugu tunniunneqartarput, uani killiffimmi juli-imut tunngasoq ilaangilaq aatsaat ullup ingerlanerani tunniunneqarlutik taannalu naleqarluni kr. 46,1 mio.-inik

Tekikkeqarnermut Sanaartornermullu Ataatsimiititaliaq:

TEKNISKE OMRÅDE	OPR 2023	TB 2023	KOR 2023	FORBRUG	REST BUDGET	FORBRUG I %
Veje, broer, trapper, mv.	4.275		4.275	1.547	2.728	36,2%
Snerydning, renholdelse	5.943		5.943	3.097	2.846	52,1%
Levende ressourcer	2.244		2.244	1.291	953	57,5%
Kommunale virksomheder	4.300		4.300	3.386	914	78,7%
Brandvæsen	13.043		13.043	5.064	7.979	38,8%
Teknisk virksomhed	19.669		19.669	9.364	10.305	47,6%
Teknisk drift	49.474	0	49.474	23.749	25.725	48,0%

Aqqusinernut, ikaartarfinnut tummeqqanullu konto

Matumani pineqarput aqqusinernik, ikaartarfinnik tummeqqanillu aserfallatsaaliuinerit, juullip orpiliaanik pisinerit, iliveqarfilerineq, eqqakkanullu kuuffinnik ingerlatsineq. Kvartalimi missingersuutitut sanilliullugu atuinikinnerusoqarpoq. Tamatumani pissutaavoq aqqusinernik tummeqqanillu aserfallatsaaliuinerit aasaanerani isumagineqartarmata. Taamaattoq illoqannginnersanut pinnguarterfinnullu aningaasartuutit amerlanerupput, Ilulissani orpilissat qaammaqusersornerini piarneqarnerinilu kallerup innilerisumik namminersortumik suliaqartitsinerimi atuinerusimaneq. Najukkami ataatsimiititaliap juullilernerani qaammaqutunik marloriaammik amerlanerusunik pisisimanerata malitsigisaanik tamatumani suliaasat aningaasartuutillu amerlisimapput. 2024-imut missingersuusiortoqalerpat tamanna eqqumaffigineqassaaq. Ilulissat iliveqarfianni aningaasartuutit amerleriaateqarput, pissutaalluni maskina assaanerimi atornerqartartoq pisoqalisoorisimaneq, ingerlasinnaajunnaaqqaneralu nalaani namminersorluni suliffeqarfiutilimmut assaatitsisoqartariaqartarsimalluni. Naatsorsuutigineqarpoq ukiup naanissaanut suliamut matumunnga atatillugu Ilulissani aningaasartuuteqarnerunissaq. Taamaakkaluortoq iliveqarfilerinermut konto naatsorsuutigineqarpoq ukiup naanissaanut naapertuutissasoq.

Aputaajaaneq, saligaatsuutitsineq

Matumani pineqarput aputaajaaneq, saligaatsuutitsineq Ilulissanilu qimussit aqutaata aserfallatsaaliuinerit. Saligaatsuutitsinermut konto sulii atuiffiunngilaq tamanna pisarmat upernaakkut saligaatsuutitsiniarluni suliniutit aallartikkaagata aasaanerani ingerlanneqartarlutik. Upernavimmi immikkut ittumik suliniuteqartoqarsimavoq aputaajaasut siorarterisartullu malinnaasinnaasimanginnamik, kommuni immikkut aningaasanik atuisariaqarsimavoq malinnaasitsiniarluni. Tassunga peqqutaavoq ukioq manna Upernavimmi sila nittaarujuusartaarsimammata. Upernavimmi 200.000-250.000 koruunimik aputaajaanermut konto-mi sippuisoqarnissaa naattorsuutigineqarpoq. Qimussit aqutaata manissarneqartarneranut aningaasartuutissatut missingersuutit iluanni pisussatut naatsorsuutigineqarpoq.

Pisuussutitut uumassusilinnut

Matumani qimmeqarneq pineqarpoq. Ataatsimut isigalugu konto kvartalimut naleqqiullugu sippuivoq. Tassunga peqqutaavoq Upernaviup eqqaani qimmilerisut kapuinerimut kursuseriarnerat naatsorsuutiniik qaffasinnerummat, ukiullu naanerani missingersuutit sipporneqarsinnaassallutik. Ataatsimullu isigalugu konto missingersuutit naapertorlugit atuiffiujumaartoq ilimagineqarpoq.

Kommunip suliffeqarfiutai pillugit

Matumani annermik pineqarput Illut Sulliviit nunaqarfinnilu ingerlatat ingerlanneqarnerinut aningaasartuutit. Kvartalip aappasaani missingersuummit qaffasinnerusumik aningaasartortoqarpoq. Nunaqarfinni arlalinni motorillit ingerlassisutit iluarsanneqartariaqartarnikuupput, aammalu atortut allat soorlu errorsiviit iluarsagassat nutaanillu taarsertariaqalutit eqqarsaatigalugit. Tamakku missingersuutitut sunniuteqarput. Tamassuma saniatigut nunaqarfinni arlalinni illu sullivinni asaasunut aningaasartuutit naatsorsuutiniik qaffasinnerupput isertitassaasutullu naatsortuutit appasinnerullutik. Ingerlatsiviup taakku misissuiffigivai. Illuni Sullivinni naatsorsuutigineqanngitsumik pisoqaqattaassappat, iluarsanneqartariaqartunik, tamanna aningaasartuutit missingersuutit iluiniisitsiniarnermut ajornartorsiortitsissaaq.

Qatserisartoqarnermut

Atuineq maannamut 38,8%-iuvoq, tamannalu missingersuutitut naapertuuppoq. Qaarsuni Niaqornanilu atuineq qaffasinneruvoq, pissutaalluni ulussaarsuaqarnissaa eqqarsaatigalugu pingaartunik pilersitsisoqarsimanera, taakkulu aningaasarsiassa at aningaasartuutaanerullutik. Kommuni Namminersorlutik Oqartussanut saaffiginnikkuvuq, pingaartoqarnermut aningaasartuutit Namminersorlutik Oqartussat akilee qataaqullugit. Namminersorlutik oqartussat akilee qataaassanngippata kommuni piareersimasariaqarpoq immikkut aningaasaliinissamut, paasinarsippat qanoq pisoqarniarneranik.

Teknikkeqarnikkut ingerlatsinerneq

Matumani pineqarput kommunip nammineq ingerlatsinera, kiisalu busseqarneq. Kommunip nammineq ingerlatsineranut kontomi kvartalimut aningaasartuutit qaffasippat. Tamatumani annermik pissuteqarpoq *atortussanik pissarsineq* ukiup aallartinnerani pisarmat, atortussammi illoqarfinnut avannarlernukartut siulliit aqutugalugit tikisinniarneqartarmata. Atortuutit ajornartorsiortoqartarsimavoq, pisariaqartarsimavorlu tamakku taartissaannik pissarsiniartarneq, ingerlatanik unittoortoqarnissaa pinngitsoorumallugu. Busseqarnermi aningaasartuutit missingersuutit malillugit maannamut ingerlavoq. Sumiiffinnili ataasiakkaani, ingammik Uummannami ajornartorsiortoqarpoq, ulluni arlalinni uninngasoqartariaqartarsimalluni, tamannalu aningaasani atuinikinnerunermik kinguneqartitsivoq. Upernavimmi bussinik ingerlatsinissamut ukiup affaanut aningaasaliisoqarnikkuvuq, bussissat nutaat aattaat tamatuma nalaani ingerlalersinnaammata tikereeriarunik. Taamaammat upernavimmi bussinut aningaasartuutissat aamma sulii atornanngillat.

Pilersuineq:

FORSYNING	OPR 2023	TB 2023	KOR 2023	FORBRUG	REST BUDGET	FORBRUG I %
Renovation	11.680		11.680	5.691	5.989	48,7%
Forsyningsvirksomheder	3.494		3.494	3.015	479	86,3%
Forsyningsvirksomheder	15.174	0	15.174	8.706	6.468	57,4%

Kontomi atuineq qaffasippaq 57,4%-iulluni. Tamatumani pissutaanerpaavoq kontomi *Pilersuineq*-mi aningaasartuutit, tassani atuineq qaffasimmat kvartalimut sanilliullugit. Tamatumani nassuiaatissat ilagaat, kiassarnermut suliffeqarfiillu eqqakkanik tunniussisarnerannut akiliutit qaammammik ataatsimik kinguaattooqqammata, aamma suliffeqarfiit eqqagaannik isertitat annerpaartaaq aasaanerani pisarmata. Aammattaaq suliaq annertoq aallartissimavoq, tassalu Upernavimmi eqqakkanik qaleriaattoorneq isumaginarneqarmat. Upernavimmi sulisut nikittaallutik eqqakkanik ikuallaanerit ingerlappaat, naatsorsuutigineqarsinnaalluni akissarsianut atuivallaarnissaaq eqqakkanik tigooqqaanermi sumiiffimmilu ikuallaanermut kontomi.

Februarimi 2023-mi Namminersorlutik Oqartussat aalajangerput Avannaata Kommuniani eqqakkanik ammasumik ikuallaasernerit immikkut ittumik akuersissuteqarfigeqqinniarnagit. Tamatumani tunngaviuvoq, Namminersorlutik Oqartussat isumaqarmata, kommuni piviusorsortumik imminullu ataqatigiissumik pilersaaruteqanngitsoq, nuna tamakkerlugu eqqaaveqarnikkut aqqissuussinerneq taartaasinnaasumik. Aalajangiineq tamanna ingerlatsinerneq 2023imilu aningaasatigut missingersuutitut annertuumik sunniteqassaaq. Aalajangerneq malitsigisussaavaa piffissap ilaani eqqakkanik qaleriaaginnalertoqarnissaa, kiisalu suliffeqarfiit avataaneersut ikiortiserineqarallartarnissaat, tamakkulu tamaasa eqqarsaatigalugit missingersuutit ullumikkut isikkoqarnermissut malinneqarsinnaanaviaralik. Eqqakkanik isumaginninnermi periutsinik allanngineq aningaasartuutit missingersuusiornermi naatsorsuutigineqarsimanngitsunik malitseqartussaassaaq. Tamanna qanoq annertussuseqassanersoq teknikkimut ingerlatsiveqarfimmiit paasinarneqarpoq suliffeqarfiit avataaneersut neqeroortinnerisigut.

Eqqaavilerineq

Matumani eqqaavilerineq pineqarpoq, kiisalu eqqakkanik tigooqqaavinnik ingerlatsinerneq aningaasartuutit ilanngullugit.

Kontomi atuneq maannamut 23,7%-iuvoq. Ileqquvoq ukiup aallartinnerani atortussanik, soorlu eqqaavinnik puussiaruarnik pisisarneq. Eqqaavilerinernut anartarfilerinernut, kiisalu eqqakkanik tigooqqaavinni eqqakkanik tunniussinermut atuisut akiliutaat missingersuutit naapertorlugit ukiup naanissaata tungaanut ingerlajumaartut naatsorsuutigineqarpoq, ukiulli ingerlanerani equngasutut isikkoqarsinnaasarlutik.

Pilersuineq

Matumani ilaapput ikuallaaveqarneq, talittarfeqarneq paaviaanerlu. Kontomi atuneq maannamut assut qaffasippoq 40,1%-imiikkami. Tamatumunnga pissutaavoq atortuutunik pisinerit, atortussanik, isumannaallisaanermi atortunik sulisunullu tunngasut pisarineqareersimmata. Tamatuma saniatigut Ilulissani traktorersuaq aallaammik eqqaanneqarsimavoq, pisariaqarsimavorlu iluorsaannissaanut atortussanik pissarsinissaq. Ingerlatsivik taanna pillugu sillimmasiisarfiup tungaanut suliamik aallartitsisimavoq, neriuutigineqarluni tassunga aningaasartuutit sillimmasiisarfimmiit matuneqarumaartut. Talittarfeqarnermut konto atuinikiffiuneruvoq, tamatumunngali pissutaavoq sikuerluni puttasut aasaanerani aqqarneqarsimariarlutik ukialerpat qaqqinneqarlutik iluorsaanneqareeraagat aningaasartuutit takkuttarmata. Kommunip ajornartorsuutigivaa suliffiutilimmik namminersortumik paaviaanermut akuerisaasumik paaviaasussarsiniarneq, tamannalu ukiuni marlussunni kingullerni ajornartorsutaavoq, aammattaq aningaasartuutissatut missingersuutitut tamanna sunnuteqartarpoq. Ingerlatsivimmiit misissuisoqarpoq qanoq iliorluni aqutissat allat atorlugit paaviaasitsinissap naammassineqarsinnaanera, inatsisitigut piumasqaataasunik malinninnissaq pisariaqarmat.

Sanaartukkanut aningaasartuutit:

ANLÆGSUDGIFTER	OPR 2023	TB 2023	KOR 2023	FORBRUG	REST BUDGET	FORBRUG I %
Udvikling og uddannelse	18.919		18.919	5.061	13.858	26,8%
Erhvervsudvikling	7.000		7.000	6.599	401	94,3%
Sociale formål	2.953		2.953	-188	3.141	-6,4%
Teknik, miljø og plan	10.573		10.573	560	10.013	5,3%
Fritid, kultur og religion	7.179		7.179	36	7.143	0,5%
Infrastruktur	19.194		19.194	9.274	9.920	48,3%
Forsyning	9.929		9.929	5.193	4.736	52,3%
Beredskab og kriminalforsorg	0	1000	1.000		1.000	0,0%
Administration	4.000		4.000	2.205	1.795	55,1%
ANLÆGSUDGIFTER	79.747	1.000	80.747	28.740	52.007	35,6%

2023-imi kvartalimi siullermi kontomi missingersuutinit tamarmiusunit tkr. 79.747-iusunit atuisimaneq 16,4%-iuvoq.

Kontomit aningaasanik atuneq aasap qaammataani annertunerussasoq naatsorsuutaavoq, aasaaneranimi sanaartornermut ingerlatsivimmi suleqatit, pingaartumik sanaartornermik ingerlatallit, kommunip sanaartugassaataanik amerlasuunik ingerlatsisarmata.

Ukrainemi sorsuttoqarnera pissutigalugu sanaartornermi sullissinerit sanaartornermilu atortussat pissarsiariniarnerinut sunnuteqarsimavoq, sanaartukkat arlallit kinguaattoorfusimallutik aammalu 2022-imi sanaartugassani ataasiakkaani taamaalilluni atuinikinnerusoqarsimalluni. Kinguaattoornerit tamakku kingunerisaannik sanaartugassanut aningaasaliissutit atunngitsoorneqartut, 2023-imullu nuunneqarnissaannik eqqarsaatigineqarsimagaluartut, kommunip 2022-imi aningaasaqarniarnikkut amingartoorutaannut matusissutissatut atorneqarsimapput. 2022-imi sanaartukkat aallartinneqareersimasut isumaqatigiissutigullu pituttorneqareersimasut eqqarsaatigalugit aningaasaliissutaasimangaluartunik nuussisimaneq tamanna isumaqarpoq, sanaartugassat pineqartut kinguaattoorfijunnaartiternerit ilutigalugit aningaasaliissutaareersimasut taamaaqataannik 2023-ip 2024-illu ingerlaneranni aningaasaliiffiqittariaqarnissaat.

Ukioq kingulleq assigalugu naatsorsuutigineqarpoq 2023-imi sanaartugassat ataasiakkaat kinguaattoorfiusarumaartut. Kinguaattoornerit tamakku, aningaasaliissutinillu atuinikinnerunerit naatsorsuutigineqarput sanaartugassatigut atuinerulernermit pissutaasussat, tassa 2022-imi sanaarugassat aningaasaliiffigineqareersimagaluartut kinguaattoorfiusimasulli sanaartorneqalerpata aningaasalersorneqartariaqalerlutillu. Taamaalluni sanaartugassanut missingersuutit ukiup naanerani atuiiffiusimanissaat 100,0%-iusussatut naatsorsuutigineqarpoq. Sanaartugassanut aningaasaliissutit atorneqanngitsoortut 2023 aallarnerfigalugu Sanaartornermut aserfallatsaaliuinerimullu aningaasaateqarfimmut ikineqartalertussaapput, taamaalluni siunissami ukiumiit ukiumut nuussisoqarnissaanik qinnuteqartoqartarunnaartussaalluni.

Ineriartortitsinermit ilinniaritaaanermullu tunngatillugit sanaartukkat

Konto-mi missingersuut tamarmiusoq tkr. 18.919-iuvoq, atuisimanerlu 26,8%-iulluni.

Meeqqerivik, Tasiusaq kr. 3,5 mio. Suliffeqarfiutilik Lasø-p katersortarfitoq igutsersimavaa, toqqavianilu suliffeqarfiup Qullilerisup meeqqerivik nutaaq napparsimallugu. Sanaartugaq 2022-imi kinguaattoorfiuvoq, aningaasallut atorneqanngitsoortut kr. 2,3 mio.-nit 2023-imut nuunneqarnissaat pilersaarutaanikuulluni. Aningaasaliissutaareertulli taakku nuunneqanngitsoormata 2024-imi aningaasaliissutaqqittariaqassapput sanaartugaq naammassineqarsinnaaqullugu.

Kattussatut meeqqerivik, Ilulissat kr. 10,0 mio. Siunnersuisarfiup Titarnerup kattussatut meeqqerivik pilersaarusiorsimavaa nunaminertami A32-ip saavani. Suliffeqarfiup KJ-p pilersaarut sanasussaavaa ukiuni 2022-2025.

Atuarfik, Oqaatsut kr. 0,0 mio. Siunnersuisarfik Qarsoq Oqaatsuni nutaamik atuarfiliassaq pilersaarusiorpaa. Sanaartugassaq kinguaattoorfiunikuuvoq B-66-ip qanittuani sanasoqarnissaa pissutigalugu, kr. 1,5 mio.-it taakkuupput 2022-imi atorneqanngitsoormata nuunneqarsimagaluartut. Aningaasallu taakku ilaat maannakkut amingaatigineqarput sanaartorniagaq naammassineqassappat 2023-imilu suliariumannittussarsiuunneqassappat.

Atuarfik, Ukkusissat kr. 0,0 mio. Siunnersuisarfik Rambøll nakkutilliisimavoq nalunaarsuisimallunilu atuarfioreersumi isatinneqartussami, siunissami atuarfiliassamik piareersaatit pilersaarusiortugit, kr. 0,5 mio.-it taakkuupput 2022-imi atorneqanngitsoormata nuunneqarsimagaluartut. Aningaasallu taakku ilaat maannakkut amingaatigineqarput sanaartorniagaq naammassineqassappat 2023-imilu suliariumannittussarsiuunneqassappat.

Atuarfik, Tasiusaq kr. 1,0 mio. Siunnersuisarfik Masanti pilersaarusiortuuvoq Tasiusami atuarfimmut ilaneqarlunilu aserfallatsaalineqartussamut. Suliffeqarfiutilik Lasø aserfallatsaaliuineq isumagissavaa, atuarfiullu allilerneqarnissaa 2023-imi suliariumannittussarsiuunneqassaaq.

Atuarfik, Qaanaaq kr. 2,0 mio. Siunnersuisarfik Masanti pilersaarusiortuuvoq. Aserfallatsaaliuinnisaq pilersaarutaavoq isaterisoqartussaallunilu Qaanaami atuarfimi pioreersumi. Suliassaq ukiut arlallit ingerlanneqartussaavoq. Suliassaq suliariumannittussaaleqissunneqarpoq, suliffeqarfiutillit suliassamut soqutiginninngimmata. Taamaattorli innaallagisserisut ruujorilerisullu suliassaat 2023-imi isumagineqarnissaat naatsorsuutigineqarpoq.

Atuarfik nutaaq, Innaarsuit tkr. 2.419 mio. Sanaartorneq suliffeqarfiutilimmit Lasø-mit ingerlanneqarpoq, naatsorsuutigineqarporlu suliaq 2023-imi naammassineqarumaartoq.

Inuusutissarsiornermik ineriartortitsinermit tunngatillugit sanaartukkat

Kontomut missingersuutit tamarmiusut kr. 7,0 mio.-iupput, maannamullu atuineq 94,3%-iulluni.

Qatserisartut biilii tummerarsuallit, Ilulissat kr. 3,0 mio. Upalungaarsimasoqarfiup qatserisartut biiliat nutaaq Ilulissaniittussaq maanna pisariniarlugu suliamik ingerlatsipput. Akiata affaa 2022-imi akilerneqareernikuuvoq, affaalu 2023-imi akilerneqassalluni.

Qamutinik assakaasulinnik pisineq kr. 4,0 mio. Qamutit assakaasullit arlallit pisarineqarsimapput, ilaatigut Upernavimmut Ummannamullu aamma Ilulissanut usisaatinik, kiisalu kingoraartissamaatinik.

Isumaginninnermik siunertanut tunngatillugit sanaartukkat

Kontomi missingersuutit tamarmiusut tkr. 2.953-iupput, maannamut atuisimaneq -6,4%-iulluni.

Atuinikinnerunermit pissutaavoq Ilulissani utoqqaat illuanik sanaartornermut Namminersorlutik Oqartussat akileeqataassutissaa kingusinaartumik akilerneqarsimaneramik.

Innarluutillit illuat, Qaanaq tkr. 250,0 Aningaasaliissutit immikkoortinneqarsimapput inunnut annikinnerusumik innarluutilinnut ornittagaliornissap pilersaarusiornissaanut. Ornittagarineqarsinnaasorli Qaanaap atuarfiata ilaani pilersinneqarsinnaavoq, aningaasallu tassunga atorneqarsinnaassallutik. Utoqqaat illuat, Upernavik tkr. 1.803 Suliassat kingulliit suliffeqarfimmit KJ-mit ingerlanneqarput, 2023-ip aasaani tunniussinissaq siunertaralugu.

Utoqqaat illuat, Ilulissat kr. 0,0 Siunnersuisarfik Titarneq pilersaarusiortuuvoq isaterinermut allilerinermullu. suliassarlu suliariumannittussarsiutissallugu 2023-ip ingerlanerani, inatsisartut aningaasanut 2024-imi inatsisissaata isumaqatigiinniutigineqarnissaa sioqqullugu, sanaartugassap akiata affaa Namminersornerullutik Oqartussanit akilerneqartussaanaera eqqarsaatigalugu. 2022-imi pilersaarusiornermut aningaasartuutitut aningaasaleeqataanermut akiliut kingusinaarluni takkuteqqammerpoq, aningaasat siunertanut allanut atorneqarsinnaasut, imaluunniit 2024-imut nuunneqarsinnaasut.

Utoqqarnut inissiat, Ukkusissat kr. 0,0 Illu sullivik pisoq igutserneqareerpoq, illulu napparneqareerpoq. Sanaartorneq 2023-ip aasaata ingerlanerani naammassissagatinneqarpoq. Aningaasaliissutinit kr. 1,9 mio.-it 2022-imi nuunneqarnikuupput, taakkulu 2023-imi amingaataapput sanaartukkap naammassineqassappat. Utoqqarnut inissiat, Saqqaq + Ilulissat tkr. 450,0 Namminersorlutik Oqartussanut qinnutigineqarpoq Illorput 2023 typehus, taannalu pilersaarusiaq 2023-imi naammassissaaq, siunissami sanaartorneqalersinnaassalluni. Utoqqarnut inissiat, Ummannaq tkr. 450,0 Namminersorlutik Oqartussanut qinnutigineqarpoq Illorput 2023 typehus, taannalu pilersaarusiaq 2023-imi naammassissaaq, siunissami sanaartorneqalersinnaassalluni.

Teknikkimut, avatangiisinut pilersaarusiornernullu tunngatillugit sanaartukkat

Kontomi missingersuutit tamarmiusut tkr. 10.573-iupput, maannamullu atuineq 5,3%-iulluni.

Sanaartorfissagissaaneq, Ilulissat kr. 2,0 mio. Sanaartorfissagissaanerup immikkoortua siulleq Ilulissani eqqaavissuup eqqaaniittoq suliffeqarfimmit KJ-mit ingerlanneqarpoq. Sanaartorfissagissaanerup immikkoortuata aappaa Rambøll-imit Nukissiorfik suleqatigalugu pilersaarusiorneqarpoq.

Sanaartorfissagissaaneq, Ummannaq kr. 1,5 mio. Siunnersuisafiup Masantip sanaartorfissagissaanerup immikkoortua siulleq aappaalu Ummannap kitaatungaani illuliorfissap tungaanut aqquserniornissaaq pilersaarusiorpaa. Sanaartorfissagissaanerup immikkoortua siulleq suliffeqarfimmit KJ-mit isumagineqassaaq, 2023-imi naammassineqassalluni. Immikkoortuata aappaa 2023-ip aallartinnerani suliariumannittussarsiunneqassaaq.

Sanaartorfissagissaaneq, Upernavik tkr. 1.373 mio. Suliaq suliffeqarfimmit KJ-mit ingerlanneqarpoq. Sanaartorfissagissaanermi Upernaviup avannaatungaani aqquserniorneq 2023-ip ingerlanerani naammassissagatinneqarpoq.

Sullissivik/ulluunerani paaqqinnittarfik, Ikerasak kr. 0,8 mio. Aningaasat atorneqassapput Ikerasammi illumi pioreersumi iluarsaassinerut, ilaalllutik natit kuuffiillu.

Sullissivik, Qaarsut tkr. 250,0 Aningaasat atorneqassapput Qaarsuni Sullissivimmi pioreersumi annikinnerusumik iluarsaassinermut.

Avatangiisinut aningaasaateqarfik kr. 1,5 mio. Namminersorlutik Oqartussanit suliniutitut qulinut aningaasaqarnermi tapiissuteqarnissaaq pillugu kommune akuersissummik tigusaqarsimavoq.

Kuummut illersuusaaq, Siorapaluk tkr. 250,0 Siorapalummi kuup nunaqarfikkoortup supineratigut ajornartorsiutaasarnarata misissuiffiginissaanut, illunullu qanittumiittunut sunniutigisinnaasai ilanngullugit.

Eqqaavissuarmik nuussineq, Aappilattoq kr. 0,0 Suliaq suliffeqarfimmit KJ-mit ingerlanneqarpoq 2023-imi naammassineqassalluni, kr. 0,7 mio.-it taakkuupput 2022-imi atorneqanngitsut 2023-imullu nuunneqartussaasimagaluartut, maannalu amingaatigineqartut suliap naammassineqarnissaanut.

Eqqaavissuarmi torersaaneq, Ilulissat tkr. 800,0 Aningaasaliissutit atorneqassapput eqqaavissuarmut aqqusernup manissarnissaanut, eqqaavissuarmilu eqqakkat torersarnerinut, ilaatigut poortuussuarmut tupersuarmik pissarsinermut.

Nunaqarfinni aqqusinernik saliineq kr. 1,9 mio. Aningaasat atorneqarput nunaqarfinni arlalinni aqqusinigissaanermit, soorlu Kullorsuarmi, Tasiusami, Upernavik Kujallerimi, Ukkusissani aamma Ikerasammi.

Qinngunnguani nunniorneq, Ilulissat kr. 0,2 mio. Aningaasat atorneqassapput Kanelen-ip eqqaani puttasuliinermit.

Sunnigfimmur, kulturimur upperisaqarnermullu tunngatillugit sanaartukkat

Kontomi missingersuutit tamarmiusut tkr. 7.179-iupput, maannamullu atuisimaneq 0,5%-iulluni.

Arsaattarfik ivigaasaaqqanik qalligaq, Upernavik kr. 0,5 mio. Sanaartukkamik suliarinnittut Lasø aamma KJ suliasaminnik kinguaattoortarsimapput silamit sulisussaaleqinermillu pissuteqartumik. Suliaq 2023-ip aasaanerani naammassiniarneqarpoq, ivigaasaaqqanik qallersuineri suliaqartartunik avataaneersunit atuilluni.

Fritidshjem, Ilulissat tkr. 4.029 Sananissaanut suliffeqarfik Sannassisoq isumaqatigiissuteqarfigineqareerpoq. Fritidshjemmi nutaaq Ilulissani AJB-ip saniani piffissami 2022-2024 sananeqassaaq, kr. 3,5 mio.-it taakkuupput 2022-imi atorneqanngitsoormata 2023-imut nuunneqarsimasussaagaluartut. Aningaasat taakku nuunneqarsimanngimmata 2024-imi aningaasaliissutigeqqinneqartariaqarput sanaartorneq naammassineqarsinnaaqqullugu.

Katersortarfik, Siorapaluk tkr. 250,0 Suliassaq B-528-imut tunngasuvoq, taannali kommunip illuutiginnigilaa. Nunaqarfimmi peqatigiiffimmik isumaqatigiinniarnert aallartinneqassapput.

Sullissivik/qatserutaasivik, Naajaat tkr. 200,0 Namminersorlutik Oqartussanut qinnutigineqarpoq Illorput 2023 typehus, taannalu pilersaarusiaq 2023-imi naammassissaaq, siunissami sanaartorneqalersinnaassalluni.

Arsarnersiortarfimmut aqut kr. 0,2 mio. Arsarnersiortarfimmut pisinnaat aqutissaannik sanasoqarnissaa pillugu siunnersuisarfik Rambøll siunnersuusiussaaq siunissami aalajangernissamut tunngaviusinnaasumik.

Iliveqarfik, Ummannaq kr. 1,0 mio. Aningaasat pilersaarusiornermut atorneqassapput Ummannami iliveqarfiup allilerneqarsinnaaneranut, imaluunniit sumiiffimmi allami pilersitsinikkut.

Iliveqarfik, Upernavik kr. 1,0 mio. Aningaasat pilersaarusiornermut atorneqassapput Upernavimmi iliveqarfiup allilerneqarnissaanut; ilimagisariaqassalluni mittarfimmut aqutaata ilaani.

Attaveqaasersuutitut tunngatillugit sanaartukkat

Kontomi missingersuutit tamarmiusut tkr. 19,194-iupput, atuinerlu maannamut 48,3%-iulluni.

Mittarfimmut aqqusineq, Ilulissat kr. 5,0 mio. Siunnersuisarfiup Rambøll-ip suliassaq pilersaarusiornikuuaa, mittarfiup tungaanut aqqusineq, ikaartarfimmilu pisinnaat aqutissaat ilanngullugu. Suliffeqarfik KJ suliasamik suliarinnittuvoq, suliarlu ukiut marlukpingasut ingerlanneqassaaq, kr. 3,5 mio.-it taakkuupput 2022-imi atorneqanngitsoormata nuunneqarsimasussaagaluartut, amingaatineqarpullu suliaq naammaasinissaanut.

Qulliit biilit ingerlaarneranni aqutsissutaasut, Ilulissat kr. 0,5 mio. Aningaasat atorneqassapput Ilulissani aqqusineri angallannermi pissutsit pillugit aamma siunissami aqqusernit paarlaaffianni qullermik angallannermi aqutsissutaasinnaasumik pilersitsisoqarnissaa eqqarsaatigalugu.

Pisuinnarnut aqut, Ilulissat kr. 0,0 mio. Pisuinnarnut aqqusernermi immikkoortoq siulleq (Pisiffimmiit Jysk-ip tungaanut) suliffeqarfimmit KJ-mit aallartinneqareernikuvoq, kr. 1,1 mio.-it taakkuupput 2022-imi atorneqanngitsoormata nuunneqarsimasussaagaluartut, maannalu amingaatineqarput suliaq naammassissappat.

Puttasut, Upernaviup nunaqarfiini tkr. 550,0 Suliassami pineqarput puttasut pisiarineri ikkussuunnerilu nunaqarfinni arlalinni. Suliassarli tamanna Inuusutissarsiornermut immikkoortotaqarfimmiit aallartinneqareersimavoq, taamaattumillu aningaasaliissutit uku 2023-imi sanaartugassanut allanut atorneqarsinnaajumaarneri.

Aqqusineri aserfallatsaaliuineq, Qaanaaq kr. 1,0 mio. Aningaasaliissutit atorneqassapput Qaanaami kuussuarmi ikaartarfiit aqqusermillu aserfallatsaaliorneqarnissaanut.

Asfaltilersuineq, Upernavik kr. 2,5 mio. Atortussat pisiarineqarnikuupput Upernavimmi kommunip allaffianiit eqqaavissuup tungaanut aqqusernup asfaltimik qallersornissaanut 2023-ip aasaanerani.

Asfaltilersuineq, Ummannaq kr. 3,4 mio. Atortussat pisiarineqarnikuupput Ummannap illoqarfiup nutaartaata tungaanut aqqusernup aamma umiarsualivimmi aqqusernup 2023-ip aasaanerani asfalt-imik qallersornissaanut atortussanik.

Asfaltilersuineq, Ilulissat kr. 4,0 mio. Atortussanik pisisoqarnikuvoq Ilulissani aqqusernit 2 km-inik isorartussusillit asfaltimik qallersornissaanut. 2023-imi aqqusernit sorlerpiaat asfalt-imik qallersorneqassanersut suli isummerfigineqanngillat.

Eqqakkat kuuffiini aserfallatsaaliuineq, Ummannaq tkr. 2.044 Suliassami pingaartumik Ummannami umiarsualiviup tungaanut kuuffiit aqutaasa iluarsaanneqarnissaat suliffeqarfimmit Lasø-mit 2023-ip ingerlanerani isumagineqartussat.

Eqqakkat kuuffiiniq aserfallatsaaliuineq, Ilimanaq tkr. 200,0 Siunnersuisarfik Rambøll sumiiffimmilu susassaqtut peqatigalugit suliaasap sumiiffimmi eqqakkanik kuuffilersuineq pillugu oqaloqatigineqarneri aallartinneqarpoq.

Pilersuinermt tunngatillugit sanaartukkat

Kontomi missingersuut tamarmiusoq tkr. 9.929-iuvoq, atuinerlu maannamut 52,3%-iulluni.

Iluliorneq, Uummanaq kr. 0,6 mio. Namminersorlutik Oqartussanut qinnutigineqarpoq Illorput 2023 typehus, taannalu pilersaarussiaq 2023-imi naammassissaaq, siunissami sanaartorneqalersinnaassalluni.

Tikeraanut unnuisarfik, Savissivik tkr. 250,0 Namminersorlutik Oqartussanut qinnutigineqarpoq Illorput

2023 typehus, taannalu pilersaarussiaq 2023-imi naammassissaaq, siunissami sanaartorneqalersinnaassalluni. Inuusuttut klubbiat, Qaanaaq kr. 0,0 mio. Aningaasat immikkoortinneqarput Qaanaami klubbip Ihaariap iluarsaanneqarnissaanut. 2022-imi suliaasamut sanaartortussanik pissarsinissaq ajornarsimavoq.

Inissiat tamanut iluaqutaasussat A32, Ilulissat kr. 0,0 mio. Inissialiat suliffeqarfimmit KJ-mit sananeqarput, blokkillu marluk siulliit (inissiat 8-t) INI-mut tunniunneqareerput. Sinneri blokkit marluk suliffeqarfimmit kinguaattoortigineqarput 2023-imi tunniunneqarnissaat naatsorsuutigineqarluni, kr. 3,0 mio.-it taakkuupput 2022-imi atorneqanngittoormata allamut nuunneqarsimagaluartut. Sanaartorneq naammassineqassappat aningaasat taakku amingaatigineqarput.

Nunaqarfinni inissialiortiternissaq, Qeqertaq kr. 2,0 mio. Matumani pilersaarutaavoq Qeqertami ilinniartitsisup illussaa. Sanaartugassaq Panbo-mit tunniunneqareerpoq. Suliffeqarfiup EJ Sanasut sanassavaat 2023-imi ukiakkut naammassiniassallugu.

Nunaqarfinni inissialiortiterissaq, Saattut tkr. 4.129 Pilersaarutaavoq Saattuni ilinniartitsisut illussai marluk sananeqarnissaat. Sanaartugassat Panbo-mit tunniunneqareerput. Siunnersuisartut Rambøll maanna sanaartorsinnaasunik soqutiginnissinnaasunik isumaqatiginninniarpoq. Sanaartugassat 2023-imi ukiakkut naammassinissaat siunertaavoq.

Ilinniartitsisup illussaa, Nuussuaq kr. 0,5 mio. Namminersorlutik Oqartussanut qinnutigineqarpoq Illorput 2023 typehus, taannalu pilersaarussiaq 2023-imi naammassissaaq, siunissami sanaartorneqalersinnaassalluni.

Inuusuttunut inissiat, Oqaatsut tkr. 450,0 Siunnersuisarfik Qarsoq attavigineqarnikuuvoq inuusuttunik inissialiornissaq 2023-ip ingerlanerani pilersaarusioqqullugu.

Illu sullivik, Upernavik Kujalleq kr. 2,0 mio. Siunnersuisarfiup Masantip Upernavik Kujallermi illu sullivik nutaaq pilersaarusiorsimavaa. Illu sullivik siunertanut assigiinngitsunut tulluarsagaassaaq, ilaatigut ulluunerani meeqqanik paarsisarfusinnaalluni, timersornerup tungaatigut sungiusarfusinnaalluni il.il. Suliassaq suliffeqarfimmit Qullilerisumit ukiuni 2023-2024 isumagineqassaaq.

Upalungaarsimanermt pinerluttunullu isumaginninnermt sanaartugassat.

Konto aningaasartaqarpoq kr. 1,0 mio.-inik, maannamullu atuineq 0,0%-iulluni.

Qatserutaasiviit, Nutaarmiut + Qeqertat kr. 1,0 mio. Qatserutaasivissat marluk pisiarineqartussat Grønfeldt Elementer-imiit, illuaqqat nappartiteriaannangorlugit sanaartorneqalereerput.

Aqutsisoqarfimmut tunngatillugu sanaartukkat

Kontomi missingersuut tamarmiusoq kr. 4,0 mio.-iuvoq, maannamullu atuineq 55,1%-iuvoq.

Kommunip illuutai kr. 4,0 mio. Aningaasat atorneqassapput kommunip illuutaasa ingerlaavartumik aserfallatsaaliuineqarnerinut, aamma iluarsineqartussat kinguarqqinneqarsinnaanngitsut isumaginerinut.

Inuussutissarsiornermut Ataatsimiititaliaq:

FORVALTNING FOR ERHVERV	OPR 2023	TB 2023	KOR 2023	FORBRUG	REST BUDGET	FORBRUG I %
Beskæftigelsesfr.foranstaltninger	1.703		1.703	378	1.325	22,2%
Revalidering	1.907		1.907	285	1.622	14,9%
Kommunalt erhvervsengagement	6.850		6.850	754	6.096	11,0%
MAJORIAQ	11.057		11.057	832	10.225	7,5%
Arbejdsmarkedsydelse	5.102		5.102	2.303	2.799	45,1%
FORVALTN. FOR ERHVERV	26.619	0	26.619	4.575	22.067	17,2%

Suliffissaaleqisunik suliniutit

Maannakkut sulisitsinerit aallarteqqinnikuupput, Ilulissani Majoriaq-miit sulisitsinerit ingerlanneqarput siulliit april qaammat aallartippu, sulisitsinissarluk 31. juli tungaanut inuit 5-imat Garage-ami sulisinnerqarallarlutik. Taamatullu Uummannami aamma sulisitsineq ingerlavoq. Illoqarfinniillu ataasiakkaaniik højskole-rtitsiatornerit inunnik ataasiakkaaniik aallartitsisoqarsimavoq.

Piginaannorsaaqqiineq

MG-2´mi nalunaarsorsimallutik suliffissaaleqisut, sivisuumillu suliffissaaleqisut pisortanit ikiorsiissutinik qinnuteqartut imaluunniit siusinaartumik pisartangaqalerumallutik qinnuteqartut sulisinnaassusaannik nalilersuinerit ingerlappu. Nalunaarsortinnermilu suliffimmik neqeroorfigineqarnermi tingusiumangittunut inatsit malillugu karantæne sukannersumik atuutsinneqaqqilerluni.

Ilulissani Revalidering-ertut 3, Flexjob 6 massakkumut ingerlappu. Uummannaq suliffimmik misiliisoq 1, Revalidering 2, Flexjob 2. Upernavik Revalidering 1, Flexjob 1. Qaanaaq soqanngilaq 0.

Avannarpasinnerusumi illoqarfiit Revalidering-imut eqaannerusumillu Sulinerimik ikaarsaatitsinissaq suliniutigineqarpoq. Ilanngullugu eqqaasinnaavarput avannaa tungaani siusinaartumik pension-isiiallit sulisinnaassusaat qulaajaaffigineqarnerat aallartissartoq, sag-it tiguneqarnissaat Majoriamiit utaqqivagut, qulaajaqqinnissamullu piareeqqalluta, Siusinaartumik pension-isiiallit illoqarfiit Majoriaqarfiusut tingooraaqqilernissaminnut sag-inik utaqqippu. Sulinerlu aallarteqqissalluni qulaajaavigineqartussat tinguneqariarunik.

Suliffissarsiuussisarfinmiittut, Aqutissiuisut, Sagsgbehandler-illu nunaqarfinnut angalallutik aallartippu suliniutillu assiginningsut aallartisaaleqqillutik.

Kommunip inuussutissarsiornermut kalluussimanera

Aningaasaliissutit arlalitsigut suli aallarnisanngillat. Pikkorissartitsinissamik pilersaarutiniq suliaqassalluta paasissutissaniq katersileruttorpugut, siulliillu ´erhvervsduelighedbevis´-imut, ulluinnarni 12-paximik taaneqartartoq, tapiissuteqarsinnaaneq saqqummiuteqqammerparput Maritim.gl-mit neqeroorutigineqartoq, assut soqutigineqartumik. Avannaata Kommuniani najungaqartumut pikkorissarnermut akuerisaasimasumut tapiissutigineqarsinnaajumaarpoq kr. 25.000,-, tamanna periuseq soorlu Sermersuumi ingerlanneqartareersimasoq. 12-pax-imut ukioq manna inuit 12-nut tapiisinnaanermut ingerlatsivik ammaassinikuuvoq, naatsorsuutigineqassoorlu ukiup tulliani aamma assingusumik ingerlatsisoqarsinnaajumaarnera.

Takornariaqarnermi inuussutissarsiornermi suliniutinut aningaasaliissutissat suli annerusumik aallartisanngillat, naatsorsuutigineqassooq ukiup affaani kingullermi ileqqusutut annerusumik aningaasartuuteqartoqassasoq, soorluttaaq ukioq manna pikkorissartitsinernik ingerlatsiniarnermik suliniuteqartugut.

Nunaqarfinnut isorliunerusunullu ineriartortitsinermi aningaasaliissutit tamakkerlugit atorneqrsinnaanissaat sapinngisaq naapertorlungu anguniarneqassooq, tamanna teknik-imut ingerlatsiveq peqatingalungu pilersarusiorneqarpoq maanna. Suliniutini pineqartuni materiale-nik pisiortorneq ukioq manna siunertarineqarpoq, periarfissaqalerneq naapertorlungu kingusinnerusukku pilersaarutit napparneqartarsinnaaneri ingerlanneqartarumarlutik, assersuutitut piniariartarfinni illuaqqat.

Takornariaqarnermut attuumassuteqartut

Susassaqarfiit ilaanni aningaasartuutit suli appasipput.

Naatsorsuutigineqassooq angalanernut aningaasaliissutini sippuisoqarsinnaanissaa, tamanna peqquteqarluni kommuniq nittarsaanneranut atasumik messi-nut peqataaffissat ilaat illusittut orninneqartussaaneri. Ukiup naannginnerani missingersuutitnik nuutsitsinissamik qinnuteqaammik ataatsimiititaliamut qaqitsisoqarumaartoq naatsorsuutigineqassooq.

Ilulissani takornarissanut paasissutissiisarfirmut ingerlatsinermut aningaasartuutit konto 0401040000-mit akilerneqartarput. Takuneqarsinnaasutut ukiuq manna suli aningaasartuuteqarfiunngilaq naak aningaasartuutit pineqartut ingerlaavartuungaluartut. Misissorparput tamanna sumik peqquteqarnerisooq, naatsorsuutigineqassoorlu ukiup naannginnerani konto-mi tassani nalimmattumik ingerlasoqalerumaartoq. Konto 122141201 fremmede tjenesteydelser avammut nittarsaassinerit aningaasartuuteqarfigineqarnerinik peqquteqartumik annikittumik sippuilaqqavoq, ass. Sermitsiakkut sammisaqarnerit peqataaffigineri tuluit nunaannilu National Geographic ukiukkaartumik nittarsaassivigisalerinerinut aningaasartuuteqarnikkut. Naatsorsuutigineqassooq aningaasanik nuussinissamik ukiup naannginnerani qinnuteqartoqarumaartoq.

Majoriaq

Teams møde-kkut Avannaa Centerleder-it ataatsimeeqatigineri ingerlanneqartarput, ataatsimiittarnerillu qaammatit tamaasa pisarput, tamannalu ingerlluarlorujussuulluni, siunertallu ersarissarneqartuarlutik, ataqatigiissarnerilu paaseqatigiiffiulluarlutik. Taamatullu Centerleder-it anguniagaannik ersarissaaqqinnerit aamma ingerlateqqeqqammivagut.

Annertuumik suliniutini pingaarnertut massakkumut ilinniartunngorsaanermit atuarfeqarfiit pulaarneruneqartalerput aqutissiussisunilik, atuartuniillu assut alutorsaataaneri maluginiarneqarlutik. Uddannelses-messe massakkut Ilulissani pilersaaruserneqarpoq, taamatullu ukiamut aamma Uddannelses-carravan ingerlanneqaqqissalluni. Inuusuttut ornittagaat unnukkut ammasartut qaammammut ataasarlutik orninneqartalerput, ataasiakkaannguanillu aamma ilinnialersussanik iluatsitillutik. Angajoqqaanillu naapeqateqarnermit atuarfeqarfimmi peqataallutik. Ilinniartitsisunik ataasiakkaanik akimmisaartinneqalerarnerit Læring –ikkut peqatigalugit aaqqiivigineqarpoq. Aallartisarnerit nutaat soorunami akimmiffeqalaartarnissaat naattorsuutigereernikuvoq. Qujanartumilli aaqqiissuteqarnikkut qaangerneqartarlutik, suleqatigiilluarnikkullu. Oqarasuaatikullu aamma ugartungassanik ugartuinerit ingerlapput. Qarasaasiatigullu IT-reg allattorsimasut ugartoqqinnerisigut maluginiarneqarsimavoq attavigineqartartut Danmark-imi ilinniakkaminnik naammassinnereersimasut amerlasuut suli allattorsimasuutigineqartut, tamanna system iluani aaqqitassaarpasilluni. Majoriamiit piianeqarsinnaaneq ajoramik.

Suliffeerunnermi ikiorsiissutit

Kisitsisit takutitaat malillugit aningaasaliissutit massakkumut pissusissamisut ingerlapput. Majoriillu imatut eqqaasassaqaqqanngillat aningaasaqarneq aqulluarneqarlunilu suli qaangiisoqaqqanngimmat. Suliffissuarnili matoqqatitsisimanerup kinguneranik ataasiakkaanik sippuisoqarnikuvoq aningaasaliissutaasunik angerlartitsiinnarallarnermi aningaasartuutaasimasunik. Misilittakkat malillugit ukiup naajartornerani aningaasartuutit ingerlangaatsialersarput pingaartumik tunisassiorfennit angerlartitsisoqarsimatillugu. Kingullermik eqqartukkatit Royal Greenland pisortaa Stefan naapeqatiginikuuara, iluarsiifigerusutatsinnillu eqqartueqatigalugu, imatullu isumaqatigiissuteqarluta, angerlartitsiinnarallarnermi RG sygeforsikring-iminiit sulisooreersut aalajaattut nammineq akilersortalissavaat, ataasiakkaaqarporli suliffimmu tunniusimani killeqartut taakkuussappullu angerlartitsiinnarallarnermi Majoriaqarfiit akissaasersortagassaat uani inuit massakkorpiaq kisitsisitalersinnaanngisagut, kisinnili pisarnermit ikinnerujumaartut akissaasersugassagut. Inuttullu ineriartortisinerannik sulisutullu aperinganni HR Nuummi kingaalanera ineriartornermut arriisitsisuusooq unnerlugu. Juli qaammat Majoriamiit aqutissiussisullu RG aqutsisui Majoriaq pillugu kissaateqarmat ataatsimeeqatigissavagut ilinniartunngorsaanermit RG praktik-erfittut atorneqarnerunissaa pillugu eqqartueqatigissallutigit. Taamatullu Revalidering-ertarnermut tunngasunik aamma soqutiginninnia nassuiaateqarfigumaarlutigu.

Illuatungani suliffeerunnermik/angerlartitaagallarnermik nalunaartut Majoriamiit piaartumik suliffimmut allamut innersuuttarnerat ingerlaannartassaaq, sulisinnaassuseqartut tamarmik atorfissaqartinneqarmata. Tamannalu aamma naattorsuugigaara illoqarfiit avannamut orninnerini suliffissuit tikillugit aqutsisui naapillugit isumqatigiissusiorfigisarnissaat.

Ilaqtareeqarnermut Ataatsimiititaliaq:

FORVALTNING FOR FAMILIE	OPR 2023	TB 2023	KOR 2023	FORBRUG	REST BUDGET	FORBRUG I %
Fripladser, daginst.området	256		256	211	45	82,3%
Hjælpeforanst. for børn og unge	68.706		68.706	26.433	42.273	38,5%
Førtidspension	55.190		55.190	22.919	32.271	41,5%
Underholdsbidrag	292		292	54	238	18,4%
Offentlige hjælp	5.552		5.552	2.243	3.309	40,4%
Andre sociale ydelser	7.268		7.268	2.350	4.918	32,3%
Ældreforsorg	90.462		90.462	40.653	49.809	44,9%
Handicapområdet	97.881		97.881	42.412	55.469	43,3%
Andre sociale udgifter	571		571	445	126	78,0%
FORVALTN. FOR FAMILIE	326.178	0	326.178	137.721	188.457	42,2%

Ilaqtareeqarnermut Ingerlatsivik

Missingersuutitut killiffissiuinermi killiffiusoq 31. maj killiffigalungu saqqummiunneqarpoq. Kommunimi isumaginninnermi sullissinnermi sulisut ilungersunartunik suliaqartuupput, annerusumilli upernariartornera aamma pisoqarfiuvoq. Sumiiffiit ilaanni kinguaassiutitigut kanngutsaasuliorfigineqarsimasut meeqqat ukiukittut sullinneqarnissamik pisariaqartitsippup, tamannalu tunngavingalugu Socialstyrelsemut saaffiginnissuteqartoqarnikuuvoq, ikiorsiinissamik pisariaqartitsisoqarneranik ikiorsiisoqarnissaamik kissaateqartoqarluni. Tamakkii sumik ikiorsiisoqanngikkaluarluni ungasianniik ikiorsiinnermik neqerooruteqartoqarpoq. Sumiiffiit ilaanni imminut toquttarneq annertuseqqavoq, taakkualu aamma pisoqarsimatillugu ikiorserneqarnissamik pisariaqartitsippup. Pisut saniatigut sullissineq ataavartumik ingerlasoq kalluangaajuarpoq, pinaveersaartitsinermilu suleriarnissaangaluit angumaffiginiarneri piviusut aallaavingalugit angumaffiginiarneqarsinnaanera unaminartorsiorfiuvoq. Kommunimi meeqqat 851-t suliaqarfigineqarput, iliuseqarfigineqarnissaallu inatsisit tunngaviusut aallaavingalugit uninngatiinnarneqarsinnaananatik. Taamaattorli tulleriarineq annertoq ingerlanneqarpoq, sullissisut ullormut angumerisinnaasaat ingerlanneqarlutik. Politiit nalunaarusiaat tunngavingalugu Avannaata Kommuniani 2022- inuit arfineq pingasut imminut toqussimappup, 01.01.23 – 17.04.2023 inuit qulit imminut toqussimallutik, taakkunanga arfinillit 30 ataallugit ukioqarsimallutik. Kinguaassiutitigut kanngutsaasuliorfigitittarneq inuuniarnikkut unaminartorsiuqartarnermut atassuteqartoq takuneqarsinnaavoq, taakkunanilu aamma imingassamik siusissumik atuisuulersarneq, ukiukittuni naartulertarneq meerartaartarneq assigiisaanillu ajornartorsiuqarnermi tunngaviusartut saqqummiunneqarpoq. Peqqinnissaq Pillugu Ataatsimiititaliarsuup isumaliutissiissutaa maj 2023 saqqummeqqammersumi atuarneqarsinnaavoq, utoqqaat amerliartuinnartut aqqissinnaanngitsumillu nappaatillit, naatsorsuutit piomasaaqatillu qaffakkaluttuinnartut. Taakkununga atatillugu suliasat kommunimi aamma annikilliaritunngillat. Napparsimalersut atukkatigut, aningaasaqarnikkut, pisartagaqarnikkut aammalu inissaaleqineq eqqarsaatigalungu ikiorsersungassat amerlappup. Kommunimi suliasanut sullissineq pitsaasumik ingerlassappat piomasaaqatinullu naammassinninissaq anguneqassappat sulisut atungaat eqqumaffigineqartariaqarput.

Paaqqinnittarfinni akeqanngitsumik inissat

Paaqqinnittarfinni akeqanngitsumik inissat angerlarsimaffiup avataanut inissinerni kiisalu illoqarfigisaq qimallugu ilinniartunut meeralinnut atorneqartarpoq. Meeqqat angerlarsimaffiup avataanut inissinneqartut ulluunerani paaqqinnittarfinniittartut.

Meeqqanut paaqqinniittaarfiinniitsitinermit akilersuutit qaangiiartulerput, Upernavimmi atuineq missigersuutit annerusumik atuiffiummat. Akiliutit ilaat kr. 41.291,00 debitorqarfimminngaannit akilersorneqarsimapput, taakkualu saaffiginnissutigineqarput, suunersut systemip iluani takuneqarsinnaanngimmata.

Ukiup aallarereernerani akilersuunneqartut Ummannami Upernavimmi amerleriarsimapput, taamaattumillu atuineq aamma missingersuutit annertuneruvoq. Ilulissani atuineq annikinnerulluni.

Meeqqanut inuusuttunullu ikiorsiissutit

Ilaqutariinnut ikiorsiinermit meeqqanullu angerlarsimaffiup avataanut inissinneqartunut atuupput.

Konto tamarmiusoq isingalugu atuineq sulii annikippoq. Kommunimut allanut akiligassiissutit aammalu akiligassaq 2022-mut tunngassutillit kr. -2,7 mio. naqinneqarnerat nuunneqassapput, ukiumut taaaneqartumut akiliutit tunngassuteqarmata.

Ulloq unnuarlu angerlarsimaffiup avataaniittut innarluutilit kontoqarfiaq akilerneqarsimasut meeqqanut inissinermit kontomut naqinneqarnerat aaqinneqassooq, imaappoq innarluutilinniit meeqqanut aningaasartuutit nuunneqassapput kr. 1,6 mio. annertussuseqartut.

Meeqqat angerlarsimaffiup avataanut inissitat arlaqartut ilinniarnerni kaajallaasitaq malillugu akilersuutaat appartinneqartussaavoq, akiligassallu tiguneqartartut tamakkiisumik akiligassiissutaasimallutik, taamaattumik akiliutit ilaannik utertitsinissaq allaffissornikkut sulissutigineqarpoq, kr. 1,1 mio. annertutigisut.

Familierådslagningimut pikkorissaanerit modulit tallimani ingerlanneqartussani, modulit pingajussaat ingerlanneqarpoq, sulieruserlu atorlugu suliaqarsinnaanerit, sulierussat sakkussallu allat pappiliarsornikkut suliarineqarput. Ukiop naatinnagu ingerlatsinerit siulliit aallartisarneqarnissaat siunertarineqarpoq. Inuusuttunut saaffiginnittarfissamut atorfinittisinerit ingerlanneqarput, ammarnissaanullu piareersaatit tulleriarlugit suliarineqarlutik. Teknikkeqarfik ujartuiffigineqareerpoq, illup atulersinnaanissaanut pappilissat pisariaqartut qulakkeerniarlugit.

Familiecenterimi børnehus projektit ingerlasoq, aallartisarneqareerpoq ulluinnarnilu sullissineri sullissineri alloriarnerit siulliit suliarineqartalereerlutik. Namminersorlutik Oqartussanit aningaasaliissutigineqartut videomik immiussisutit politiit suleqatigalugit aamma suliarineqarput. Taassuma saniatigut Kalaallit Qallunaallu suleqatigiinneranut atatillugu Ilaqutariit Illuisa meeqqanut ilaqutariinnullu immikkut pisariaqartitsisunut sullissinerisa assigiinnerusumik siunnerfilerneqarnissaanut suliniutit ingerlarput.

Siusissukkut iliuuseqarnermit kiisalu MANU-mut suliniuteqarnermi ilaqutariit illuini ukiup affaata iluani aallartisarneqarnissaat siunertaavoq, aallartisaanerillu pilersaaruserfigineqarlutik.

Siusinaartumik sulisinnaarnersiutillit

Siusinaarlutik sulisinnaajunnaarnersiutisillit pisartagaat qaammammumut siumoortumik tunniunneqartarput.

Siorna atuineq annikinnerummat ukiormanna missingersuutit millineqarnikuupput, tamannalu maanna killiffik aallaavigalugu missingersuutit malikannerlugit atuineq isikkoqarpoq. Siusinaartumik pensionisiaqareersunik nalilersueqqinneq pillugu illoqarfiit angalaffigineqarput, tamatumani siusinaartumik pensionisialinnik nalilersuisarnerup nukittorsaqqinneqarnissaat anguniarlugu, sulisinnaassutsillu pitsaanerusermik qulaajarneqartarnissaat anguniarlugu, tamatumani Majoriaq sulisinnaassutsimik misissuinermit tigumminnittusartoq peqatigalugu.

Meeqqanut akilersuutit

Meeqqanut meeravissartaarnenullu atatillugu meeqqanut akilersuutit pineqarput. Akilersuisarneq akiliisussanut akiliussigallarnertut atorneqartarpoq meeqqanut akilersuutit aningaasartuutit

Namminersorlutik Oqartussanit matussuserneqartarmata. Akiliussigallarnermi aningaasat utertitassat utertinneqareermata konto atuiffiunngilaq.

Pisortanit ikiorsiissutit

Konto ataatsiminut isingalugu atuineq missingersuutit malillugit ingerlavoq. Atuineq killiffimmi ersertitsisarpoq, aningaasartuutit killiffimmi atorneqartut killiffiusarmata.

Atuineq killiffik aallaavingalugu missingersuutit malillugit ingerlavoq. Atuineq ukiup siulianut sanilliullugu atuineq annikinneruvoq, pisariaqartitsineq suliffissaaleqinerlu annertunngimmat, pisariaqartitsineq annikinnerummat.

Ikiorseeriaatsit kommunimi qiviarnearput ataavartumillu ornigulluni ilinniartitsiartorerit ingerlanneqarlutik.

Isumaginninnermi aningaasartuutit allat

Isumaginninnermi aningaasartuutit allat soorlu meerartaareernerme sulinngiffeqarnermi ullormusiat, ineqarnermut akiliutinik tapiissutinik il.il. pineqarput.

Konto tamaat isingalungu atuineq missingersuutit malillugit ingerlavoq, aningaasartuutit kommunimit Namminersorlutik Oqartusanik agguarneqartartut, akiliutaasut utertinneqarnissaat killiffik aallaavingalugu suliarereerput, taamaattumik missingersuutit malilugit ingerlavoq.

Ilulissani angerlarsimaffeqanngittunut unnuisarfik inunnut arfineq pingasunut unnuiffiusinnaasartoq, Ilulissani atorneqarluartuuvog, ilaatigut ulikkaaqqsarluni ilaatigullu inukinnerusarluni. Upernalernerani atorneqarnera annikulleriarlutut sulisunit nalilerneqarpoq, naatsorsuutigineqarlunilu ukiamut atuisut amerlaneruleqqikkumaartut.

Utoqqarnut isumaginninneq

Utoqqarnut isumaginninneq, utoqqalinersiutillit, utoqqaat illui paaqqutarisariaqartullu angerlarsimaffii, utoqqaat najugaqatigiiffii utoqqarnullu inissiat pineqarput.

Maannakkumut atuineq pissusissamisut ingerlavoq. Utoqqalinersiat, utoqqaallu illuisa aningaasartuutaat kiisalu ulluunerani utoqqarnut susassaqartitsiviit missingersuutit malillugit mannamut ingerlapput.

Angerlarsimaffinni ikiorteqarneq, utoqqaallu najugaqatigiiffii nunaqarfanni ingerlanneqartut missingersuutinik sinniilaarlutik ingerlapput, taakkualu tunngaveqarlutik utoqqaat aammalu nappaamik eqqungaasimasut immikkut paqqutarineqartariaqarnerannik.

Innarluutilinnut tunngasut

Innarluutilinnut susassaqarfik siunnersuineranut tapersersuinernullu tunngasuupput.

Atuineq missingersuutinik atuinikinnerusutut isikkoqarpoq, akiligassat ilaat annertujaartut suli tiguneqanngimmata. Konto ilaat atuiffiunerupput, ilaallu atuinikinnerullutik. Kukkusumik naqinneqarsimasut aaqqiivigineqassapput, innarluutilinnut naqitassat ilaat meeqqanut sullissinnermut naqinneqarsimmata.

Isumaginninnermi aningaasartuutit allat

Isumaginninnermi aningaasartuutit allat pineqarput, qimarnguinnut, imigassamik atonerluinermit katsorsartinnernut, imaluunniit aningaasartutininut allanut.

Ukiup aallartinnerani privatimik katsorsaatisinermik ingerlatisoqarpoq, taamaattumik atuineq qaffasissumik isikkoqarpoq. Ukiup sinnera allorfik suleqatigalungu katsorsaatisinerit ingerlanneqartussaapput, taamaattumik annertunerusumik atuisoqaqqinnissaa naatsorsaatingineqanngilaq.

Ineriartornermut Ataatsimiititaliaq:

FORVALTNING FOR LÆRING	OPR 2023	TB 2023	KOR 2023	FORBRUG	REST BUDGET	FORBRUG I %
Hjælpeforanstaltn. for børn og unge	6.061		6.061	1.679	4.382	27,7%
Daginstitution for børn og unge	84.710		84.710	29.633	55.077	35,0%
Skolevæsenet	174.909		174.909	67.068	107.841	38,3%
Biblioteksvæsen	643		643	179	464	27,9%
Fritidsvirksomhed & Tilskud	41.764	1.800	43.564	15.136	28.428	34,7%
Museer	3.267		3.267	1.353	1.914	41,4%
FORVALTN. FOR LÆRING	311.354	1.800	313.154	115.049	198.105	36,7%

Inerisaanermut ingerlatsiviup aningaasaqarnikkut killiffia 36,7 % -iuvoq. Tassani annertuumik aningaasanik aqutsineq aamma nakkutilliineq ingerlanneqarpoq.

Pinaveersaatitsineq

Atuinerit ataatsimut 27,7%-iupput. Uani erseqqissaatigineqarpoq akissarsianut tunngatillgu juni naaneranni akissarsiat nusunneqartussammata. Pinaveersaatitsineq ukiumut pilersaarutit malillugit sulineq ingerlanneqarput, anigaasanillu sinaakkutit ajunngitsumik killiffeqarlutik.

Ulluunerani neqeroorutit

Atuinerit ataatsimut 35,0%-iupput. Ingerlatanut atuinerit malinnaapput ulluunerani paaqqinnittarfik ataaseq kisima 44,0%-ulluni. Ulluunerani paaqqinnittartut ilaat ataaseq annikinnerusumik atuisimavoq, qinnuteqartoqarsimannginnera imaluunniit nammineerluni angerlarsimaffiit piumasaqaatinut naapertuutinngimmata.

Atuarfeqarfiit

Atuinerit ataatsimut 38,3%-iupput. Atuarfiit anginerit kiassarnermut imermullu atuineri naatsorsuutigisamik annertunerupput, taamaakkaluartoq allatigut sipaarniartoqarsimanera patsisaalluni aningaasanut missingersuutit sinaakkusiunneqarsimasut malinneqarput.

Nunaqarfiit atuarfiini aningaasartuutit naatsorsuutigisamik annertunerupput, atuartunut januarimi nerisaqartitsisimaneq patsisaalluni.

Atuagaateqarfiit

Atuinerit ataatsimut 27,9%-iupput. Atuagaateqarfinni aningaasanik atuneq annikippoq, aningaasanut missingersuutit sinaakkusiunneqarsimasut malillugit. Missingersuutit annikitsillugit atuisimanermut %-i malussajasarpoq, taamaattumik apparujussuarlunilu qaffarujussuarterpoq missingersuutit annikitsillugit.

Sunngiffimmi sammisassat & Tapisuutit

Atuinerit ataatsimut 34,7%-iupput. Sunngiffimmi sammisassaqartitsinermi ullut 14-inikkaartuni aningaasarsianut atuinerit annertupput. Sunngiffimmi qaammammusialinnut akissarsianut tunngatillgu juni naanerani nusunneqartussammata, annikitsumik atuneq ersippoq. Timersornikkut kulturikkullu tapiissutit aningaasat sinaakkusiunneqarsimasut 53,0%-imiupput. Kulturikkut aaqqissuussaq annertooq Avannaata Qimussersuanut angalanermi aningaasartuutit tapiissutaasut annertupput.

Immikkut aningaasanik akuersissutaasut kr. 1,8 mio. Ilulissani atuareerenrup kingorna ornittakkat, atuarfinni marluusuni ingerlatsinissamut aningaasaliissutit missingersuutinut ilanngunneqareerput.

Katersigaasiviit

Katersigaasivinnut sisamaasunut atuneq 41,4 %-imiippoq. Katersigaasivinni aaqqissuussinernut aningasartuutit ataasiakkaani annertupput, silaannaap allanngornerisa kinguneranik illuutigineqartut aserfallassimaneri imaluunniit arlaatigut annertuumik eqqungaanermikkut peqquteqartunik.

Aningaasaqarnermi kingunerisinnaasat:

Aningaasartuutit aningaasaliissutinut sanilliullugit atuneq maannamut appasilaaraluartoq, ingerlatsivinni isertitassatut missingersuusiak sukumiisumik malinnaavigisariaqarput, kommune aningaasaqarnikkut ajornerusumik inissinnginnissaa siunertaralugu. Ukiup sinneranut aningaasaliissutit sipporlugit atuinnginnissaq ingerlanneqartariaqarpoq, aammalu aningaasaliissutinik ilasinissaq ingalassimaarneqartariaqarpoq aningaasaatit qaffakkiartussappata aammalu ukiup naanerani sinneqartoorfiusumik oqimaaqatingiittumilluunniit angusaqarniaraanni.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Missingersuutilerisarnermut aammalu naatsorsuuserisarnermut inatsit nr. 13, 1. Januar 2022

Suliamik isumaginnineq:

Ataatsimiititaliat ataavartut
Aningaasaqarnermut Ataatsimiititaliaq
Kommunalbestyrelse

Aningaasaqarnermi Ataatsimiititaliami aaliangerneq:

*Allattoqarfiup Aningaasaqarnermut Ataatsimiititaliamut inassutingaa
Ataatsimiititaliat killiffimminnik nalunaarusiaat Aningaasaqarnermut Ataatsimiititaliap akuerissagaa
Aningaasaqarnermut Ataatsimiititaliap akisussaaffiisa ataani killiffimmut nalunaarusiaq akuerissagaa*

Aaliangerneq:

Inassuteqaat akuerineqarpoq.

Karsi sanngiittumik inissisimavoq 23. juni karsi kr. -24.0 mio. missaani inissisimavoq,
mianersortumik/sukannersumillu aningaasartuutinillu unikaallatsitsisoqassasoq ataatsimiititaliaq
piumasaqarpoq.

Inassuteqaat:

Aningaasaqarnermut Ataatsimiititaliap kommunalbestyrelsimut inassutingaa


Aningaasaqarnermut Ataatsimiititaliap aaliangenera ilalerneqassasoq

Ilannussat:

Bilag 023-01: Balance
Bilag 023-02: Ataatsimiititaliat imaqarniliaat
Bilag 023-03: Aningaasaatit killiffiat

Aaliangiineq:

Inassuteqaat akuerineqarpoq.

Sag nr.	Sammisag	Bilag nr.	024
KOM 069	Oqaluuserisassatut siunnersuutit	Journal nr.	

Uteqqiineq:

Kommunalbestyrelsimut ilaasortat siunnersuutitik allattoqarfimmumt ingerlatittarpaat, suliallu qanoq ingerlanissaannik allattoqarfik nassuiaasarpoq.

Uani suliami kommunalbestyrelsi ilisimatinneqarpoq siunnersuutit qanoq allaffissornermi ingerlaqqissasut.

Suliap saqqummiunnera:

Ileqqusumik ataatsimiinnissaq kingusinnerpaamik ullunik 21-nik sioqqullugu allakkatigut suliassaq oqaluuserineqassasoq qinnutigineqarsimappat taanna siullermik ataatsimiinnissami oqaluuserisassanut borgmesterimit ilanngunneqassaaq.

Kommunalbestyrelsimut ilaasortat siunnersuutaat sularineqartussat ataatsimiititaliamut ersarissarneqarput.

#1 Lena Ravn Davidsen (D)

A) Ilulissani timersortarfimmik nutaamik anginerusumillu sanasoqarnissaanik siunnersuut

Ingerlaqqinnissaq: Suliassaq Inerisaanermut Ataatsimiititaliamut suliakkiunneqassooq, tassani eqqartorneqareeruni, Teknikkimut Ataatsimiititaliamut Aningaasaqarnermut Ataatsimiititaliamut kommunalbestyrelsimullu inaarutaasumik ingerlatinneqassooq.

Naammassereersimanissaa: Kingusinnerpaamik ataatsimiititaliani januar 2024 sammeneqareersimassooq.

#2 Palle Jerimiassen (AT)

A) Allaffissornikkut suleriaatsinik allannguinissamik siunnersuut

Ingerlaqqinnissaq: Suliassaq Aningaasaqarnermut Ataatsimiititaliamut suliakkiunneqassooq, tassani eqqartorneqareeruni, kommunalbestyrelsimullu inaarutaasumik ingerlatinneqassooq.

Naammassereersimanissaa: Kingusinnerpaamik ataatsimiititaliani januar 2024 sammeneqareersimassooq.

#3 Sakio Fleischer (S)

A) Timersornermi angalanermi tapiisarnermut allannguinissamut siunnersuut

Ingerlaqqinnissaq: Suliassaq Inerisaanermut Ataatsimiititaliamut suliakkiunneqassooq, tassani eqqartorneqareeruni, Aningaasaqarnermut Ataatsimiititaliamut kommunalbestyrelsimullu inaarutaasumik ingerlatinneqassooq.

Naammassereersimanissaa: Kingusinnerpaamik ataatsimiititaliani januar 2024 sammeneqareersimassooq.

B) Uummannami, Qeqertaarukassaap Ikerasannguullu nunniornissaannut, Ikerasannguullu nuuniit Qeqertaarukassaap tungaanut ikaartarfiliornissamik siunnersuut

Ingerlaqqinnissaq: Suliassaq Teknikkimut Ataatsimiititaliamut suliakkiunneqassooq, tassani eqqartorneqareeruni, Aningaasaqarnermut Ataatsimiititaliamut kommunalbestyrelsimullu inaarutaasumik ingerlatinneqassooq.

Naammassereersimanissaa: Kingusinnerpaamik ataatsimiititaliani januar 2024 sammeneqareersimassooq.

C) Uummannami, Qasigissani sapsuornissamik aammalu taliffarfiliornissaamik siunnersuut

Ingerlaqqinnissaq: Suliassaq Teknikkimut Ataatsimiititaliamut suliakkunneqassooq, tassani eqqartorneqareeruni, Aningaasaqarnermut Ataatsimiititaliamut kommunalbestyrelsimullu inaarutaasumik ingerlatinneqassooq.

Naamassereersimanissaa: Kingusinnerpaamik ataatsimiititaliani januar 2024 sammeneqareersimassooq.

#Ilaasortat sinneri

Ilaasortat siunnersuutingisimasai imaluunniit apeqqutingisimasai sularineqarlutik naammassineqarsimapput imaluunniit sularineqarput.

Ingerlariaqqinnissaq

Qulaani siunnersuut taakkartorneqartoq allattoqqarfimmi suliakkiissutaavoq naammassereernissaanullu ullut killiliunneqartut naapertorlungit ataatsimiititaliani susassaqtumi saqqummiunneqassalluni.

Aningaasaqarnermi kingunerisinnaasat:

Soqanngilaq.

Inatsisitigut tunngavigisat:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Avannaata Kommuniani kommunalbestyrelsip suleriaasissaa nalinginnaasoq 14. marts 2018-imeersoq

Suliamik isumaginnineq:

Aningaasaqarnermut Ataatsimiititaliaq
Kommunalbestyrelsi

Aningaasaqarnermi Ataatsimiititaliami aaliangerneq:

*Allattoqarfiup Aningaasaqarnermut Ataatsimiititaliamut inassutigaa
Ataatsimiititaliap ilisimatitsissutit qulaani saqqumminneqartut tusaatissatut tingussangai*

Aaliangerneq:
Inassuteqaat akuerineqarpoq.

Inassuteqaat:


Aningaasaqarnermut Ataatsimiititaliap kommunalbestyrelsimut inassutigaa

Aningaasaqarnermut Ataatsimiititaliap aaliangernera ilalerneqassasoq

Ilangussat:

- Bilag 024-01: Lena Ravn Davidsen (D), Ilulissani timersortarfimmik nutaamik anginerusumillu sanasoqarnissaanik siunnersuut
- Bilag 024-02: Palle Jerimiassen (AT), Allaffissornikkut suleriaatsinik allannguinissamik siunnersuut
- Bilag 024-03: Sakio Fleischer (S), Timersornermi angalanermi tapiisarnermut allannguinissamut siunnersuut
- Bilag 024-04: Sakio Fleischer (S), Uummannami, Qeqertaarukassaap Ikerasannguullu nunniornissaannut, Ikerasannguullu nuuniit Qeqertaarukassaap tungaanut ikaartarfiliornissamik siunnersuut
- Bilag 024-06: Sakio Fleischer (S), Uummannami, Qasigissani sapusiornissamik aammalu taliffarfiliornissaamik siunnersuut

Aaliangiineq:**Inassuteqaat akuerineqarpoq.**

Sag nr.	Sammissaq	Bilag. nr.	025
KOM 070	Immikkoortortami A12.2-mi, Uummannami sanaartofissagissaanerup nanginneqarnissaa	Journal nr.	

Uteqqiineq:

Kommunalbestyrelsip aalajangiineratigut 2022-imi Uummannami sanaartofissagissaaneq aallartinneqarnikuuvoq. Immikkoortuata siulliup naammassineqalernerani suliarineqartup nanginneqarnissaa pillugu isumaqatigiissusiassaq kommunalbetsyrelsimi isummerfigeqquneqarpoq, aningaasatigut kinguneqaatigisassai ilanngullugit.

Suliamik saqqummiussineq:

2022-imi Kommunalbestyrelsip aalajangeratigut Uummannami immikkoortortami nutaami (A12) sanaartofissagissaaneq aallartinneqarpoq. Sanaartofissagissaaneq ilaqarpoq aqquserniormik, kiisalu innaallagissamut, imermut eqqakkanullu kuuffinnut aqqusersuermik. Sanaartofissagissaaneq immikkoortunut marlunnut avitavoq. Immikkoortumi siullermi aqqusineq sananeqartussaavoq, taannalu maanna naammassineqangajalerpoq. Immikkoortuata aappaani suliassat upernaq manna suliariumannittussarsiuunneqarnikuupput. Matumani pineqarput innaallagissamut, imermut eqqakkanullu kuuffinnut aqqusersuinissat. Najugarisami suliffeqarfiutillit marluk neqerooruteqarnikuupput, taakkunannga akikinnerup kr. 5,35 mio.-it akigitikkumasimallugit. Tassa missingersuutaasimasunit kr. 1,5 mio.-nik amerlanerusut. Neqeroorut 1. juli 2023-ip tungaanut atuuttuummat pisariaqarpoq isummerfiginissaaq suliap ingerlateqqinneqarnissaa eqqarsaatigalugu.

Iluarsiiussutissatut siunnersuut – suliamik nalilersuineq

Sanaartofissagissaaneq ingerlateqqinneqassappat, ingerlatsivimmiit periarfissat marluk tikkuarneqarsinnaapput:

1: Immikkoortoq siulleq pilersaarutit naapertorlugit naammassineqassaaq, immikkoortullu aappaa 2024-imi suliariumannittussarsiuuteqqinneqassaaq. Taamaalluni ukiumi tullermi missingersuutit suliarineqarnerannut atatillugu aningaasaliisoqarnissaa isumaqatigiinniutigineqarsinnaavoq. Taamaaliormi pitsaaqutaavoq taamanikkussaq 2024-imut atatillugu missingersuutissaq ersarinnerulersimassammat, Uummannamilu sanaartugassatigut kissaatigisat tamarmiusut aallaavigineqarsinnaajumaarlutik. Ajoqutigisinnaasaa unaasinnaavoq, nutaamik suliariumannittussarsiuussisoqarpat maannakkut akigitinniarneqartumut sanilliullugu akisunerusinnaanera, imaluunniit suliassap tigujumaneqanngeratarsinnaanera. Suliariumannikkusuttumik neqerooroqassanngikkaluarpat neqeroorumulluunniit akigitinniarneqartoq qaffasissorujussuussagaluarpat, taava ileragineqarsinnaavoq nunatap sanaartofissagissarlugu aallartinneqareeraluurtup atorneqanngitsoornera.

2: Isumaqatigiissut atsiorneqassaaq, kommunilu pisussaatinneqassalluni 2024-imut missingersuutini suliassap matuma immikkoortuata aappaanut kr. 5,35 mio.-nik ikkussinissaminut. Taamaaliornikkut qulakkeerneqassaaq suliassaq akigitinniarneqartoq tunngavigalugu 2024-imi naammassineqarnissaa. Matumani pitsaaqutaasutut oqaatigineqarsinnaavoq suliassap ingerlaqqinnissaa naammassineqarnissaalu qulakkeerneqassammat illoqarfiullu immikkoortortaani nutaami tamaani ineriartortitsineq aallartinneqarsinnaassalluni. Iluaatsutut taaneqarsinnaavoq 2024-imi sanaartugassanut missingersuut tamarmiusoq suli ilisimanginnatsigu, taamatullu Uummannani sanaartugassanut immikkoortinneqarumaartussat suli ilisimanatigu.

Ingerlariaqqinnissaaq

Periarfissaq 1 ataatsimiititaliamit toqqarneqassappat, taava suliap immikkoortua siulleq naammassineqassaaq, suliallu immikkoortuata aappaa aappaagu suliariumannittussarsiuunneqassalluni, 2024-imi missingersuut piareerneqariarpat. Suliap ingerlanissaanut apeqqutaajumaarpoq suliariumannittussarsiuussinermi neqeroorutaajumaartut.

Periarfissaq 2 ataatsimiititaliap toqqassappagu, taava isumaqatigiissut atsiorneqassaaq. Taamaalilluni kommuni pisussaaffilerneqassaaq 2024-imut missingersuusiordermini pinngitsoorani kr. 5,35 siunertamut matumunnga immikkoortitsinissaminik. Sanaartorneq ingerlateqqinneqassaaq pilersaarutillu naapertorlugit 2024-imi naammassineqassalluni.

Kingunerisinnaasai:

Kingunerisinnaasai taakkuussapput periarfissat arlaat politikikkut toqqarneqartup malitsigisassai. Tunngaviatigut periarfissaqaraluarpoq suliaq naammassissallugu periarfissat taaneqartut piuppata piunngikkaluarpataluunniit. Isumaqatigiissummilli atsiukkamik peqarluni piffissaq, naammassinissaa aningaasatigullu kinguneqaataasinnaasut pillugit ilisimanninnissamut periarfissagissaarnarneruvoq.

Aningaasatigut kingunerisinnaasai:

Periarfissap 1-mik toqqarneqarneratigut missingersuutiini kr. 1,5 mio.-it kommunimut kisimik pituttuisumik aningaasartuutaassapput. Suliap naammassineqarnissaanut apeqqutaajumaarpoq 2024-imi nutaamik suliariumannittussarsiuussisoqarnerani neqeroorutaajumaartussat.

Periarfissap 2-p toqqarneratigut kommuni pittuttussaaq 2024-imi aningaasat sinneri kr. 5,35 mio.-it immikkoortinnissaanut. Maannakkut kommuni Uummannami nunaqarfiinilu isumaqatigiissutitigut pituttugaareersimasunik sanaartugassanik ingerlataqarpoq kr. 5,1 mio.-inik nalilinnik. Aningaasatigut periarfissaajumaartut soorunami aalajangiisuujumaarput 2024-imi missingersuutit inaarlugit suliarineqalerpata. Kommuni 2022-imi 2023-imut 2024-imullu sanaartornermut missingersuutit sinaakkutissaannik suliaqarsimavoq kr. 111 mio.-nik naleqartumik, taakkunanngalu 23 % Uummannamut tutussaasimallutik agguariaaseq isumaqatigiissutigineqarsimasooq aallaavigalugu. Aningaasat qasserpiaanissaannut aalajangiisuusarpoq sanaartornermut aningaasaliissutit tamakkiisumik missingersuutaat. Assersuutigineqarsinnaavoq 2023-imi sanaartugassanut konto naggataatigut kr. 79,7 mio.-nik aningaasartaqalenera.

Inatsisitigut toqqammavissat:

- Pilersarusiorneq aamma nunaminertat atornerqarnerat pillugit Inatsisartut inatsisissaat nr. 17, 17. november 2010-imeersoq
- Avannaata Kommuniani kommunimut pilersaarut 2018-2030, tapiliussat ilanngullugit

Suliamik suliarinninneq

Teknikkimut Ataatsimiititaliaq
Aningaasaqarnermut Ataatsimiititaliaq
Kommunalbestyrelsi

Teknikkimi Ataatsimiititaliami aaliangerneq:

*Ingerlatsivimmiit Teknikkimut ataatsimiititaliamut inassutigineqarpoq:
Iluarsiiissutissatut siunnersuut 1 imaluunniit 2 ataatsimiititaliamit akuerineqassasoq*

Aaliangerneq:

Ataatsimiititaliamit suliaq aaliangiiffigineqanngilaq. Kommunalbestyrelsemut suliasannngortinneqarpoq.

Aningaasaqarnermi Ataatsimiititaliami aaliangerneq:

*Teknikkimi Ataatsimiititaliap Aningaasaqarnermut Ataatsimiititaliamut inassutingaa
Teknikkimi Ataatsimiititaliami inassuteqaat Aningaasaqarnermi Ataatsimiititaliap isummerfingissangaa*

Aaliangerneq:

Aningaasaqarnermut Ataatsimiititaliap periarfissaq 2 toqqarpaa.

Inassuteqaat:

Aningaasaqarnermut Ataatsimiititaliap kommunalbestyrelsimut inassutingaa

Aningaasaqarnermut Ataatsimiititaliap aaliangenera ilalerneqassasoq

Ilannussat:

Bilag 025-01: Uummannami nuna immikkoortortaq, sanaartorfissagissarneqartussaq
Bilag 025-02: A-overslag

Aaliangiineq:

Inassuteqaat akuerineqarpoq.

Sag nr.	Sammissaq	Bilag. nr.	026
KOM 071	Kommunimut pilersaarummut tapiliussassatut siunnersuut Marralinnguami akunnittarfik, Nunaminertaq 1200-C02, Ilulissat	Journal nr.	

Uteqqiineq:

Teknikkimut Ingerlatsivik ulloq 09.02.2023 suliniummik pilersitsiniartumik ataatsimeeqateqarluni saqqummiivigineqarpoq, Marralinnguami, vandrehjemmep pisoqqap, isaterneqartussaasulli, maannakkut inissisimaffigisaani, akunnittarfiliassatut pilersaarummik. Nunap immikkoortuani tamaani aalajangersakkat pilersaarullu tamakkiisumik imminnut naapertuutinnngimmata ataatsimiititaliat isummeqquneqarput. Kommunimut pilersaarummut tapiliussamik nutaamik sanasoqassanersoq, taamaaliornikkut pilersaarutip pisariaqartitaanik nunaminertami aalajangersakkat allanngortinneqarsinnaaleqqullugit.

Suliap saqqummiunna:

Akunnittarfik pilersaarutigineqartoq (Budgethotel = akunnittarfik akikinnee) 164-nik ineeraqartussaavoq, quleriinni pingasuni. Taakku saniatigut kiffartuussiviit sulisunut takornarianillu angallassisartunut. Akunnittarfiliorniarnermi matumani isumassarsiaavoq unnuiffissamik akikitsumik neqeroorsinnaanissaq Ilulissanilu unnuiffiusinnaareersut saniatigut allamik toqqagassaqaarnissaq. Takuuk ilanngussaq 001-01 (Skitse-projekt)

Pilersaarusionermut immikkoortortaqaqarfiup, pilersaarummik saqqummiinerup kingorna, suliniummik pilersitsiniaqatigiit ukuusut: Hotel Arctic, KJ Greenland, Sweco aamma Masanti /v Morten Gosvig, sanaartornermi siunnersortitut atorneqartoq, ingerlaavartumik attaveqarfigivai. Pilersinniagaq arlaleriarlugu allanngortinneqartarpoq, periarfissaq ujarlugu toqqavioreersumi/sanaartorfissami pioreersumi immikkut ittumik akuerineqarluni pilersinniakkap sananeqarsinnaanera; tamannami KPT-1200-C02-mi aalajangersakkat atuuttut tamanna periarfissaritereermassuk.

Aalajangersakkani (overordnede) aqqusinermiit sanaartorfissat killingi 7,5 m.-eriuvoq aqqusernup qeqqaniit, tamannalu malinneqartussaammat, KPT-mi aalajangersakkani annikitsukkuutaani (detaljerede) allassimasut akornanni nikingasoqalerpoq.

Tamatuma saniatigut aamma ajornartorsiutaavoq aqqusinermiit sanaartorfissap killinga vandrehjemip pisoqqap toqqavianik, sanaartortitsiniartullu sanaartorfigerusutaanik narsutseqqammat. Tamanna Ilulissani takornartaanngilaq illut/sanaartukkat ilarpassui sananeqarnikummata KPT-mi aalajangersakkap taamaattup atorneqalernissaa ukiorpassuarnik sioqqullugu – matumani KPT-1200-C02 eqqarsaatigalugu.

- Aalajangersakkani annikitsukkuutaani maleruagassat oqarput, toqqavik pioreersoq sanaartorfiusinnaasoq
- Aalajangersakkani (overordnede) maleruagassat oqarput, aqqusinermiit sanaartorfissat killingi 7,5 m.-eriussasoq, tamannalu ataqqineqassasoq

Pilersaarusionermut immikkoortortaqaqarfiup Namminersorlutik Oqartussani nuna tamakkerlugu pilersaarusionermik immikkoortortaqaqarfi attavigisimavaa aalajangiiseqqullugu, suliame matumani ileqqut atuussimasut tunngavigalugit toqqaviusup pioreersup qaavatigut sanaartornissaq inatsisinik malinnittutut nalilerneqarsinnaanersoq. Tamanna Nuna tamakkerlugu pilersaarusionermut immikkoortortaqaqarfiup itigartissimavaa innersuussutigalugu aalajangersakkat najoqqutassat (overordnede) atuuttussaasut najoqqutarineqartussaasullu. Takuuk ilanngussaq 001-03 (mail fra landsplan)

Ilulissani ullumikkut unnuiffiusinnaasut ikippallaareerput. Taamaammat illoqarfiup qiterpasissortaani akunnittarfiliorniartoqarnera tikilluaqquneqartariaqarpoq. Nunaminertaq piukkunneqartoq nunaminertatut C-tut aalajangersaaffioreernikuvoq, taamaaginnassallunilu.

Iluarsiiissutissatut siunnersuut – suliamik nalilersuineq

Qularnanngitsumik sanaartugassaq tamakkiisoq manna sanaartukkatut inituutut isikkoqartussaavoq. Minnerunngitsumik pingasunik qulereeqartussaani pissutigalugu – tamanili KPT malillugu tamanna periarfissaavoq. Illorsualiassarli ullumikkut vandrehjemmetut pisoqalisutut takissuseqartussaavoq. Ingerlatsiviup pilersaarusionermullu immikkoortortaqaarfiup pilersinniagaaq pilersaarusionermiit isigalugu pissusissaamisoorutut isigivaat, soorunamilu illuliornermi maleruaqqusat atuuttut najoqqutaralugit sananeqartussatut.

Tamatuma saniatigut suliffissat nutaat ataavartut pilersinneqassapput kommunitsinnut akileraarutigut isertitsissutaasussat. Kiisalu takornariat amerlanerit Ilulissat misigisinnaalissavaat akunnittarfik akikitsoq atorlugu.

Sanaartorfissap toqqavissaa iluarsilaarlugu aqqusinermiillu sanaartorfissamut killigititaq pillugu piunasaqaatit nalilivigeqqinnerisigut, tamakkiisumik ilaannakortumilluunniit toqqaviup pioreersup tungaanut, periarfissaqalissagaluarpoq pilersaarusionermut tunngavissaaq pisariaqartoq, pilersaarut pillugu tusarniaasoqarnerani akerliusoqassanngikkaluarpat.

Ingerlariaqqinnissaaq

Teknikkimut ingerlatsiviup pilersaarusionermut immikkoortortaani Kommunimut pilersaarummut tapiliussassamik nutaamik siunnersuusiortoqassaaq. Taamaanngippat siunnersortit avataaneersut atorlugit, sanaartortitsiniartup akiligaanik, kommunimut pilersaarummut tapiliussassaaq suliaritinneqassaaq.

Kingunerisinnaasai:

Kommunimut pilersaarummut tapiliussassatut nutaamik suliaqartoqarnissaa ataatsimiititaliamit akuersaarneqassappat, malitsigisaanik tamanut tusarniutigineqarnissaa ataatsimiititaliamit aamma akuerineqartussaavoq.

Aningaasatigut kingunerisinnaasai:

Soqanngilaq.

Inatsisitigut toqqammavigisat:

- Pilersaarusionerq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersoq
- Avannaata Kommuniani kommunimut pilersaarut 2018-2030 tapiliussat ilanngullugit

Suliamik suliarinninneq

Teknikkimut Ataatsimiititaliaq
Aningaasaqarnermut Ataatsimiititaliaq
Kommunalbestyrelsi

Teknikkimi Ataatsimiititaliami aaliangerneq:

*Ingerlatsivimmiit Teknikimut Ataatsimiititaliamut inassutigineqarpoq:
Nunaminertamut ILU-1200-C02 kommunimut pilersaarummut tapiliussassamik nutaamik
siunnersuusiortoqassasoq*

Aaliangerneq:

Pilersaarut ataatsimiititaliamit taperserineqarpoq, taamaattorli illunut eqqarlinut ungasissutsit inissarlu ernummatigineqarput. Pilersaarut kommunalbestyrelsemut ingerlatinneqarnissaa kissaatigineqarpoq.

Aningaasaqarnermi Ataatsimiititaliami aaliangerneq:

*Teknikkimi Ataatsimiititaliap Aningaasaqarnermut Ataatsimiititaliamut inassutingaa
Teknikkimi Ataatsimiititaliap aaliangenera ilalerneqassasoq*

Aaliangerneq:

Teknikkimi Ataatsimiititaliap inassutaa akuerineqarpoq.

Inassuteqaat:

Aningaasaqarnermut Ataatsimiititaliap kommunalbestyrelsimut inassutingaa

Aningaasaqarnermut Ataatsimiititaliap aaliangenera ilalerneqassasoq

Ilanngussat:

Bilag 026-01:	Pilersaarutip titartagartaa
Bilag 026-02	Aqqusernit titartarneqarnerat
Bilag 026-03	Nuna tamakkerlugu pilersaarusiortoqarfimmiit mail-eq

Aaliangiineq:

**Inassuteqaat akuerineqanngilaq.
Ullumikkut sumiiffimmi sinaakkutaareersut naapertorlungit sanaartortoqassooq. Anginerusumik sanaartortoqassanguni periarfissat allat ujartorneqassapput sanaassamut tulluurtumik avatangiiseqarnissaaq kissaatigineqarmat. Sanaartortussaaq periarfissaanik tunineqassooq pilersaarutip piviusunngortinnissaa siunertaralungu.**

Ataatsiminneq naammassivoq nal.: 1515

Atsiorfissaq:

Aqqalu Clasen Jerimiassen (A) _____

Knud Kleemann (A) _____

Minik Høegh-Dam (AT) _____

Palle Jerimiassen (S) _____

Lena Ravn Davidsen (D) _____

Bendt B. Kristiansen (IA) _____

Jens Ole Nathanielsen (IA) _____

Niels Davidsen (IA) _____

Anthon Frederiksen (N) _____

Jens Napâtok` (N) _____

Ane Qujaukitsoq (S) _____

Elisabeth Nielsen (S) _____

Jens Kristian Therkelsen (S) _____

Jakob Petersen (S) _____

Jørgen Kruse (S) _____

Magrethe Christensen (S) _____

Sakio Fleischer, (S), _____